

75
Azadi Ka
Amrit Mahotsav



SAIMA

KOKBOROK SAL RWGWI KARIMUNG - 2023

SAIMA

KOKBOROK SAL
RWGWI KARIMUNG - 2023

SOCIAL MEDIA LINKS OF TR&CL, GOVERNMENT OF TRIPURA

Email id: dir.trci-tr@gov.in

Website : www.trci.tripura.gov.in

You Tube :

Tribal Research and Cultural Institute, Tripura.

TUI Editorial Board

Facebook Links :

<https://www.facebook.com/tri.tripura.2020>

Twitter Links :

https://twitter.com/tripura_tri

Instagram Links :

<https://www.instagram.com/tri.tripura/>



TRIBAL RESEARCH AND CULTURAL INSTITUTE
GOVT. OF TRIPURA, AGARTALA

সাইমা

মুকুমু বিজাব

SAIMA

ককবরক সাল: ১৪৩৩ ত্রিং

১৯ জানুয়ারী : ২০২৩

তিপরা নাইফিল তেই হুকুমু তাঙখর,
ত্রিপুরা হাফাঙ

সাইমা

মুকুমু বিজাব

ককবরক সা: ১৪৩৩ ত্রিং

১৯ জানুয়ারী : ২০২৩

তিপরা নাইফিল তেই হুকুমু তাঙখর,

ত্রিপুরা হাফাঙ

SAIMA

A literary Journal

Celebration of the 45th Kokborok Sal-2023

Kokborok Year : 1433 Tring

19th January 2023

Published :

Tribal Research and Cultural Institute

Govtment of Tripura, Agartala.

© তিপরা নাইফিল তেই হুকুমু তাঙখর,

ত্রিপুরা হাফাঙ, আগরতলা

© **Tribal Research and Cultural Institute**

Govtment of Tripura, Agartala.

কমখিঙনাই : শ্রী এ. এইচ. জমাতিয়া, ডাইরেক্টর, সঙ্দুক নাইফিল তেই হুকুমু তাঙখর।

Editor : Sri A. H. Jamatia, Director, Directorate of Tribal Research and Cultural Institute

এডভাইসরী বোর্ড : ডাইরেক্টর, সঙ্দুক নাইফিল তেই হুকুমু তাঙখর।

শ্রী নরেশ চন্দ্র দেববর্মা

শ্রী নন্দ কুমার দেববর্মা

শ্রীমতী লিলি দেববর্মা

শ্রীমতী গীতা দেববর্মা

শ্রীমতী অজিতা ত্রিপুরা

শ্রী অরুণ দেববর্মা

হেড অফ অফিস, সঙ্দুক নাইফিল তেই হুকুমু তাঙখর।

Advisory Board : Director, Directorate of Tribal Research and Cultural Institute

Sri Naresh Ch. Debbarma

Sri Nanda Kr. Debbarma

Smt. Lily Debbarma

Smt. Gita Debbarma

Smt. Ajita Tripura

Sri Arun Debbarma

Head of Office, Tribal Research and Cultural Institute

Printed by : New Quick Print, Agartala. # M.- 9436129362



RAM PADA JAMATIA



MINISTER
TRIBAL WELFARE, INDUSTRY & COMMERCE
(HANDLOOM, HANDICRAFT & SERICULTURE)

KOK KWCHARMUNG

1979 bisini 19 January salo Tripura haphang Kokborokno Tripura hasteni habanokni kok hwnwi gosimung rwkha. O salno maitu narwkna bagwi bisi burum burum Kokborok sal palaijagwi tongo. **Takwlai philbrwichiba (45th)** Kokborok sal palaina thangwi tongo. O sal Palaimungno rugwi Tripura haphangni 'Tribal Research & Cultural Institute' bai 'SAIMA' mungwi kokrwbai bijap karina hwnwi khwnawi ang belaino kha tongthokjakha. Tamoni hwnmale kokrwbai wngkha kaisa kokno kuchugo tisathani tei phuwarthani yakhilikni samung tango.

O 'SAIMA' kokrwbai bijab swinairogno ang khabai khukbai hambai yapharo. Tei borogni saktharmungbaino Kokborok kokrwbai teibo kuchugo kasanai, phuwarjaknai tei lukuni bisingo sogwinai hinwi ang kha khai o.

'Kokborok Sal'no teibo chwnarithani, kokrwbaino kuchugo tisathani tei phuwarthani o 'SAIMA' kokrwbai bijap yakhilikni samung tangthun abono ani naimung.

Hambai.

(Ram Pada Jamatia)

Montri

Borok Dofa Hamkhrai Bedek
Tripura Haphang

New Secretariat Complex, Room No.: 3205. 2nd Floor, Agartala-799010, Tel:- 0381-2413224 (o)
email ID : ministertwtpa22@gmail.com

(RAM PADA JAMATIA)
Minister

Tribal Welfare, Industry & Commerce Deptt.
Govt. of Tripura.

Lalhming Thanga Darlong



**Secretary
Tribal Welfare Department
Government of Tripura**

Message

I am delighted that the Tribal Research & Cultural Institute is going to publish a literary journal namely 'SA/MA' on the occasion of "Celebration of Kokborok Sal" on 19th January, 2023.

I hope the Kokborok Language will not only play an important role as a means of communication, but also reflect the cultural ethos of the tribal people living in Tripura.

I extend my best wishes to all the Kokborok speaking people of Tripura and also convey my sincere thanks to all the officials of the Tribal Research & Cultural Institute for their efforts in accomplishing the task successfully.

(L.T. Darlong, IAS)

**Secretary,
Tribal Welfare Department
Government of Tripura**

New Secretariat Complex, Room No.: 4205. 2nd Floor, Agartala-799006,
Tel:- 0381-241-5712 (O), Mob. No. : 9436540787, email: secytw@gmail.com

-: Contents :-

Kokbwkhal

MAHARAJA BIJOY MANIKYA(1532-1564)

Nani Gopal Debbarma 11

BUBAGRA RADHA KISHORE MANIKYANI

LUKUHAMKRAI SAMUNG BWTANG

Nani Gopal Debbarma 14

BAITHANGNO SININA NANGNAI

Rakhi Debbarma, Hezamara 19

KOKNO HAMJAKMANI SAL KOKNI SAL

Nayan Kumar Tripura 21

MAMITANO RWGWI KOK KISA

Bikash Debbarma 23

'LEBANG' (kokbom)

Dilip Debbarma 29

Maharaja Bir Bikramni 'Rajyabhishek'

Boyar Dev Barman 30

Koklop

◆ Achaima	Dhanuraj Noatia	37
Khapang Tripura	34	◆ CHASWMAI NI KHUM
◆ SIYARINI PAMTWI	Kunal Debbarman	38
Jeshmi Debbarma	34	◆ LANGMA NI BUMUL
◆ Achukgwi Ta-tongbaisidi	Kunal Debbarman	39
Kusumsa Tripura	35	◆ Lama Gam Rutukgoi Manya
◆ NAGUI	Kusumsa Tripura	40
Rithish Tripura	35	◆ Twisulung Kuthuk Twisa
◆ Swinai	Prijesh Debbarma	40
Rithish Tripura	36	◆ Nini mokolni mwktwino sarwi
◆ Nwng ano sochaphaika	Pohar Debbarma	41
Boyer Debbarma	37	◆ Muwani
◆ Bwkha kwrwi khai	Dhanuraj Noatia.	41

♦ Jorani bwthai		♦ Tokma Kosom	
Samar debbarma	42	Mintu Debbarma	50
♦ BUKCHA GAIRING		♦ Phainai salsa anibo Phainai salsa	
Sarup Tripura	42	Pitor Debbarma	51
♦ LAIBUMA KWTHAR KWMAKHA CHINI		Ragini khachuk	
Sahash Debbarma	43	Sarup Tripura	51
♦ BWKHRWI BODOL		♦ RANG CHAKNI SAL	
Bijoy ram Tripura	44	BIYANG KWMAKHA NWNG !	
♦ PHEMOLOK		Sahash Debbarma	52
Jeshmi Debbarma	45	♦ Mangphili	
♦ NOGARAI		Sati Ranjan Debbarma	53
Drupenjit Tripura	45	♦ Langma tong sak ani	
♦ HABA		sinimung narak di.	
Drupenjit Tripura	46	Sati Ranjan Debbarma	54
♦ Nokhyungni Yakhili Ringhoro		♦ SINIMUNG RIJADI KISA	
Jahen Debbarma	46	Rostam Debbarma	54
♦ KHAPANGNI JADU		♦ Langma rwkhwno chobani khorang	
Rostam Debbarma	47	Lordjen Debbarma	55
♦ "KHAYAUGWK"		♦ Talikha Hamya	
Rupa mohan Tripura	47	Sushmita Debbarma	56
♦ Khumtiya		♦ THANSA	
Shibani debbarma	48	Udai Manik Tripura	56
♦ MANI HAMJAKMUNG		♦ KHATANGMA	
Shibani Debbarma	48	Madhabi Jamatia	57
♦ Kiphilna Rwngliya		♦ Hachuk	
Dhiman Debbarma	49	Rina Debbarma	58
♦ Ri Kari		♦ Mamita	
Sandhyaram Debbarma	49	Rina Debbarma	58
♦ Lama Saiywi Himdi		♦ Raida kwta buphuru achaino?	
Sandhyaram Debbarma	50	Kashmir Debbarma	59
		♦ Ani haparo	

Kashmir Debbarma	60	Kapiram Tripura	69
◆ Ani hachwkni		◆ KORMOTI	
Kashmir Debbarma	61	Kapiram Tripura	69
◆ Angle Ma-Pha Kwmajak Bwsa.		◆ KUBUI	
Subhadra Debbarma.	62	Kapiram Tripura	70
◆ Baithangno poito chadi		◆ Pal hinke sal	70
Urmi Debbarma	63	◆ Cherwi nai Thai	
◆ Maa		David Debbarma	71
Manilisha Debbarma	63	◆ Mukthang Wngsinai	
◆ Muchungma		Kripasindu Debbarma	71
Manilisha Debbarma	64	◆ Nwng ano bwswk le narwk nai	
◆ THINANG		David Debbarma	72
Manilisha Debbarma	64	◆ Sal Nukjakya Tini	
◆ Mwnakni Khorang		Akash DebBarma	73
Suari Debbarma	65	◆ Tei Bwswk Chalwi Tong Nai (TripuraHa)	
◆ Kungkila		Akash DebBarma	73
Namesh Debbarma	65	◆ Yarwng kosok	
◆ O Khorang Hukumu Khujak		Sakulum Jamatia	74
Bikash Debbarma	66	◆ Chaswmai rangchak ni toksa	
◆ Sabo Nwng?		Tamas Debbarma	74
Bikash Debbarma	66	◆ HIMDI TEI WAISA	
◆ TALNO RWGWI HWKNI SAMWNG		Sahil Debbarma	75
Dilip Debbarma	68	◆ Laithangjak o jora	
◆ KOKTHAI KWMAJAK		Jeshmi Kalai	75
		◆ Swkangwi	
		Jeshmi Kalai	76

♦ The Discovery of the Sarinda and Changfeng Musical Instruments	
Buddharam Debbarma, Linguistic Officer (Ext.) (Naichermung)	75
♦ Lampiri ni Emang (Kothoma Bwsa)	
Jeshmi Debbarma	77
♦ Samung (Kothoma Bwsa)	
Gagan Debbarma	79
♦ Juangkhang (Kerang Kothoma)	
Bhuban Mohan Jamatia	82
♦ Sajlani kubuk wansukmung (Kothoma Bwsa)	
Pitor Debbarma	86
♦ Sanja Damsani Lamao (Kothoma Bwsa)	
Sachlang Debbarma	88
♦ ARI (Kothoma Bwsa)	
Sahish Debbarma	90
B ♦ Kiphilwi ridi (Kothoma Bwsa)	
Kashmir Debbarma	92
♦ Ruphaini Buduk Chowi Thango (Kothoma Bwsa)	
Bikash Debbarma	98
♦ Chamari achomsa (Kothoma Bwsa)	
Ashit Debbarma	101
♦ Hisab Rwnnya Matiram (Kothoma Bwsa)	105
♦ জিৎসেনলউ হজক	
ক্ৰইরী মগ চৌধুরী	111
♦ ক্যাগাইং হুং কঙ (Kothoma Bwsa)	
ক্ৰইরী মগ চৌধুরী	114

MAHARAJA BIJOY MANIKYA(1532-1564)

Nani Gopal Debbarma

Bubagra Deva manikyani sajlwa wngkha Bijoy manikya.1528 engreji bisio Tripura Hasteni bubagrani achukthaio sepmano.Bijoy manikya bubagra chongjak phano ,Bubagrani samung bwtang bini senapoti okrani koktwino cholio.Senapoti okra wngkha "Dullap Narayan",boh wngkha buini kahamno nairingya bwkha.Sitra hai sena bokhorok khorksa,Bubagra Bijoy manikya bumung simino bubagra hinwi aa jora sini jago,twrwk twrwk khai sena okrani tomung chamungno "Bijoy manikya"sina nangkha,Asole "Bijoy manikya"wngkha sena okrani bwchamari(chamari).Hani hamkraini bagwi Bubagra "Bijoy manikya"uansuknani chengo tei bwkra hai tongmung sitra tei samung sitra bai kwbljak senapotino hani rwkhwlaina eba bwtharwi khibina uansukmung khao chongkha.Oh samung bubagra "Bijoy manikya"bising bising Madhav mungwi khoroksano oh samungni barja yapharkha.Madhavno rang ri tei tong kwchangni sepbo rinabagwi bubagra "Bijoy manikya"sakbaithangno gosikha.Salsa Madhav bwkra Dullap Narayan no chuak maikham tei chamung nungmungni pandao phaing bagwi kwcharkha,Ah jora belai chuak khani mani bisingtwi Dullap Narayan no

chuak phekriwi khani kha.Dullap bilai phekmani bagwi sichaya

wngma jora bono kubuk manwibai totora duk sachukha.Aa jorano Bijoy manikyani sena okra eba Bwkwra jagano dropsa thwikha.Aboni salnwi salthamni ulo Bijoy manikya Muswi sikaro onghorka,kisaswk sal jorani bagwi Rajbario phirok phailiya.Haino hai Bijoy manikyani ishiri bwphano bwtharnai Madhavno bing sagri rogn rohorwi Madhavno paikhibikha.Aa jora bubagra Bijoy manikya bihikno Lokhipurni bolongo tongna bagwi rwkhwlai rohorkha.Aboni yagulo tei khoroksa brwino hik songwi ishiri swnamkha.

Singhason manmani yagulo bubagra Bijoy manikyani puila uansukma wngkha bini sengkwak bodolrogn phan bangrina tei choba khai kwrwng khai tisana bagwi boh yapri barok kha.Kahamkhai choba khaina tei ha naikolna samungo thepana bagwi boh kwbang Rwnrog swnamkha.Tei abono karwi chobani nangkukma manwi khwnwirog ajina chengo.Phatar hani bubagarog jemtwikhai ha sek tamanthun abono uansugwi bubagra Bijoy manikya senarogno thumka.Bini aa senarogni bisingo tongo Tipra,thuruk tei urisha hasteni kisa misa

senarog. Bini molo uriya senarogno naimuthang barja yapharka. Rajbari tei rajani naimuthangni barja yapharjak kha Oh khondo senarogni thani, uriya senarog khondo mungbai sinijago. Bubagra baithangni sachonno kwrak

khaina bagwi tei hano phuarna bagwi khao chongkha. Boh khasiya hasteni kisaswk hathai tei Sri hotta deshno yaphao chopkha, aphru khasiya bubagra bisio Mayung makba tei korai makchi khajna rohorna bagwi magosio. Aa jorao jayentiya bubagra kirijagwi Tripura bubagrani thani khorok bomkha tei sak baithang kechen gosiwi bini hani nangkukma manwirogno bubagrani thani yapharkh. Bubagra Bijoy manikya aboni yagulo chottogram phaising lamrikha. Chottogramo talchar romwi thuruk senarogbai choba khwlai kha. Puila chobao tripura bokhork khoroksa jan arikha. Phiyaba thuruk senarogno chenwi mathangka. Thuruk sena Mohomod khanno Raja khor ha kwchago (udoir pur) romwi tubujak kha tei chibrwi mwai nokni bwskang bono kotok rasukha. Aboni yagulo Bijoy manikya ha Banglani amchairogno bini yaphao tubuna bagwi lamrikha. Bini tongo hatwi himnai nwichidok sai sena tei basai koraibai choba khwlainai tei basai Rwnghai choba khwlainai sena, okokrok khurchajak tongo Dhaka hangkorni gejetars bijabo, "Bijoy the Raja of Tripura in relation, invaded Bengal with an army of 26000 in fantry and 5000 cavalry, besides Artillery. He travelled with 5000 boats along the rivers Brahmaputra and Lakehya to the Panda, spent someday, at Sonargao, in debuachery and then crossed to Sylhet." Bijoy manikya Ganga jamuna tei Saraswati twimani twirukung amchairog

nobo bini yaphao chobo. Bubagra Bijoy manikya kwplai Bana tisawi Borma putro twio tukuwi kaiba durum ha bamonsano yapharka.

Bubagra Bijoy manikyani kubun samung bwtangrogni bising khobjago tiyari eba pusikini khurma mwai nok tangma tei lukurogno khajna najakya harogno bakma ,Bijoy manikya Bijoy twino koiri moiri wngjak twilamno keplengkhe twimanthokma sepkhwaika. Bijoy manikya sakbaithang swnamjak Mwtainok wngkha Doito Narayan Jagonath mondir. Tei Hira purni Bishnu mondir abo wngkha udoi purni simi 9 kimi pub gala amchaini Hira pur kamio mondirni holongo rikjak kokthaini bisingtwi saimano bubagra Bijoy manikya 1548 engreji bisio oh Mwai nok tango. Mondiro tongnai Mwtairogni bisingo tongo Sri krishno, Saraswati, Lakhi mwai akorog. Oh Mwai nokni kok Rajmala bijab rogobo khurcha jak tongo.

Tripura hani bubagarogni bising Bijoy manikya hai phan kwrak choba khai kwrwng mwai atai maninai tei luku hamkrai ni samung tangthani yapri senai kwbang nukjakthaiya. Kwbangma samung hamkraio bini uansukmung belai kotor. Ha Banglani samung tangkwrak tei samung khai kwrwngrogn Tripura hao tubui Tripura hano chungsacha khaitani bini bumung belai

kotor. Industri bini molo Tripura hao industrini Develop wngo .Tripura hani senarogno kwtalkuk khaina tei kwta kwta lamtwi choba khainani samungrogn bono puila chengnai. Mugal ha bubagrani montri Abulfajalbo bini I in akbari bijabo swilangkha, "Bhati" ni hathaini samlalai kaisa hathai sadin haste tongo, Aa hathaini mung

Tripura tei aa hathaini bubagra wngkh Bijoy manikya. Umor paithago bubagra Bijoy manikya Unokutino khobwi kwbangm tirtho berailangkha, okokrog rajmala bijabo khurchajak tongo. 1535 engreji bisio bubagra Bijoy manikya unokuti tirtho berai langkha. Bubagra Bijoy manikya bwsajwlano sena bokhorok gopi prashadni yago berwi 993 Tripura abdo o basanta bemarkai manjagwi Tripura hano yakarlangkha. Bubagra je bisio thwio aa bisio Europe hani beraikhiri samungbai tongnai Ralf fichh Tripuratwi khwlai Bangla hao basulangha. Aaphru boh bini berai khiri Report o swilangka,-

"From Satagan I travelled by the country of the King of Tippera, with whom the Mogen have almost continual wars. The Mogen which be of the Kingdom of Recon and Rame, be stronger than the King of Tippera. So that Chatigan or Portogrand, is often times under the King of Recon."

Bubagra Bijoy manikya hai choba khai kwrwng ha bubagra aa jora bisi kwrwitha. Boh thwipru bini umor wngkha 47 bisi. Tripura hani bubagrarogni bising Rajadi Raj mung borom mannai wngkha Bubagra Bijoy manikya. Boh thwimabai Tripura hani chungsacha rangchak budul duksa kwmai thangma hai matongkha.

BUBAGRA RADHA KISHORE MANIKYANI LUKUHAMKRAI SAMUNG BWTANG

Nani Gopal Debbarma

Bubagra Radha kishore manikya 1896 engreji bisio umor brwichi kaphru Tripura haa ni Bubagrani achukthai manu. Aboni sekangno ba Tripura haa naikolnani samungrog bahai khwai tangna nang buphani molono kisamisa swrwng naharkha. Jephru bupha Birchandra Manikya Brindabon Tirtho o beraino thango ah jorao Radha kishore Manikya buphani haa naikolmung samungrogno bono Montri bodolrogni bising naikolo. Aphru ah Montri bodolni kasku wngwi bo samung khwai kha. Aphru ni simi no Rajakhor amchaini haa naikolnani samungrogbo swrwng nakha. Singhason achukmani yagulo kisa misa jwngjalrogbai kubulkha Aboni yagulo 1889 engreji bisi ni February talni 8 salmario bwsla Birendra kishore Manikya tei haa o phobjak baiyo. Bini molo no kerong naikolnai Bharat chandra Thakurni thai o Saradacharan Thakur no chongjago 1310 T.E 17th poush. Bini molono Umakanta Das no tei waisa Montri ni achukthai o sep rio 17th kartik 1311 T.E. Bini molo no Rabindra Nath Tagore Tripura hasteo beraina phao 1902 engreji bisi Tripura hasteni laibuma Rajmala bijabno komthingnani yapharjago Chandraday

Bidhya binode mungwi khoroksa rwng kwrwng wanjwi no 30th choitra 1311 T.E. Bugra Radha kishore Manikya ni molo no Komla Sagarni mwai nokno teisa kwat kuk khai swnamjago. 1313 T.E. bisi ashar talni 25th salmario. Montri Umakanta haa naikolna bagwi kwbangma naikol bedek swnamlangkha. Agartala rwngnok kotorni khoroknwi no Radha kishore Manikya ni molo "Rwng" kwrwngni sokat yapharjakha. 1905 engreji bisio no Agartala High schoolni mung swlaijagwi Montri Umakanta Dasni mungbai swijago. Aah Bisio no Nwyungma kwat tangjakmani samung paio. Aah bisio tei kaisa samung kotor tangma wngkha holong rikjakni marirog thumma o thumtani samung tangni wngkha Chandraday Bidhya binode. Oh holong rikjak mukumu bijab ni bising twino Tripurani laibuma cherthani tei kwbi laibumano swrai swrai khainani kaisa yapri barokma 1313 TE ni phalgun talni Dok(6) salmari o. Oh holong rikjakni bijab karijago. Bubagra Radha kishore Manikya ni amolono Agartala aulini hamkraini samungo thamrasai (3lakh) rang swbaijak kha. Abono karwibo hasteni kwbangma jagao khorchi(10) Tiyari kotor

khurjak kha. Aah jorano Udai purni Amani mwtai nokno teisa swam jakphiru. Abono karwibo Bubagra Radha kishore Manikyaani amolo kwbangma luku hamkrai samungrog tangjagwi tongo. Aah samungni bising tongo Sonamura, Udaipur lahar pholokna samung chengjakma. Abono karwibo Rajbarini Bwskango Tiyaari kotor Krishno Sagarno kotor tei kuthuk khwlaima, Chibrwi mwtai nokrogno kwtal khwlaima akorog samung. 1904 engreji bisio bini swamjak VM sakham nok chati musungwi dugar phiyok kha British ni adong John Woodburn. Bini molo no mwtai rogno naikolna tei mwtai nokni hamkraini samung yapharjago Ujir Gopi krishna Thakur no. Abono karwibo Rajbarini Lybrary ni poja Malai Dev ni thaio Kaliprasanna sen no poja yaphar jago.

RWNG PHUYAR THANI BUBAGRA RADHA KISHOR MANIKYA.

Tripura hasteni rwngnok phuyarthani Bubagra Radha kishore manikya belai saktharlangka. Hasteni lukurogno rwng kwrwng khwlai tisano bagwi maguna porinani bagwi rwngnok tei college rog eba rwngnok kotor rog khulok kha. Aah Kokrog no uansukgwi bo kokthaisa salangkha, rwngno lukurogno yapharwibo maya tei rwngno paibo maya. Kami amchaini lukurogno rwngno khawarina bagwi khorok thigwi rang khokba(5)khwlai rimani bisingtwi Tripura haa ni rwng swrwngnai rog sep rikha. Phiyaba aphru phano Tripura hasteni lukurog rwngno kha warthaya wngwi tongbai o. (Tripurai anya Rabindra nath debbarma 88). Bubagra Radha kishore ni molo no kumilla, victoriya rwngnok kotor phuyarjago. Oh college chengjago septembar talni 24th salmari 1899 engreji bisi

puila oh rwng nok kotor chikonsa rwngnok tongmani. Sri Ananda chandra Ray mungwi khoroksa Assam, Bengal Rail line ni khoroksa contactorni samungbai rang ajinai aah rangrogbaino puila rwngnok swam mani. Ananda chandra ray wngkha Tilok chandra singha bosong khoroksa bohrok sing mungborombai sinijago. Oh rwngnok kotor tangjakmani ulobo Raibahadur mungbai sinijago. Oh rwngnok kotorni bwskang Ananda chandrani mangthongbo achuk rijak kha. Aah mangthongni holongo swijak tongo - In loving memory of Roy Bahadur Ananda Chandra Roy who founded Comilla Victoria College in 1899. (Comilla Victoria College Itihas page no 29) 1899 engreji bisio oh college chengjak phano aah rwngnokbai baksa 1904 engreji bisio kaisa trust Deed ni bisingtwi rwngnok tei rwngnok kotor baknwi khwlai bakjago. Oh trust Deed khaina nangmani wngkha rwng bedekno phuyarnani bagwi tei rang - ri biyalni jwngjalno kakrina bagwi, tamoni hinba oh rwngnok kotorno phuyarna thanikai jaga tei rang- ri ni doro wngo. Aboni bagwino 1904 engreji bisio kaisa trust deed dostoko wnglaio. Oh trust deed songchajak kha - His Highness the Maharaja of Hill Tippera, and the Proprietor of Chakla Rosnabad. 2. The magistrate and collector of the district of Tippera tei Ananda Chandra Roy bohrok khorok thamno twi. Aboni bisik brwi ni ulo haino hai tei kaisa trust deed songchajago. Aah trust deed dostogo khwlai jago 1908 engreji bisini march talni 24th sal mario. Oh Trust Deed ni naharmung wngkha tei uansukmung wngkha rwngnok kotorni joto hamkraini samungno phuyarna. Oh Trust Deed ni kokmang tei kok bothoma wngkha

-- 1. That the trustees thereby appointed should be responsible for the maintenance and proper management of the college with power to improve and alter the status there of should all the three trustees consider any improvements and alterations desirable and proper. 2. That the Raja would make a free gift to the trustess thereby appointed of land for the purpose of a college, of a boarding house and of the Residence of the Principal and give a sum of Rs.500 for the erection of pacca buildings for the college. 3. That the Raja would give a sum of Rs.500 for equipments and make a permanent annual grant of Rs. 500 to the college. 4. That the said Ananda Chandra Roy should during his life time make an annual grant of Rs 300 to the college.

**LUKU HAMKRAI TEI
LUKUROGNO RANG - RI CHWBA
THANI BUBAGRA RADHA
KISHORE MANIKYA.**

Bangla kok tei Bangla kok Rwbaino twwi chernai kok lob kwrwng Dinesh chandra Sen khoroksa Comilla Victoria Collegenai phrungnai khoroksa RangRi biyalni bagwi bini bijab Bango basha o Sahitya bijabno karimaya wngtong phru, Aphru Bupha Birchandra Manikya bono Rang chuba kha. Sanjiboni koktuma bwlaini bisingtwi koklobnai Hema chandra Bondhupadhyani nukhungo Rang- Ri ni biyalni kokno khwnawi Bubagra Radha kishore Manikya bono tal thigwi Rang thamchi (30) dormai rikha. Abo karwibo sir Jagadish chandra porithani Rang- Ri ni biyalni kokno khwnawi khwnama logi logino Rang chi sai (10) rohorkha. Oh kokrog sana thangkai khurchana kwlaio" Ani hamjwkn

goina gathi rigrayaphano tongsianw", aah jora wngkha Bwsajwla Birendra kishore Manikyani kailaibarini bisi. Phiyaba oh porinaisanole (Jagadish chandra Boso) twibumkhor ayang naro rwng kwrwng khwlai tubukhai Bharat haa kotorno Rangchak Richakbai chwngsa riphaima hai khwlai phainai. Omo ani hamjwkn goina gathibai surchana kwrwi". Okokrog sawi Bubagra Radha kishore Manikya dodoro dodoro Rang chubakha Jagadish chandra Basuno. Jagadish chandra Basu Bilat haao thangwibo Rang Rini biyal wngwi tongphru Nwichi sai Rang chuba kha. Okokrog 1918 bisini March talni Chinwi (12) salmario Englishman koktuma bwlao swijak kha.- 'While in this dilemma he receive a communication from the Maharaja assuring him of his firm belief and a large remittance towards the possibility of continuation of his researches.... It was the special request of the Late Maharaja that he wished to remain unknown in this connecton. Rabindra nathni bwta Jutindrarindra nath no songit prakashika mungwi koktuma bwlai kokthingna phruba tei Rabindra Nathno Bango Dharshan koktuma bwlai kokthingna phruba Rang chuba kha, (Geography of Independent, edited by Maharaj kumar sahadev Bikram kishore debarma). Jagadish ch. Basu jephru buphang rogni torna lokmano elemni bisingtwi amjokna phru kisa misa phangchara rokni doro nangkha aah jorao Rabindra Nath tagore Jagadish ch. Basuno buphang waphangrogni torma lokma tei langma naharmani kokno twwi kisa misa phang chararogno sainani bagwi Jagadish ch. Basuno dagikha. Aah buphangrog wngkha muiya hai waa rogo

twwi Jagadish ch.Basu waathwi waano no elem amjokmung rogo saiwi naharo. Phiyaba oh wathwi wanale boro mannai oh kokrognno uansuk tongphru Rabindra Nath tagore Tripura haa ni bubagrano wathwi waa ni bagwi koktuma bwlai rohor kha.(1312 TE ni ashar talni salnwi(2) salmari).Phiyaba lama majar majio aa phang chara rog thwiphano mano hinwi ohkokno uansugwi Rabindra Nath tagore haino hai tei uaisa bubagrano koktun bwlai rohor kha.Aphru haino hai nwichi nwichiba wathwi waa ni phang chara rarwng gwnang haabai twibai rohornani bagwi chaitokjak kha.Jora bisingtwino aah waathwi waani phang chara Jagadish ch. Basuni thani yago sogwibai kha.(1905 engreji bisi jora).Abono karwibo bubagra Radha kishore Manikya samungo chuba kha.Aah chuba mung wngkha-1. Brammo rwngnok eba Santiniketon ni bagwi thiyasak jora bisio 1000 rang rohorma(1901- 1947 jora).2.Oh rwngnogo elem swrwngnai rogni bagwi manwi khwnwi eba jontorog yapharma.3. Bengal technical institute ni elem amjokmungni nogo jontro pati yapharma.4.Kolkata R.G. kar Medical college ni bagwi wards swnam thani Rang chubachu rohorma.5. Rabindra Nath tagore ni koimungbai rwchap kwrwng Sachi kr.hes no tongthai jaga rima tei Rang - Ri chuba kha.Oh kokrogni bisingtwino sai mano bubagra Radha kishore Manikya wngkha khoroksa khakuwar tei maya gwnang Tripura hani bubagra.Bini molono swi kwrwng Umakanta rwngnok ni phrungnai okra Bupendra chandra chakrabarty no Rang Ri chwabawi cherai rogni bagwi Rajmala bijab komthing rikh.

MAHARAJA RADHA KISHORE MANIKYA SAMUNGROGNO NAIKOLNA BAGWI TRIPURA HASTE BERAIMA.

Tripura hani luku hamkrai samung bwtang rognno naikolna bagwi Tripura hasteni kwbangma amchairogo berailangkha(1312 engreji T.E).Udaipur amchai beraina bagwi Thangphru 'Kakraban' amchaini Nuyungma kwchamo bo thulangka,tabukbo aah amchaio kwcham Nuyungma nokni mari tongkhu.1893 engreji bisio Bangla kotor phaimabai Unakuti hathairogni kwbangma mwtairog hapung kakhwlai phobjak thangbaio.William Saheb ni koktunn bwlao okok rog chwnng saimano.Maharaja Radha kishore Manikya bo haino kailashahar(Unakuti Distric)Auli amchaio kwlainai Tirtha o beraina thangka. Chakla Rusnabad ni amchaini haa ni khajna tei aah amchaini hamkraini bagwi Bubagra Radha kishore Manikya 1898 engreji Kumilla amchaio naikolna thango.Bubagra Radha kihore Manikya Auli kotor Delhi berai phaima ulo Woodburn Artisan School swnamkha(1903 bisi February).

RADHA KISHORE MANIKYABAI TANGJAK ALAIDA LUKU HAMKRAI SAMUNG BWTANG.

Radha kishore manikya Tripura hasteni hamkraini bagwi je je samung bwtangrog yago naharkha abo belaikeno uanama sincha kok.Tripura hasteni Mayungrog belai Khai mungwnang.Bubagra Radha kishore Manikya ni molobo belaike mayungrog tongbaio.Bini molo hasteni Mayungrog kisa kisa wngwi thangbaio.Aah jwngjal rog yakakna bagwi malmata khatijak bolong

(kolkata zologycal Garden)oh Tripura haani Bolongo mayung hai bolongni kwbangma malmatarogno aah khtijak bolongo rohorjak kha.Rohorjaknai bolongni malmatarogni bising tongo Mwsa ,Hulok,Tayung,Moina hai manthokya kwbangma tokrog.(Tripura rajyer 30 bosor-page no - 21).Tripura haani mayung bwyā bilaikhe morok. Abono karwibo Mwswi bokorong,Mwswi bwkur belai khe nangkukma manwi,oh kokrogno uansugwi Bubagra Radha kishore Manikya Tripura haa ni bolongni malmata rognō mwthang narukna yago naharkha.Oh samungrog karwibo Bubagra Radha kishore ni molo je samungrog tangjak kha amo wngkh,Municipal officeni tangnok Mangal chandi Aamani mwtaī nok tangma Radha Madhav Mandir,Jaganath Mandir,NirSingha Mandir,Mwtai Koborni Mwtai nok tangma akorog.Tei Rwngnok Phuyar thanibo Birchandra Lybreryno pholokma.Thakur

kumar Rwngr swrwngnai rogni tongma nok,Rajkumar rwngr swrwngnairogni tongthai nok.Phatar hasteni nogorai rognō tongthai jaga rina bagwibo Khusbagan ni nogorai tongthai nok Lal Mahal akokrog tangjago.Bini molono Isiri Tulsibatini mungwi Rwngr nok kotor khulokjago.Paithago okokrog khurchana kwlaio Bupha Birchandra Manikya Tripura hasteni hamkraini bagwi je samungrog khlaimanliya aah samungrog Bwsajwlani bisingtwino kisa misa khwlaijak kha tei Bupha Tripura hasteno kwtaī khlai swnam nani uansukmungrogno bono puila lama sonai.Aah samungrog bini ulni Bubagra rogni bisingtwino chwngr saimano. Kwbangma samung khaimani bisingtwi kha kwlaī maya gwnang luku chabanai,luku hamkrai samung bwtango kotor yapri baroklangnai Bubagra Radha kishore manikya Phalgun talni 28th salmario 1318 TE bisio langma sachu langkha.

BAITHANGNO SININA NANGNAI

Rakhi Debbarma, Hezamara

O bosong belaino kwchamkuk bosong mahabharatni simi tabukni digitalni ario sokphaioibo kwbangma samungo cherjagwitongo. O bosong keboya borog wngkha bharat ha kotorni uttor tei pubgalao tongnai Tipra hani bwsarog. Twima - twisa, hapung-hathaibai gwdalwi tongnairog. Sathai kwlai twini buprao tongnairog hinwino o bosongrog wngkha Tiprasa tei o tiprasarogni tongthai eba achai ha wngkha Tipra.

Mo bosong haino ereng erengya. Borogni baithangni omthai thwi kwlaina thai tongo, borogni kaham hamya wansuknai pha(bubagwra) tongo. A kubui kokthairog Rajmalani bijabo tabukbo kokthai thaissa thaisakhe pero. Mwtai (mahadev)ni gwrwng Bugwra Triluchonni thwi yoro o bosongo.

Gour hani nobabni sai sai korai ra ra mayung tei sipaino nugwi Sengtungpha chobano mwthakrinani koktongmani. Phiyaba Sengtungma(Hirabati) o bosongni sirisitini kwplaini kok pogwimanliya, bo sak baithang chango ri khaoi chobani nokhwlaongkhorkha. Paithago Gour nobabno menchenwi kwplai wngmani kokrog Rajmalao achukthai manjak. Chwng a bosongni bwsa bwtwirog.

Jora kaisao Bangla hani Hosen sahono

bo mechonrioi o hano kwplaini mang yapharnai chini rai kwchak tei rai kosom sengkwaksong.

Rajtontoro paioi gonotontroni jorao bo chwng buini ukologo tongwi unsurui tongnai bosongya. Tangthani -twithani, takthani - lupthani tongmabai baksa rwchapmung, mwsamung, rwngmari chini bisingo bo tongo. Rwchap kwrwngjwk chini bukhuk Sourabhee Debbarma bini mung bini elemno haktoro pirkha. Rwchapmungo siminoya bharat hakotorni sinimung kotor IAS officer puila wngnai chini Tipra hani bukhuk Tanusree Debbarma. Tongo tabukbo chini bisingbo obo hai bomtom gwnang. Phiya twmani aswk tabuk loko joko o bosongo?

Chini siklarog chini thinangni thong. Twmani imang koroi tongbaikha! Yaksi yagwra ukolok bwskang nasigwi yapri sebaiddi. komorwi thangnani swrapsa nangya. Chwngno nasigwi bui munwio. Kwplaini bosong chati thok paitwi paitwi teisakhe dopsa wngwi mwnak wngthok wngthok abono nasingnairog warak warak.

Rwng swrwngterlaio rwng kicha hinkhenorema, chi porikhenorema a bikeno ba twmani aswk khatungjaklai sidu siklarog! Buma, bupha bwswk aji, mai khopcha ajina thangthani bwswk yak ma kaphwra abohai

sinai cherai bangthaya.

Phekmungo bo aswkno kwphabaikha. Abonoba twmani aswk thokjakbaikhaba? Baithangni hakor baithang ta khurdi.

Salphaikhe kahamni swlai hamya koktun dakti dokphwrai sokphaio. Kirima sinsa wanama sinsa twma wngma kwlaikha o Tiprasa bwsarogni bike thuthai langma ario, kokya lamyasak sak langma sachuo. Swbani swraimung nangwiba aswk ligi lagi wngbaikha sidu! Ang bosong kaisani borok ang baithangni bagwi simi thangwi tongya. Ani nukhung, hoda, dophabebakno angbai kwrwngjak o kokno wansukna nangnai tei khaobo chopna

nangnai.

Chini bwrwi bwsa hinjaknairog eba chini siklirogbo twma monioba aswk kwlwkjak wngbaikha? Baithangni motombo siniliya buini bahaibo chongmanliya. Jemano jenono rwtharkhe wngya bele. Je dophani bwrwirogse kha siyakhe adopha komorna aswk lerya. Bwrwi bwsarog teibo kha sinani nangkhu.

Haino chwng mochosma wngte wngte thopsa thopsa wngna ta naidi. Kwplai bosong Tiprasa bosong phunugwi rilaiyanu chwng kubuino kwplai bosong. Tei keboni sili ta nangthun o hani bwsarogni sago. Khasinani belai nangsukbaikha.

KOKNO HAMJAKMANI SAL KOKNI SAL

-Nayan Kumar Tripura

(Kalikhala, Sepahijala Tripura)

19 January kokborok kokni borom manmani sal. O salo Tripura hasteni joto kokborok sanairog khatung-khajakhe rwchablai, masalayui, kanmung-chunmungbaikhe kokborok sal hinwi borom rwlai tongo. Obohainp 21 February okhe Hayung kokni sal palaio Hayung ganangwi. Oro sathai eba sungmung tamoni bagwi kokni sal palailai eba borom rwlaina nangkhana? Tongtharni sal, hakotor sal, bosongni sal wngwi manyade? Tamoni bagwi kokno aswk kotorkhe borom rwnani nanglaikhana? Je hayungni sal palaijagwi tongo aro mungsabo khaglaimabo kwrwi. Phunukmari Valentine's day, friends day, parents day, brother day, sister day, religion day, rose day abo jotono jotoni bagwi bagsa. Phiya kok? Abo kisa judayada? Juda juda borokni juda juda kok, juda juda tongtharo juda juda kok salaio. Phiya borokni naharmung kaisano, khani khakamung eba muchungmano khorangbai salaima. Khoroksa tei khoroksa manjulaima. Aboni bagwuno jotoni kokno hayung kokni sal palaimani salo borom rwlai.

Tamani bagwi kokni sal? Tamo ani kok? Wansugwi naikhe-ang tongmung KOKBOROK kok sayau kubuni kok

sakhe? Eba sauibo mano phiya ang jesabo kokbai kok sadi, Amaano Ama ringwi jeswkbo khagchangma mandi abono kubuni kokthai romdi Ammi, Maa ringwu abo manglak. Dukhu mankhe ani khugtwi Aha, Uho khorang wngkhornaino, kubuikhe sana thangkhe abono kaisa kokni sinimung. Kok kaisa bosongno eba dophano sinimung ruo.

Khatung khajani bisingtwi kok kaisa bini laibumano bisi bisi romoi romwi narwgiwgi mano abo sau manya eba kubui wngwi manya. Hayungo Globalizationni je boyar sipsakha aro kokni bagwi belai wanama eba kirima.

English swrwngna thangwi, chini khugni kok twrkw twrkw kwmai tongo. Kokborok kok samanaisai English, Hindi, French, Spanish jesabo kokbai kok sadi? KOKBOROK kokno borom manma salo chwnng chini rwchapmung, mwsamung, kanmung-chunmungbaikhe tongthoklaio. Phiyq nogni cheraino bangla eba mani kok saruyau English kok sanani bagwi chaitoklaio.

Kok sikwrwngrog aboni bagwino wanalaijago-Hati barnwio kaisa khwlaj hayungni kok kwmaui tongo. Obohaikhe hayungo tabuk 6000ni saka kok tongo, abo

kwmanani bagwi chini tei sal busuk nangno? Wansukhe wanao Slow poisoning-hai chwnge twrkw-twrkw kaisa kaisa kokno sokomorwi tongo. Abohaino kokborok kokno tuyuibo tabuk kwbangma kebengmung achaijak. Debbarmarog samani kok kokborok, kubuni kokrogkhe kokborogo khobjakya? Hinkhe kokborok sanai kaichar dopha eba kaichuku hinwi salaimao, jotonino janijani kokthai eba khorang tongo. Kokborok sanairog aborog thai manyakhd eba bedek hinwi gosijakyakhe kokborok sathinibo khaglaiyui salsa kokborok borom manma sal palai thaniobo kubuni kokno romdi-Tripura, Reang, jamatia, Noatia, Rupini taibo kwbangma

kokno borom rwnani nangyade? Joto kokno kokborok borom manma salo kokborokbai bagsa bagsakhe borom rwyakhe salsa kokborok kokbo salsa hati barnwio kaisa kok kwmananihai kwmauide thango?

Jeo bosong kaisa English kok swrwngwibo khani kok kokborok kokno kahamkhe saui mano. Baithangni kokno hamjagwi khorang kotorkhe gosiuimano, tongthogwi mano abonisai tai tamo tong?

Kokborok kokni borom manma salo o Ani swmaino swbaikhe hamya tama tong? Globalizationni kok English bai bagsa jotoni janijani kokno borom rwxhese kokni sal lalaimani kubui eba gothokjak wngwi mano.

MAMITANO RWGWI KOK KISA

Bikash Debbarma

Mamita wngkha chini borok dopham
Tiprasarogni mai kwtal chamano rwgwi
rwchapmung mwsamung ter. Sirisitini simino
chwng chini o raida kwchamrogno twiwi mai
kwtalni chuwak maikham songwi Mamita
salno palailaio. Omohai salo chini Tipra luku
dophani borokrog tongthokma bara
wngjaklaio. Mamita terni kokno Khursana
thangkhe hukno yakarwi eba yakhwrai
swnamyawi mamita tero basuwi thangwi
manya. Tamoni hinkhe hukni bisingtwino chini
Tipra luku bosongo mamita ter pailaijakmani
kothoma mano. Aboni kubui mari bebakno
tipra luku rwchapmung eba jaduni
rwchapmungni bisingtwi nukjago tei a
rwchapmungrogno chini hukum-
mukumurogno mwthangwi tabuksak jora
naragwi tonima nukjago. Tangwi hinkhe Tipra
luku rwchapmung eba jaduni rwchapmungni
bisingtwi chini Tiprasa luku bosongrogno
sirisitini hukum-mukumu, tong raida,
tangmung-twimung, huk khwlaimung raida,
Mamita rimung raida, dalbidal mwta
palaimung raida akorog mwthangjagwi
tongo. Laibumao cherwi naikhai nukjago
Kartik-Agun talo huk khwlaina bagwi huk
hokna bagwi bolong naima jorani simi
chengwi huk hogwi, sogwi, rugwi, mai kaiwi

, mai tangwi, mai rawi, nagwi, sibwi, chogwi
mayam nogo mai dama jora paikhen hukni
aswk sakduk manwi yakung-yak-bwsak
kwsa chariwi khain kupulung twiwi bisisa
khonwi samung khaimani bwthai manmabai
jaiti-gusti bosong khobwi, nok kuridok
makdok bosong khobwi cherai-khwnai,
okra-chakra, sikla-chalai, randa-randi bebak
chalai baksa khawi nokphang tongthokmung
kupulung twiwi sal-tal kaham nawi ochai
baruwa batiwi Maikwtal chalaiwi phailaio tei
tabukbo kisa misa chalaiwi tongma nukjago.
Obohai mai kwtal chalaima ternono Mamita
hinjago. Phiya mai kwtal chalaiphuru Sri Jodu
bai Sri Jomduno mwta rio, baksaba bisi
bisini, khali khalini nukhung hamari mana
bagwi, hamjwk-chamiri kaham mana bagwi,
maikhul pholina bagwi, jaiti gusti bosong
khobwi motomwi tonglaina bagwi tok,
takhum tharwi nukhungni mwta rilaio. Kok
hinkhe baksa baksa Mamitani salo nukhungni
mwta kotoono tok-takhum tharwi mwta rio
tei khulumo. O mai kwtal chamung eba
mamita tero chuwak-maikham chalaiwi-
nwnglaiwi bwrwi-chwla, bayapchari khobwi
rwchabwi mwsalaio, abotwi
rwchapmungnono Mamita rwchapmung tei
mwsamung hinjago. Mamita salni swkang

sarikphango rwchapmung mwsamungni bisingtwi ochai batijago. Phiyaba tabuk aswk obohai kwcham raidarog chini hodoa nukliya, kwmarwk kwmarwk wngwino tongkha. Sana thangkhe kwmarwino thangkha hinwi mano, swijagwi sajawwi simi tongsinai keboyakhe keboni swinaini swimungo. Obohai chini agini kwcham raidarog kwmarmani kok sana thangkhe sabaya, aborogno twiwi sakhe kubuni phaising kok bakhlwai thangnai tabuk salaigraya. Haikhe phaidi mamita ter rijakma raidarogno twiwi nailaigrani.

Chini Borok dophao sirisitini simi Mamita ter palaina bagwi dalbida raida-kaida khajak tongo. A raidarog laibumano rwgwi naikheni saimano, bador-asin talo hukni mai kumun rabawi thumbawi, mai nakbaikhaino mayam nogo maichwlwi-khwchwlwi tisajago. Aboni ulo mamita terni bagwi lukurogni bwkhao khatungkhaja wngwi bwchalaio tei nokphangni borokrogni khao tongthokmung mungsabai sursana kwrwi wngwi sakmangtwi nongkhor. Kami amchaini lukurog tei bayap chalairogbo aswkhe tongthokmung kupulung mwkhango twilaiwi tongo. Buphuru maikwtal chanai, saboni nukhungo wngnai a koktumarogno borog bogarathai a naichomtwi naichomlaiwi tonglaio. Khungsa khungsa nukhungo maikwtal chanani hinwi kok khwnakhai eba Mamita ter palainani hinwi kok chorma khwnakhai a koktumarog yaksi-yagra nobar bai baksa lukurogni khuk bai khugo pirjagwi tongo. Tipra luku hodoa abohai gwrwng, mangpili eba dalbida raida bai kubulwi Mamita ter mwchangwi gothogwi palbaksa nokphangno chubalaiwi Mamita palailaiwi phailaika. Haikhe tabuk phaidi Mamita ter

palaimano rwgwi ang thumui chabwi sai man mano khamao khursai swi phunukjaganw-

Ochai Baruwa batimani raida :

Saimanhorya jorani simi eba sirisitini jorani simi chini luku hoda raida bojakno rwgwi mamita rinai nukhungni nokphang belaike tongthokmung mwnwimung khajao chuwi mwkhango thairiwi borom rimungni bisingtwi kami chokdirino puila swkang mamita ter palainani kothomano phukjao. Tamoni hinkhai kami chokdiri wngkha kami hamkrai nainai, luku hamari tubunai, lukuni bisingo jotoni swlai borom kuchuk manwi manijagwi tongnai borok. Chokdirini khukni bisingtwino mamita rinai nukhungni nokphang Mamitani rinani bagwi nangmani manwi khwnwi bebek jugalio. Maikwtal chanani bagwi eba Mamitani bagwi jotoni swlai dorokuk nangkukma wngkha ochai-baruwano batimani. Tamoni hinkhai Tipra luku bosongo achaiphuruni simi thwima jora ochai kwrwikhai mungsa samung khwlai manya. Aboni bagwino maikwtal chana phurubo ochaini samung belai kotor tei ochaino belai dorokukhai nangmani nukjago. Ochai batimani raidarog Tipra luku rwchapmung eba jaduni rwchapmungni bisingtwi swrai swraikhe nukjago. Omohai rwchapmung kaisano khamao swi phunuganw-

"Da kwtal twiwi ri kwtal kanwi

Sarikphang ochai hinwi

Nokhwla pharwi nokhwla sibwi

Bisi bisini khali khalini

Kangal mamita rio."

Sakani puila rwchapmungni bisingtwi saimano, mamita rima salo ku-kubuino sap-sutra tongkwtharkhai ma tongo tei ochai bati phurubo abotwi tongkwtharkhaino ma thongo. Abohaino nukhungni nokphangbo

mamita rinani bagwi sakmang kwthar khwlai neremsi kwthar chawi ma tongo, nokhwla pharwi sibwi kwthar kwlai ma tonio tei mamita rinani bagwi mamitani salsa swkang sariphango ochaini nogo chuwarak powasa twlangwi thangwi sakmang kwthar khwlai ochai ma batio tei baruwanobo batiwi kabuna nango.

Mamitani jorao Osa mwtaio palaijakmung :

Badro tei asin talrogo hinkhe mai ra biti hinjago tei asin-kartik talo hinkhe mamita terno tongthok chathokhe chini Tipra dophani lukurog palailaio. A joraono osa mwtaio jorabo sokphaio, Bubagrare rang-ri gwnangba osa mwtaio misip mothona tanwi palaio, huk khwlai chanai kwrwi bigra khagra eba kangalrog hinkhe a jorao mamita terno tok, takhum tharwi mamita terno hohom dodomni bisingtwi palailaio. Sana naimakhe Bubagrare hinkhe bugrakhoro nuyungmani luku-projarogno twiwi hohom-dodomkhai tongthok chathok khwlai khajamung kupulung khwlaiwi Osa mwtaio kailao, misip mothona ratharlaiwi chalaio. Bubagrare huk khwlaibo chana nangya, mamitabo khwlaina nangya, palainabo nangya. Aboni bagwi jeswk tongthogwi mansak, khajawi mansak borog osa mwtaio palailaio. Huk khwlaiwi chanairog bai bubagrano bahaikhai biyang bwkhaktwi sursai manai. Borogba borogni khakhatwi khwlai tongthogwi mano, Bubagrare bai bigra-khagra, kwrwi-chukya lukurogno sursawi manya. Aboni bagwi kwrwi bigrarog osa mwtaio Bubagrare haikhai khwlai manyaphano, Bubagrare haikhe misip mothona ratharwi manya phano bigra-khagra, kwrwi-chukya lukurog mamitao hohom dodomkhe tok takhum

tharlaijao. O kothomani kubui marirog rwchapmungni bisingtwi mokol bwskango phwlang phwlangkhe nukjagwi phaio. A rwchapmung wngkha--

"Rajabo kaio osani mwtaio

Kangal mamita rio.

Rajabo tharo misip mothona

Kangal tok takhum tharo."

Mamitani jorao mwtaio rijakma raida :

Kokborok luku rwchapmungni bisingtwi kwbangma luku hukumuni kok chwng mano. Mamita riphuru eba maikwtal chaphuru dalbida mwtaio rilaimani gwrwngrog nukjago. Baksa baksa Maikwtal cha jorao lampra wathop rio, baksaba rondogo tok tharo tei baksakheba nukhungni mwtaio kotorno takhum tharwi mwtaio rilaio. Abono karwi nok dogolamo toksa bai mwtaio rilaimani kokbo tongo. A mwtaio rijakmani mung wngkha Sukungdrai bai Mukundrai. Laibumano rwgwi naikhe nugo Tipra luku bosongo salsa-salnwi bai mungsa-mungnwi mwtaio riwi paiya. Aborog bebakno raida khajak tongo. Tamoni hinkhai amtwi mwtaio rogn sal bogwi hor sanjao nokhamanoksaka chati soknani raida tongo. O raidarogni kubui mari chwng rwchapmungni bisingtwi nugo. A rwchapmungno khamao phunujaganw-

"Sukundrai bai mukundraino

Thardi duwari toksa.

Ayangle dagini dida ramgupal

Ochai hinwidi kisa.

Sri Jomduni naruwai mankhai

Kebeng dulina manya

Kosong dulina manya

Nok saka chati sokdi

Nok saka chati sokdi

Srile Jomdu bai Srijoduno

Sri Balising takhum tubudi

Joduno nojor ridi.

Bachwile kotorkhe jogalujadi

Baruwa chati soknai.

Ochaile uphilwi kokmwtai sanai

Jomduno suwaijaknai"

Sakani o rwchapmungni bisingtwi saimano, maikwtal cha jorao Srijomdu bai Srijoduno mwtai rijago. O mwtai mungnwino lukurog khabai puitu chawi khulumlaio, surilaio, hamari sanlaio. Mwtai riphuru baruwa noksaka-khama chati sogu, nukhungjwk eba bachwi kwlainai jogaluyaphano jogaluo tei ochai uphilwi komthai sao. Sirisitini simino mwtai rinani bagwi raida tongo. Abo wngkha ochairog tok, takhum, pun akorogni mung juda judakhai mung pharwi mwtai rijakmung. Araidarogno rwgwino ochairog takhumno sribalising, punno bakbur raja tei tokno urupakhi raja hinwi mung khuwi komthai sawi mwtai rijagwi phao. Aboni bagwino Srijomdu bai Srijoduno takhumno sribalising mung riwi mwtai rijago. Phiyaba o mungrog pharjakma kokthai chini borok bosongnide eba wanjwi bosongnide, boroni phaikha-achaikha kebo kahamkhe saiwi manya. Jesa phano wngthun tobo obohai rwchapmungni bisingtwi chini agini tong raidarogno chwnsaiman horo.

Maikwtal chana bagwi Sema naimung:

Chini Tipra luku hoda raidao tabukni simiya sema naimungrog, abohaino maikwtal cha joraobo mwtai riphuru Tiprasa luku bosongni bisingo mungsa kirimung tei wanamung wngkha sema naimung. Tamoni hinkhai sirisitini simi lukurogni khao puitu chamung tongo. Abo wngkha mwtai khwlaiphuru tumungno pat karma chaya, tok-takhum tharphuru rathar manya, thwi

patwla, thwi hamya akorog hinkhai sema hamya hinwi khakwlaijago. Abohai hinwi chini dophani borokrog puitu thanglaio. Sema hamya hinkhai nukhungni bagwi hamya chaya phunugo, nukhungo kulum-kwsanwngo, maikhul pholiya wngo, muikwthwng-thaikwthwng darokya wngo. Aboni bagwino nokphang sakmang kwthar tei kha kwthar khwlaiwi, nok-huk kwthar khwlaiwi tei bebak nangmarog kwthar khwlaiwi Mamita rio eba maikwtal chao. Nokphang bai nokphangjwk yak-yasku ha salwi sungwi bwkha bai ka khulumu sema kaham wngnani bagwi, nukhung hamari mannani bagwi, bwsa-bwtwirogno hamya-chayani kati rina bagwi, bisi bisini khali khali mai-khul pholiwi tongna bagwi tei muikwthwng-thaikwthwng akorog darokna bagwi.

Mamita chaphuru mai kwthar barokmung raida :

Sirisitini jorani simino Mamita riphuru eba maikwtal chaphuru nukhungni bebak manwi-khwnwi tongbaimarogno mai kwthar barokmani eba charimani raida tongo. O raidarogno rwgwino maikwtal chanai nokphang bini nukhungo a bisio maikhul pholimani swlai teibo phainai bisirogo teibo pholina bagwi lukurogno mai kwtal chariyakhu swkang puilano sobai bwlaibai muya chakhwi songjak tei maikwtal bahan bupham gwnang maibai sapigwi duldulwi mai koke khaiwi rusam-romo, daborok, dasa, ruwa, damara, chekhwa dogolam, tailam, swndwk, khutruk, japa, kasleng, chempai akorogno eba nukhungni bebak manwi-khwnwirogno koroyatwikhe mai kwthar barogo eba chario. Nukhungni manwi-khwnwirogno mungsa koroyatwikhe charinani baroknani belaike nangkukmani

kokno. Tamoni hinkhe borogni chubamungbaise aswk sal kolok bisi kolok romwi langmano thangsariwi tubui mano.

Mamitani salo tongthoklaimungni gwrwng :

Chini dophani borokrog mamitao simi tongthoklaio atwiya, jesaphurubo kurum kuthumkhe thwilai thanglai, kailaibari, akorogobo tongthoklaima bara wngjaklaio. Abohaino maikwtal chalai phuru bisisa khonwi samung khaimani bwthai manmabai jaiti-gusti bosong khobwi, nok kuridok makdok bosong khobwi cherai-khwnai, okra-chakra, sikla-sikli, randa-randi bebak chalai baksa khawi nokphang khajamung twiwi, tongthokmung kupulung twiwi chalai-nwnglai, rwchapmung tei mwsamungbaikhe tongthoklaio. Mandal bubar chakrom chakrom naithokmung twi tongma hai kami sak baksa bayap-chalairog naithok mwnwimung twiwi pandao manjak phaimani bagwi mamita rinai nokphangni tongthok begwlaio. Khoroksabai tei khoroksa jaduni rwchapmung batailaiwi rwchaplaio, chuwak baji khailaiwi nwnglaio, rwchapmungo chengnai borok bo chuwak ma rio, twksakhai twksa, botolsakhe botolsa, adiyasakhe adiyasa, kok hinkhe baji khaiphuru kok choma abono ma rinai. Baksaba kara thwnglaithokkhe tongthokmung twiwi kara thwnglaiwi chuwak-maikhaw nwnglaio chalaio. Yang cherai khonairog khachiklaiwi kara thwnglaio, kuthumui chuwak nwnglai tongmatwikhai basuwi thalaio, baksa chakrarog sukba-sakba kwlainairogno kara thwngwi sikla-siklide sokha hinwi cherairogni sakni manwi tangwi nailaio. Obohaikhaino dalbidal gwrwng twiwi tongthok chathokni

bisingtwi chalairogni khajamung kuplung, tongthokmung kuplung twiwi mamita ter palailai phailaio.

Mamita Birlaimung :

Maikwtal chamani salo ebaMamita palaimani salo bayap-chalairog kha baksa khukbaksa khwai nokbrum brum thangwi rwchaplaiwi mwsalaiwi tongthok-chathokni bisingtwi mamita birlaio. Mungsaya mungsade mano hinwi dalbidal kokthai khitarwi rwchaplawi mwsalaiwi chalairog mamita birlaijao. Haikhaino Tipra luku bosongo tongthok chathokni bisingtwi khao mungsa ari boyai, simuk phwnangyaw, mungsa tisumu phwnangyaw eba khao sitra kwrwi khaiwi jora kolokma tangwi tongwi chalai phailaikha. A gwrwngrogn tei mangpilirogno jaduni rwchapmungni bisingtwi swrai swraikhai nukjago. Chalairogni bisingtwi rwchapjak mohai rwchapmungno khamao swi phunujakha-

Chalairog : -

"Jamile solongni busu kajagwi

Dwng dwng ma tongtharo

Daka twisao nini mung thango

Okni mai chao hinwi khwnao,

Chini didale kha kwlwi hinwi

Bono chwng nainase phaio"

Nokphang : -

"Nini didale nogono tongo

Bati hor sunwi tongo.

Nokphang noswkang swkwiduk buduk

Biyangtwi hapna hapdi bayarog

Biyangtwi hapna hapdi.

Noswkangkhaibo swima sagwnang

Nokphang khaibo wakma sagwnang

O bayarog biyangtwi hapna hapdi."

Sakani rwchapmung kokthaino

karwibo teibo judakhe rwchapjakmani maririg nukjakha. Tamoni hinba Mamita hai kwthar tero lukurog aswkhe tongthoklaio borogni tongthokmungrogno tok tei mwswini tongthokmungrog bai sursawi sajakha. Tamoni hinba mai kaijak nugui tokthu maichwlwi chana bagwi tongthokma tei hugo sobai kaima nugui mwswi tongthokjakma haikhen Mamita tero chalai nunglaina bagwi chalairog tongthokjakmani kokbumano oro cherwi phunukjakha, o rwchapmung wngkha ahai -

*"Hao maichwlwi kwlaima khwnawi
Tokthusa kangkhung buo
Hapolok sobai kaisa khwnawi
Mwswisa khaja buo
Kangal mamita rima khwnawi
Chalairog tongthokjago"*

O rwchapmungno cherwi naikhe saiman horo je jorao 'Mamita' ter palaio a jorani tongmung chamung wansukmungni gwrwngrog chwnw rwchapmung kokthai lopjakmani bisingtwi saimanhoro. O rwchapmungni bisingtwi saimano hugo mai kaikhe tokthurog kangkhung buwi tongthokjakma hai tei hapolok sobai kaima khwnawi mwswisa khaja buwi tongthokjakma haikhe kangalrogbo mamita rima khwnakhe tongthokma paiya wngjaklaio. Orono chwnw sahorwi mano

chini Tiprasa bosongni lukurog chini Tiprasa bosongni borokrog baithangni hukumu rwbaino bwswk hamjak.

Chalairog chana-nwngna bagwi sili sanlaimano rwgwi rwchapmung :

*"Kakak manwibo momo manyakhu
Tei kisa sili tongkhu
Noksu kunani khislang kosom
Chwnwgo yak bulok horo
Noksu kunanai khislang kuphur
Chwnwgo yak bulok horo."*

Hukni mai rabaiwi thumbaiwi mami kwtalni chuwak songwi takhuk-bukhuk, kiching-kama kuthumwi nunglaima tei paiya wnglaio o Mamitani tero. Jeswk phano nungdi jeswk phano chadi, chalairogni silile tai thakmung kwrwikha. Aboni bagwino o rwchapmung kokthaio kok kitharwi samani nukjago- Noksu kunani khislang kosom tei kuphur chwnwgo yak bulok horo hwnwi. Kok wngkha Mamita terni bagwi chuwak songjakrog puila baka sakao tonijakmabai kosom wngwi thango, aboni yagulo a chuwak rate rate tolao bakhumai perwi phududu wngwi thango. Aphurukhe chalairog dolma dolsakhe chuwak bwtwkno nungna bagwi sili nailaio. Phiyaba jeswk phano bwtwk bakhumai perwi tongthun 'Mamitani' salyasak kebo abono ma nungya, Tipra luku hodao sirisitini simino o raidarog nukjagwi phaio.

Kokthum:

1. Debbarma, Rabindra Kishore. 2007. Kokborok Luku Kokrwbai. Agartala: Language Wing, Education Department.
2. Tripura, Dharinjoy. Tripura. 2014. Tipra Luku Hukumu Tai Luku Raida. Agartala: Jora Publication

'LEBANG' (kokbom)

Dilip Debbarma

Chengsama:- Tripurasa Doppharogni chamwng ni bisingo kwk kaisa nangkwgmani tai naithok chamwng, wongkha kwk, kwkni bisingo kwksima, kwyong, kwkthak, kwkwarak, tai obono karwibo LEBANG kaisa belai chini dophani hkwkmwni bisingo khobjag lebang, naidi LEBANG no twioi swkrwbwi swijagkha, :-

Lebang ni Gharan:- Lebang kaisa chikansa yang, naioi belaino naithak, bini bwkwrang paper hai wongwi tongo, chaklet bwkwrhai Aa bagwi no Choklet no kok borokbai lebangchw, bisi kaisa o lebang waitham gharon swlaioi mano, Tai bwmwng bo swlaijago, Hok sokchama joraokaha bo lebang, Mai kaima jora o bini mwng chechema, Hwk tangma jorao yongsarig wongwi thango, (Lebang ni bisio kaitham obotar krishna nikhai (10) kaichi obotar hai).

Lebang bwmani:- (Bangla phalgon chaitra) Talslang, talang ni tallo sanja jorao hor mwswnwgi, Waphi kongnwi bai waphi bai waphi no bwkhai obonono lebabg bowo

hinjagw. O waphi bwmani sari khwnakhai lebang jeswk hachalo tongphano rwgtharwi ma phaio sagni khorogo baphaio, o sebbono lebangno rombwi narogo, Cherairog belaikhe lebang hamjagw tai lebang belaino naithok, Aa bagwino Tripurasa Dopphani bagwi lebang belai belai nangkwgmani, (pupular).

Leban bwmani mwsamwng:- Tripurasa doppharogni hkwkmw ni mwsamwng, Tripurasa doppharogni tangbiti no twioi swnamjak naidi hwk hogmani, mai kaimani, aathug rommani, hor somani taiplog yachagmani, mai ramani, tai Lebang bwmani, lebang bwmani rwchabmwng tai mwsamwng, lebang lobbwi rwchabmwngrog belaino Dopphani hkwkmw o nangkwgmani.

Khakama:- Lebang bwmani mwsamwng Tripurasa dophani hkwkmwni bisingo khobjag ni bagwi lebang ni bwmwng komorwi thanglak, hukwmw bodol (culture team) rogni naikolmwngbai dalbidal hkwkmw ter ni bisingtwi mwkwmmw hkwkmw, tangbiti, mosok swrmani, mwswi harang baharmani bebagno nangkwgmani.

Maharaja Bir Bikramni 'Rajyabhishek' Boyar Dev Barman

Hating haa amani kaisa chikonsa thai wngkha haste 'Tripura'. Laibumano rwguinaikhe Tripura hasteni paithak haphang Bubagra wngkha Maharaja(Bubagra) BirBikram Kishore Manikya Dev Barman Bahadur. Bo achaikha bisi 1908'ni August talni 19'ni salo. Bisi 1923'o bupha Bubagra Birendra Kishore Manikya thwimani yakolo, bugrabwsa (prince) Bir Bikram kaisa Rukabaritwi saklaimani, 'Tini Shravan talni 28'ni salo diporni damsas tamphuru, ani phamwtai chalangkha. Bo mwtai chalangmabai, ang nukhungni tei bugrarokni kwcham raidano twywi bugra haa Tripura, Chakla Roshanabadni Zamindary tei kubuni manwikhwnwi rokni phang wngkha. Tabukni simi Tripura haste tei Zamindary'ni samung rok ani bwkhaktwi khwlai jaknai. 'Bugrabwsa Bir Bikram Rukabario saklaimani kokno British Government(British India haktorni haphang) yachagwi nakha bisi 1923'ni September talni 5'ni salo.

Bisi 1927'ni August talni 19'ni salo nwichi(20) omorni bugrabwsa Bir Bikram wngma bai, British India Government'ni dagimani bai Western Culture(Salthang haktorni tomung chamung) baikhe bini Rajyabhishek(kwtal Bubagra chamani tei

haani phang wngmani) khwlai jakha. Bubagra Bir Bikramni Rajyabhishek panda phuru Bengalni Governor tei Lady Jackson bo haino pandao manjakha, borokni logio European tei India haktorni koto-koto naruairok bo haino manjak phaikha. British Governementni raiba(representative) wngui manjak phainai Bengal Governor'no Bubagra Bir Bikram rangchakni 125 puisa(gold mohor) yapharwi rwkha, tei British haphangni bwkhaktwi Bengal Governor Bubagra Bir Bikramno muktani bwtang kanrwi rwkha. Bubagra Bir Bikramni Rajyabhishek pandao jephuru Bengal Governor Bubagrano Singhasano achuk rwphuru sakao wai-chitham(13 gun salute) silai kogwi Guard-of-honour rwjakha, tei Military Bandrok State national anthem tamlaikha. Aboni yakolo, His Excellency Governor bini thaini bachai His Excellency Viceroy'ni Kharita(saklaimani bwlai) porikha tei aphuru wai-thamchisa(31 guns boomed)silai kogwi borom rwjakha. Kharitao His Excellency Viceroy Bubagra Bir Bikramno bugra wngmani kha kaham yapharkha tei bono Tripura hasteni haa Bubagra hinui saklaikha. Aboni logi Bengal Governorni Chief Secretary ubagra Bir Bikramni kwtal bumung saklaikha, 'His

Highess Bisam Samar Bijoyee Mahamahodhaya Radhakrishnapade Pancha Sriyukt Sri Sri Sri Sri Sri Maharaja Bir Bikram Kishore Manikya Dev Barman Bahadur.'Aboni yakolo,Bubagra Bir Bikram tei Bengal Governor Sir Jackson'ni kok narwk laikha Rajyabhishek pandao.Bubagra BirBikramni oh Western Cultureni Rajyabhisek pandano mwitw khwlaina bagwi tabukni Tulsibati school'ni debrao Jackson Gate'ni bumungui kaisa dogalam swnamjakh.Haiphano tabuk olo Tripurani CPI(M) government'ni jorao Jackson Gateno swbai rwjakha.

Tripura haseo bisi 1928'o teisa Vedic Hindu tongthar(as per Shastric) tei Tripurani bugrarokni kwcham raidano twywi Bubagra Bir Bikram Kishore Manikyani Rajyabhisek khwlai phirmani laibumao mari tei mwitu toroknai.Bubagra Bir Bikramni bugra achuk thaio achukmani evakhe Rajyabhisekni ter salba sal romwi hodom-dodom khe palai jakha.Kotor-kotor naruai tei lukurok bodol-bodol khe Bubagra Bir Bikramni singhasano achukmani nainani bagwi hati barsani swkangno bugrakhor Agartalao phaisokbai baikha.Bubagra Bir Bikramni Singhasano achukmani terno sal bai horbai nainai phainairok aswkhe bangkha je Agartalani lamarok joto kwpwlung, tei borok bangmani bai Agartalani kwbankuk thairok joto keseb baikha.Laibumani oh kwthar,kwcham tei kotor Rajyabhishek terno nainani bagwi Akhaura Station'o 80,000 ticket pajakha,tei yang kamini Tipra borokrok khe dakti sokphaina bagwi Rajyabhisek terni hati barsa evakhe barnwini swkangno kamini simi himnani chenglaikha.Bubagra Bir Bikramni oh kwthar Rajyabhisek tero naruai kotor

wngui phai manjak phainairok wngkha - Murshidabadni Nawab Bahadur,Kotlani His Highness Raja Saheb,Pratabgarhni Raja,Dholpur hasteni Darbarni raiba,Boromgwnang Nawab Mussruf Hussain, Bengalni Government tei Sir Jagadish Chandra Bose. Laibumani oh tero borok phainai rokno haino wansugui lekhai(estimate) naimani aro nukjakha je 2,00,000 borokrokni sai kwbankuk phaikha hinui.Haste Tripurani Bubagra Bir Bikram Kishore Manikya Bahaduni kwthar Rajyabhisek ter wngkha kaisa Hindu Shastrani raidano twywi achukthaio achukmani ter,tei oh terni raidano agini simino Chandravansani(Talni bosong) bubagarok khwlai phaio.Rajyabhisekni kwthar ter Januaryni 28'ni phungni simino chengjakha.Terni kwthar salo Bubagra Bir Bikram bini bosongni mwtao chalagnai okra-chakrarokno khuluma yapharkha tei nukhungni mwtairokno mwtao khaikha.Tripura hasteni joto mwtao rogo Bubagrani bagwi mwtao rwjakha.Bubagra Bir Bikramni Rajyabhisek terni salo bo damri(evakhe gai),rangchak,ruphai hairokno Brahmin tei kwrwi borokrokno bakha.Agartalani mwtao rogo sonkho tei ghontani khorang baikhe mwchangwi tei nuyungmaobo Bubagrani bagwi Vedic mantra bai surijakha.Aboni logi thuruksa bosongrokbo haino baithangni surimani thairogo dalbidaal surimani raida baikhe Bubagra Bir Bikramni bagwi suri laikha.

Aboni yakolo chengkha kwthar tei kotor Rajyabhisek ter.Puilaono Vedic raida bai Rajyabhisekni salo Chaturdolao Sri Sri Laxminarayan Ji mwtairokno khulumui Panditrok (mwtao khainairok) mantra evakhe

rohor laikha.

Sana thangkhe kubuino Bubagra Bir Bikram Kishore Manikya Bahadurni oh kwthar tei kwthang terno nuknairok, tero manjak phainai tei himnairok, borokle joto hamari kwplung tei kwpal kahamno. Tamni hinkhe agini jora rogo haa bubagarokno lukurok mwtaini mwkhang nugu, tei bugrarokno Narendra (Naren=Borok tei Indra=Mwtairokni Bubagra) evakhe mwtairokni raiba hinjagu. Tripura hasteni Bubagra

Bir Bikram Kishore Manikyani Rajyabhisek terni sal laibumao thai swnamwi baithangno kwthang khai kwlangkha. Haiphano tabukni jora rogo, borokrok haste haa bubagrani boromno swbainani chenglaikha. Kwcham tei kwthar boromrok romdi 'Bubagra,' obohaini boromrokno swbai baithangno laibumao yapri sekha. Yapri sete-sete salsa borokrok thinangni tiyari twirukungo kwlwgui thanai. Wansugui naikhe agini sal bai tabukni sal bwswkse pher laijak !

Achaima

Khapang Tripura

Kaisa charaini sago baiphugo paran hap siyo?
Jephugo salni pohor chwngsa,
Siyari khujak panthorni
Jephugo maitang kurumusa,
Jirok, piriya basarokni
Jephugo karang kiyoksa
Aiphugo bini paran buduk duktham rapjago.

Kaisa charaini baiphugo sichamung phaisiyo?
Jephugo bomani yakni
Maitwk - maitwk khurung - kharang ong
Jephugo bini hanokrok
Phampui bokochono taklainani rom,
Jephugo bophani yasi romwi
Rwngnokni lamago yapiri se,
Aiphugo no bini sago sichamung phaiyo.

Kaisa charai baiphugo achaisiyo?
Koiri - kaira toisabai nangjak
Rwngnokni lamabo koiri-kaira.
Chiruk - charak piriya basarok karang bulaijak,
O charai sabo phabai baksa hemo phuruk -
pharak.
Jephugo birna rwngsokya toksano kholchagoi
Nokha ata tepsa koksagoi birro
Aiphugo e hayungo paran kaisa achaiyo.

SIYARINI PAMTWI

Jeshmi Debbarma

Siyari lob lob aichuk jorao
kwchwngti twi khogna thango.
Lama lampiri jabwra kwbang
pamtwin bwtai thajak.
Kwchangma chawi sak kwlwiwi
kulum kajago kwchwngti.

Nogo sokphayui twi gola berai
hor mwchwngo kwchwngti.
Mai mui song twtwi mui tu manjago
agini bini maidul chamano.
Siyari lob lob jora buch
maidul sogwi charimano.

Jora kicha lai thangmani yagulo
haba thang nani lam rio.
Lama nukya siyari kubung bising bising
bayab chalai rogbai lam rilao.
Haba sogwi keno siyari kugo
samung tangnani lam rilao.

Samung tangte tangte sal habwi thango
nogo kiphil nani jora sokphayu.
Sal habmani jora teisa siyari kwlaiwi phayu
bayab sak chalai bebak no bacha laio.
Khorogo pakori sorwi langa horteri
nogo thang nani lamrilao.

Khapango o jorani kok

Achukgwi Ta-tongbaisidi

Kusumsa Tripura

Jora kwrwikha phaibaisidi chalairog
 Phaibaisidi Achukgwi Ta-tongbaisidi.
 Bachai phaidi lampra o tiyar wngwi
 Jora naisingya lerwi Ta-tongbaisidi.
 Swkang yapri senani chengphaidi
 Satok-pitok khaijagwi busuk tongsinai kechen?
 Tabukle chwngho tongliya buini tolao.
 Chini amani kok kokborok kokno,
 Nok burum-brum tunsukna nanganw.
 Twisa twi thejaktwi dim dim ta-tongbaisidi!
 Kha phurui bachai phaisidi kubui lamao.
 Swmai tangwi, khorokgo risa soroi,
 Yago homchang twiwi nongkhorbaisidi.
 Tapokdi nirok chini Rangchakni haano
 Tapokdi nirok chini swmaino, muiwu khwlaidi.
 Kokno kiyoksa rwnai khapang kha riwi
 Chaplaina nanganw kokma kokthairokno.
 Jotto kuthumoi bosongno mwthangdi
 Hani arino twiwibo chwngh bolaina nanganw.
 Oroi, Poroi wngjak dophano sochadi
 Palkhe yapri sewi haano nana khwlaidi.
 Khanga yak sungoi, thongla kochoyoi
 Mok-mok nayoi tatongbaisidibachadi.

NAGUI

Rithish Tripura

Swijakmani salmari : - 28.10.2022

Para ochaini bukhunoi sajwk
 Hugo thanglaiywk jonom .
 Bobar manoibo , bathai manoibo
 Baklaiya chago bwbwi .
 Kora manoibo bobar manoibo
 Hanok baksago nogo talangni .
 Haba yakagwi , toisa - tiyarigo
 Bukhunoi choklaikha jauing .
 Hanok kalaiywi monokjakha bualbai
 Bwbwi kirijagoi thangka nogo .
 Naising naiyoi sopaiyani
 Bwbwino chopkha bopha .
 Soiyoi maiyani , tongoi maiyani -
 Nagui - nagoi , nagui - nagoi
 Anobo rodi bakrang Kangsa
 Angbo birnai nongbai baksa
 Khorang kwtwi bai ringnani nangkha .
 Bisi jora khali jora
 Kangsa kangsa naguini bikrang bai
 Bwbwi birwi thangka .

Swinai Rithish Tripura

Swijakmani salmari :- 15.09.2022
 Phurung aisiri siri chaksuru suru sal nukjagu
 Nokni toklabo ko - kokereko purungo
 Jiroksarok bophango baoi chiyok chiyok purungo
 Siyaribo kusa kusa saharjagwi tongtego
 Sampari bai sephali bakhai sipsakhlai khapang kha sarang phaigo.
 Phurungni mai chagwi juwalgo hugo thani bagwi
 Nokhaio dagwi lagu mairong, som, berema
 Tilok twi kupulung, daba arw duma
 Yagu twilaio da borok, damra
 Bachango pherlaio dingra
 Huk tanglaima jorago noberbo sipsai nangphaigo sago
 Kungkok toksa bai huluksa purungkhilai khapang kha tongthoksagwi phaigo,
 Jadu kolija rachabwi khapangni kok salaitego
 Gairingo lenglama jorao chalaiterw dhorompai thaisumu
 Muya- laiphan , athuk- khangrai, banta- khumchami riteoi gudok - butui songwi chalaitego
 Sarik sal thangkhilai nogo kiphilaio,
 Hor ongkhai parani sikla - sikli rwchaplaio masalaio sarinda sumui tamui
 Bolongni toksabo purungkhogo wak tok chakarak hinui.

Nwng ano sochaphaika

Boyer Debbarma

Ang himwi thangtongphuru
 Lama lam kolok naharwi
 Lama siniya, himnani rwngya
 Ang lengjak.
 Salni pohorbai nwng sochaui
 Horni mwnakni pohoro tubui
 Nwng sochama mui tu manwi
 Lengmani swrangsao.
 Nwng sochaui tubumabai baksa
 Hama hornani rwngwi
 Langma thwk thwk wngwi tongmani jorao
 Masingni boyar khao sipsau rimabai baksa
 Langma thangsau phaio Ani.
 Mokolbai nasikkhe kha kubuksao
 Khunju khwnayarog mwnwi horo
 Lengmani songrama nugui.
 Sampili ransau thangnani jorao
 Nini himmani yapiri songwrai
 Nwng ano sochaui kabumabai baksa
 Dogalam phiyokjak nugui
 Habwi mankha Ang i nogo.

Bwkha kwrwi khai

Dhanuraj Noatia

Bwkha kwrwi khai ,
 Hamjakgwak khamu nono .
 Nanggwlak khamu ,
 Omo haikhe mwktwi kwlaina.

Bwkha kwrwi khai ,
 Wnglak khamu ahai kobor .
 Khasikgwak khamu ,
 Mukphiliksa nukna bagwi.

Bwkha kwrwi khai ,
 Nukgwak khamu ereng imangrogno .
 Mui to manmarog ,
 Mui to phaigwlak khamu .

Bwkha kwrwi khai ,
 Mui to mangwlak khamu nono .
 Tonggwak khamu ,
 Ruaimungrog kuthumui o khao .

Bwkha kwrwi khai,
 Mui to mangwlak khamu nono .
 Mangwlak khamu ,
 Nono aswk khai hamjakn ang .

Bwkha kwrwi khai ,
 Romgwak khamu nini yak .
 Sagwlak khamu ,
 Nono hamjagw hinwi.

CHASWMAI NI KHUM

Kunal Debbarman

Nono nukmahai wngo
 Uskangni tal pohoro,
 Sampari khamao
 Changtoto nobar sibsao
 Motomhuhu khumbar bahai
 Motomsawi phehelwi rio,
 Mayagwnag tongkhor
 Maya ni nokha kotorma
 Mukthango naisigwi naikhe nwng kwrwikha!
 Hakchal belai hakchalo,
 Khano methepmanyata tatal sawi
 Riwi manya baithangno khatungmung
 Nwng tangjakmahai wngo
 Emangni hapharo thangkhele
 Nwngbai kok salaimahai wngo
 Emango malailaikhele;
 Emangle belaikhenonait hokkuk
 Emangni sichana muchungliya teile
 Lenglama paisugya ani
 Hor kuthugo masichao,
 Mukturwi ano sotonsawi twlangtero
 Ani swnamjak wansokmungni kwcharo.
 Wansokmang wansokmang ani sal laio
 Paithakni koklop kwchar majaro no thaksai thango.
 Nini naisikmung, nini munuimung
 Ani khabisingo subjak thwiyasakni,
 Ani sanjani chati aa salono thaktekha
 Jephru langmani chati bwthagwi thangkha.
 Ani sarik sal laio nini mukumu kisi bai
 Ani maising sal laio nini khatangma bai
 Ani sachlang laio
 Sal kwchamni chokhreng ni kokno muitumanwi,
 Pali terphurao bwkha swbaikhurupjak

Laima jorano muitumanwi.
 Langma ni twidar laisuo ani ganatwi
 Langma ani kochoktekha
 Nini mukumu twiwi.
 Sanani naiyo ayang masingo thangyasani
 Wde wngno phainai achaimao
 Chasmainsi khum ani?

LANGMA NI BUMUL

Kunal Debbarman

Langma ni bumul belaikhe naithok
 Abono saimankhe teibose tongthothok.
 Chini langma belaino chikonsa
 Kwthang tongsani makuthumlaithai baksa
 O langmao tei kiphilwi mangwlak
 Waisa thangpaikhe,
 Nini-Ani langma markhe doro
 Twmwngno saimankhe aboni kokutukno.
 Twmano manwi kwmakha chwnge
 Jeswkswk manma orono joto toniwi makwlangnai
 Abono chini khwlaithai.
 Wansogwi de naikha waisaphano
 Thwiwi thangnai cherairokni kokno
 Umor kayasani jerog thanglaio!
 Ma-Pha kwrwi cherai-khonai
 Bwsa-Bwtwi kwrwi talikha khamsajak ma-pha.
 Bwsai kwri bihik raandijwkma
 Borogni kwcharo chwnge mungsaya
 Bwkhani kwsa twmano hino
 Borog mamang saimanbaio
 Muktwi kwraitetwi ransajak
 Tei kapna rwngliya mokol kisi mokol chaksajak!
 Naisigwi naikhe belaino khakepleng chini langma.
 Chwngeba nobar chikon manjabaino
 Mechenei mathango langmani chobao.
 Langma-Thwima mungsaya
 Buphru wnglangno kebo saimanya.
 Tongthokjagwi tongdi o longma tongsak
 Khakhamsama khaphurma langmani no banta kaisa,
 Abono huwi swkangwi mathanglainai kwrwnge.
 Langmani bumul belaikeno naithothok
 Nokhani bumul sni hai nukthothok.
 Kubuino langma kaisa dalbidal bumul
 Langma kaisa kwkha-Kwtwi-Kwkhwi
 Langmani bumul bai bumul magwdallaitwi.

Lama Gam Rutukgoi Manya

Kusumsa Tripura

Hamya jora bo phairuk-phairuk
Lama lampira o busu kabang,
Thaming, yongkha pe pe punglaijak.

Sagoi manya lama gam bojang
Wansogoi manya kiri koro bakhago,
Kebengnai rojong kabang lamago.

Dongorni toi dam dam khorang,
Khunju kore kore thaming berengjak,
Busu achaijak lama lam kupulung.

Jora, mol hamyago ok bukcha-
Omathai lephu, lephu ongjak ani,
Chongoi lagoi manya bakhago, wanajak.

Lamago busu kebengnai kabang ano,
Jora gam naitugano langmago salsa
Sogoigano waisale, salsa le o hataio.

Bakhano karak khayoi tonna naidi,
Jora gam phayono salsa le nini bagoi bo
Lama gam naitugoi hemdi langmago

Jora, mol hamya hai borokbo gam koroikha
Wansogoi, naichomoi, bujigoi yapri setai,
Lamago rojong kabang naikhlai hemthai.

Manakjak ani langma tama ongno,
Kiri korok bai lama langpra o bachajak!
Bojangba sogoino lama gam naitugoi manya ang.

Twisulung Kuthuk

Twisa

Prijesh Debbarma

Twisulung kuthuk twisa
Hakung kuchuk twisa botok
Bolong jaji buduk kubulwi
Twisano bolong swamo.
Thena tongmani twisa
Twisulung thugwi twidumjakmahai
A barsa koporomwibo manliya
Wasungo pengwi chananibo manliya
Igwi chanabo twi sartokliya
Yagosimi khuoi thangbaio.
Risa phanchwlwio kok tonmani
Twi yaphang kuwar kochogwi phaiwi
Rangchakni kokthairok kwlwgo,
Supungphaio mwktwi khani khotolo
Kochogwi tongo kwchang maithong.

Nini mokolni mwktwino sarwi

Swinai--Pohar Debbarma

Khairokma gwnang maya gwnang nwn
 Sarkha nwn gairing kuplung langao dawi imangno.
 Nini sakni thwi kwtharbai bubagra
 Tokthu kiyokma khorangbai
 Chirigwi rwchabwi tongo ama.
 Ih hani joto kosong tongnai bwsarokni bagwi
 Baksa ba ih hukni mai kumun chethurui chana naikha
 Tei babaisa bwkhak toksipno rwkmang lengpwrajak.
 Gairing khungsa chirigwi tongo bolong kwcharo
 Bebak bengswal kusungna wngkha hinwi
 Mwtai hamya kobolnani naikha hinwi
 Yamoroksa khorang yajakma bai
 Gurumasai rwkha gairing nugulo kasai.
 Chati desi thuitwi thuitwi jorao
 Phwnangphikha teisa bubagrani rwchapmung bai.

Muwani

Dhanuraj Noatia.

Ani noskango sampari bubar barmani,
 Twmani aswk motom ?
 Twmani aswk naithok?
 Oh motom sampari bubarle!

Mobu motombu, nabu naithogu.
 Bono kholna bo khao kirima habo ,
 Twma khwiba chagwi rilang,
 Reke rekeui gwdalna nanglang.

Twma muwani ba ano rikha,
 Ani sago ani kha se krwi kha.
 Nini kayabai gwdalna mwchwngo ,
 Nini maya o kwlwkna mwchwngo.

Phung aikhenonwngbai ,
 Bachadi hinjakna mwchwngo .
 Masing jora satung tunglulwk
 Nini kok kwtwi khunana mwchwngo.

Twma muwani ba ano rikha
 Ani swimungo nini achukthai bangkha.

BUKCHA GAIRING

Sarup Tripura

Jorani bwthai

Samar debbarma

Taklai bisi bomohai jora ongkha
Bwsukang thinangno naharwi
Maichului khulchului sarmani
Kheto hakwra halchuiwi.
Sakni kolomtwi twi chariwi
Bwchului Sarja mani
Uatwise ualang liya!
Kheto hakwra bwchului ranjak
Bwmukde perno sido
O haile salnwi saltham
Thopsa thopnwi uatwi hakwrai
Bwchului achai laha.
Tabukle khao kirima hapkha
Hainose malmata phiyokjak
Thangwide chaino hinui
Ari thamokna
Ua tanna bo hachuk uamanthok liya,
Hathai cholongo uaphaksa manui bo
Tubuna jwngjal nangkha.
Loksama nugwi khao swrangma hapkha
Mai khul thainani bwbar barphuru
Bwbaro yongsuma bakha
Bwthaibo dogwra ongkha
Dogwra phano bithi riyaba
Chaui kokthoma ongkha
Jora hamya o kwalo
Hor nangkha phikwngo
Poja bangkha

Maichwlwi krwi gairing bukcha
Emangde mwkthang chabywise mangliya
Hayo hayo naithangba ,soino krwi..
Khorok bogwi-ma tongkha..

Mairung-krwi ,chajanai krwi,songjanai krwi
Thapa hoki mwrajak.
Pra mura bigwi bigwi sasa mchago sano mchaya ,
Andarni haphargo sesagwi klaikha.
Phurung, diphrw,sabwi sabwi ok bukcha katekha.

Hati pantor berengywi naima
Khapangni maya ronai krwi
Dwlwngno rojogoi basabwtwi bagoi
Khago naislema makha.

Bichinai krwi,naikhonai krwi
Khago uansuknai krwi.
Sabwi sabani ok -iswk daktwi hamgalak
Ok-khuijak bohok ,kragoi tongwk
Naiywi nukhuya kaisanobo.

LAIBUMA KWTHAR KWMAKHA CHINI

-Sahash Debbarma

Hayungni goron komorwi thangkha
 Bumung kokborok komorna nangkha.
 Jora tongsani wanswkna rwngliya
 Komorwi thangmano mokol nuklailiya .
 Agio tongmani thalik bulwng ,
 Tabuk bijabo swimani kola bagan.
 Kola bagan hin makhe kok wanjwiya diba,
 Manikok kokborok baikhe thalik bulwngya diba.
 Omo haikhe mangno chini Tiprasani kothoma
 Kumai thang bai kha chini kwthar Laibuma .
 Agio tongmani saturai twisa
 Tabuk bijabo swimani Dupcherra.
 Omo haikhe mangno chini Tiprasani kothoma
 Kumai thang bai kha chini kwthar Laibuma.
 Agio tongmani hoku Twisa
 Tabuk bijabo swimani Duma cherra.
 Omo haikhe mangno chini Tiprasani kothoma
 Kumai thang bai kha chini kwthar Laibuma.
 Agio tongmani muto kami
 Tabuk bijabo swimani kachubari.
 Kachu bari hinma khe kok wanjwiya diba,
 Manikok kokborok baikhe muto kamiya diba.
 Omo haikhe mangno chini Tiprasani kothoma
 Kumai thang bai kha chini kwthar Laibuma.
 Agio tongmani Athuk Twisa
 Tabuk bijabo swimani icha cherra .
 Icha cherra hin makhe kok wanjwiya diba
 Manikok kokborok baikhe Athuk Twisaya diba,
 Omo haikhe mangno chini Tiprasani kothoma
 Kumai thang bai kha chini kwthar Laibuma.
 Agio tongmani Twisa rangchak
 Tabuk bijabo swimani suna cherra.
 Suna cherra hin makhe kok wanjwiya diba
 Manikok kokborok baikhe Twisa rangchak ya diba ,
 Omo haikhe mangno chini Tiprasani kothoma

Kumai thang bai kha chini kwthar Laibuma.
 Agio tongmani mayung kwthui
 Tabuk bijabo swimani Hati marra.
 Hati marra hin makhe kok wanjwiya diba,
 Manikok kokborok baikhe mayung kwthuiya diba,
 Agio tongmani Holong Twisa
 Tabuk bijabo swimani pathor cherra .
 Omo haikhe mangno chini Tiprasani kothoma
 Kumai thang bai kha chini kwthar Laibuma.
 Wanswk wanswkgwi khapang kha sawo tini
 Tipra hale songduk ni buma
 Swijak se tongo chini Laibuma.
 Amani mokolo muktwin Twisa
 Kwlaiwi tongo rangchak hao,
 Wanswkgwi naidi kwthar Laibuma hujakgwi thangkha chini Laibuma .

BWKHRWI BODOL

--Bijoy ram Tripura

Imangni bwkhrwirok sicha bai sidi.
 Norokni sal, norokni jora ba,
 Thowi tatong sidi, bacha side.
 sal kwdwkma thowi phaima ba,
 Tabuk le barui motom sidi.

Nokphangsa bura ongma le.
 Dophani bagui, luku hodani bagwi,
 Norokno manai sinai tabuk le.
 siyano sinani, rwngyano rwngnani baguwi,
 baksa ong sidi tabuk le.

Noroksi chini dophano lama twi nai.
 norokno chini thinangni atkhuri,
 Kwswrang laiwi samung khwlai nai.
 Bwskang yapri senani chwng sabo no kiri?
 Imangni bwkhrwirok Tabukle chwng bachalai nai .

PHEMOLOK

Jeshmi Debbarma

Lik lik muktwrwi laijak, cha kothok, thuyam kaham, biyal kwrwi
 Abonode hinkhuna kolijukni sorgo
 Watwi aswra manwi hakorni yongwla ongkhortwi
 Yongwla siplok, yongla abum, yongla gobeng, yongla tote
 Yongla walai, bebakno serkaya
 Haw haw yaksi yakgwra chiriklaijak tomsa sikarirog
 Saboni sai sabo phemologwi man
 Totra bothor kwrwi khukni borom kwrwi
 Cherai khasiya no bandima hai
 Tangna phurukhe phaidi cherairog phaidi
 Chana phurukhe thangdi cherairog thangdi
 Mokolo muktwrwi kwrwi kebo da ani chakothok
 Segwi tulangno khaswk khaswk
 Bisibani phosol khatina rwngya khe gula bukcha
 Chama bangkhe okhulai chao
 Khunama bangkhe khunju ketaiyo.

NOGARAI

Drupenjit Tripura

Hayungo chung achai o
 Salsa rangsa se
 Wansokgoi naikhai
 Nogarai se
 Halama tongsak kok sago
 Lama bopara bangsokgo
 Para salamo nok tanglai o
 Watwi nobarbo phai o
 Thuinai Aachainai
 Aayuk kalokbo tongnai
 Aayuk barabo tongnai
 Bophang gorjabo bainai
 Chaara Aachainai
 Sobo gorja sobo gira
 Muituk balai ni toise
 Kathang tongsak walai suklai
 Thui thangkhai soboni sobo silai
 Chunglai Nogarai se

HABA

Drupenjit Tripura

Aaichuk bachagoi maichu chugoi
 Unajak sobo yagul lano
 Sal diphirkhai sal koronai
 Naitukgo mokol boro samung manno.

Yagul khillaio jakma jaksa
 Maichu muichu telangoi
 Sadung siliya uatwi siliya
 Ouk thaichani bagoi.

Uatwi kalaijak pantwi kalaijak
 Kothor hinoibo kirithai
 Nobar manoibo kirithai
 Nok nukungse kapala ani
 Haba thanani nangsina.

Mai tonsabai yagul salcha
 Sari chanani siliya Phurung chanani manliya
 Kopal hamyani yagulo lachi kiribo pailiya
 Haba mathango ogo mai koro.

Sari sal habaktham haba yakaroi
 Bini tangchukya matangoi
 Thapa hor koro nungkhaibo
 bakhase kubuksai phaichago
 Koro nukhungni basaba
 Haani dukhuno mannaipha.

Nokhyungni Yakhili Ringhoro Jahen Debbarma

Sislap manliya
 Achumsa tamohai wngkha,
 Khairokna muchungwlak
 Muchungbo khairokna.

Ano tongna riliya
 Nwngbo thangkha,
 Walaina sanbo mangwlak
 Muchungbo walaina.

Kokrog chujak tongbo
 Sabono saphaisina,
 Didawi hwnwi nairwkna phaibo
 Jorasi nasingya wngnai.

Mayani motom rina hwnbo
 Angsi thangjak wngnai,
 Muphliksa nukna muchungbo
 Thapla khajaksi manphainai.

Nini kha sindilni jarwi
 Halok kengmani,
 Tabuk saboni jarwi?
 Ano nuksinani.

Langma sachuwi
 Nukhayungo ringhorjak yakhili,
 Thang tongkha himwi
 Yalwk nairikna ta phaisidi.

KHAPANGNI JADU

Rostam Debbarma

Mwkhang naite naite
Aswkde naithokha nini mwkhang !
Khorang khwnate khwnate
Aswkde khwnathokha nini khorang !

Mwkhang yalwlwk noromdudukhe
Mwnwitikhakhe naithoktimase naidi
Sampari bubar kiyoksamahaikhe
Nini mwnwimungni bahai sartero
Jeswk naiwibo
Teibose nainani muchungo.
Himmabo naidi naithoktimani
Cherai bwsa himmantwi himmanyatwi
Yadeng yadengkhe himtwi
Nini yapiribo yasa yasakhe setero.
Khorangbo khwnathokmani
Kungkilani khoranghaikhe kwtwi khwlaiwi
Kokthai thaisa thaisakhe satermani
Bswkse khwnathok
Khwnauimangse tongnani mwchwngo.
Tongmabo naidi
Koinene siring siring khwlaiwi
Twibuk buksnini twimuk twi kwtharhaikhe
Bswkse tongnarwng
Hayung gwnangwi naitugwi naibo
Nono karwi tei manniyahai matongo.

Jeswk lobwi ringbo
Nini bagwi kisisahaise matongo,
Hayung gwnangwi surchaui naibo
Nini samo mochomsahaise matongo.
Lobnani bagwi khugo kwrwikha
Surchana bagwi hayungo nukliya
Omode wngkha hamjakmungba?

"KHAYAUGWK"

Rupa mohan Tripura

Khapang ruaigwk ani
Kwrwisa nukhungni bakgui
Swlwksagui phaigw
Chini dophani bakgui
Mwktwrwi mangya imang kwpwlnwng
Machaya manungyani gwrwng no nugui
Hapung thaisini twibuk buksini
Mai khoha chagui sa kolauma
Mui thai naitrukui
Bono hatigo tisagui
Lachisosro kirisosro khago
Nokhung kwrwi khwlwng kwrwi
Satung sa kwpwrama rujugui
Achukgui phalaijagw
Khauha khaunwi mangkhai
Bobaise thapani ahrung mwchwnglaijagw

Khumtiya

Shibani debbarma

Bisi kwcharni khumtiya nwngle, Hayung gwnangwi pirsau aiachaiyu.
 Nini motomni bahai swrangwi rio ani khapang.
 Sichai rio ani langmano.
 Bisi kwcharni khumtiya nwngle, Bwaino nogya bubarno nogu nini gwrwngo.
 Phung aiyui phududu naithok barmano nogkhe khapang swrangwi sakmang kema ai.
 Bisini satung-nokbar-watwi manjagwi achai ai nwngle.
 Hayung phaiyu jwngjalni bisingtwi nini motom no saharwi rio.
 Angle nokya nokya angle siniya.
 Nini bahai gwrwng no manwi nogwikha nini bubbar.
 Hayung gwnangwi motom twiloglog bahai bisi kwrwngwi pirsau tongthu.

MANI HAMJAKMUNG

Shibani Debbarma

Buini kokthaino khunju o hapyai, Mani kokthaise khao habo.
 Siya ang kaham lama, Phwrwngkha kahamni lama.
 Hayungni, Nokbar-watwi, Toksa-Tokmili naithokni gwrwng phunugwi rio.
 Siya hayungno phunugwi rio hamjakmungno twiwi.
 Himna rwngya himna rikha.
 Sakbaithang tongwi kok phwrwngmung, Hakchalao tongwi mui tu manho.
 Ganao tongwi hamjakmung bujiya, Buini gwrwng nugwi khao uansukma phai ai.
 Jorani, kaham-hamya, kwkha-kwtwi, kisi-kusum nono twidul tongo.
 Hamjakmung no twiwino kahamni gwrwng nuknamuchungo.
 Sakbaithang siya kastono.
 Mani hamjakamung kubui, kwthar, hayungo rutuk maya.

Kipilna Rwngliya

-Dhiman Debbarma

Hachuk kupulung aduma kiting
Kwlangwi thangkha rangchakni topthai
Yaksi yagwra masinga phududu
Sarwi kwlangkha kwkhwang topsi
Swlwma thakliya torkoma khorang
Hathai kupulung takhumsa bodol nugwi.
Atwka khopsa chengwi kwlangwi
Uphilwi mathango logikwrwi bai
Naharwi nuhurya aswk kolokma
Biyang thangbaikha kwlangwi thangma
Swngphainai kwrwi kebo khoroksa
Borobo tongkho o hathai pha
Kipilna rwngliyade nwngba teiwaia. !
Sapung sal kolok twisa twi tiloksa
Yakgo darwma twiwi aswk nasingjak
Yapri songwi himnabo tabuk
Hujakgwi tongbaikha basalni watwibai
Chongwi manliya twma khwlainai
Mochomsa khano sakgo khachiwi
Tongjanw khachuk nono nasingwi.

Ri Kari

- Sandhyaram Debbarma

Nana kwlangma ano ri-kari
Kwbangma bwthai bumulni mari,
Tabukbo tongkho muiitu khao ani
Kisip-o ang bwthai tisau uamani.

Nana kisip uao hwnwi ano saimanwi
Ri-kari kwlangmani ano yapharwi,
Kisip uaphuru ri-karini bwthaino
Kisip-o tisau uadi hwnwi saui.

Bethep bethep khe ri-karino ang
Khutruo thebwi tonmani tisau,
Nokthai sephurao boroba tonjagwi
Thangbaikha tabuk bebak kwmaui.

Nana salangma kokno uansogwi
Ri-kari kwlangma a kokno twiwi,
Tabuk ani khao ang muiitu manwi
Kwlaio ani mokolni muktwi.

Kisip-o uajak bwthairok siming se
Tongsio nanani mukumu wngwi,
Kwrwikha tabuk thangbaikha kwmaui
Nana kwlangma a ri-kari yapharwi

Lama Saiywi Himdi

- Sandhyaram Debbarma

Lama saiylwi himdi takhuk
 Lama saiylwi himdi,
 Bo lamatwi him khe hamno
 Lama saiylwi himdi.
 Lama saiylwi himdi bukhuk
 Lama saiylwi himdi,
 Bo lamatwi him khe chano
 Lama saiylwi himdi.
 Hayungo kwbangma lama tongo
 Lama saiylwi himdi,
 Sogwithai thaio sogwina bagwi
 Lama saiylwi himdi.
 Kaham lamatwi nwnghim khe
 Kaham tongthaio sogwinai,
 Hamya lamatwi nwnghim khe
 Hamya tongthaio sogwinai.
 Kubui lamatwi nwnghim khe
 Kubui logisong manwinai,
 Tatal lamatwi nwnghim khe
 Tatal logisong manwinai.
 Twngsa bejua lama himjakma baino
 Nini langma deraui mano,
 A bejua lamani kiphilwi phaiphinabo
 Belaino kiphilnani tugo.
 Bo lamatwi nwnghimna muchung
 Lama saiylwi himdi,
 Bo tongthaio nwnghimna muchung
 Lama saiylwi himdi.

Tokma Kosom

Swinai- Mintu Debbarma

Chini kamini tokma kosom
 Tamoni aswk som,
 Ruknani hinwi gana thangkhele
 Binisi mwkhang kosom.

Chanani jora chanani phaiya
 Ringkhaibo phainani naiya,
 Sapung salromui kami beraio
 Logio tokla masa twio.

Kami guriwi rwchapbwi himo
 Khapangni kokrog sao,
 Bwskangni bagwi wansukya karwi
 Chao bole kami guriwi.

Bwsano maya rina muchwngbo
 Kwrwi binile bwsa,
 Sarik sal wngkhe nogo haphaiya
 Nogobo thupaitiya.

Phainai salsa anibo Phainai salsa

Sal phaio sal thango
Bwswk se jala, o swngcharo
Tongnani keseb, chanani keseb phaio
Tangwi keseb o swngcharo

Amswk da bujiya wngkhwna
Amswk da wanarinai wngkhwna
Amswk da bujinai kwrwi wngkhwna
Tangwi swngchar omo hai wngkhwna

Tangwi amswk salai kok
Kaisa tei kaisani sol laiya kok
Bufuru buji bai sinai o kok
Ridi nang phuru logi rok

Kaham sanai, Hamya sanai
Mannai nwng kwbangma kok sanai
Amswkda hamya bangbai kok sanai
Kwrwi kebo bujiui kok sanai

Sabo ba swnam kha o swngcharno
Tei kisa kaham khe swngcharno
Swnam rikhe ba wana thai tonglak khamo
Hinjak hinjak gwi jora laio

Bwkhale ani muchungo kwbangma
Sanwi naio bwkhano ani muchungma
Riwi naio ani je hamjakma
Mannai ang salsa ya salsa ani chajakma

O kokle nangwinai salsa
Muchungya ang tongna keboni tola
Wngwinai kotor ang bo salsa
Wansoknai bo ani kokno salsa

Tini wngmanyai bo
Khwna wngmanyai bo
Salsa le wngwi nai kotor angbo
Jora phainai salsa anibo

Ragini khachuk -Sarup Tripura

Mwtwng pirigwi nwngle phaikha
Khajugo bejak khumbai.
Khapang henegwi nwngle phaikha
Ragini khomabai.
Haphung hatai twima-twisa kwbwngkha lokhi,
Ragini khachuk khorangbai.

Yaktwk rwngywi yasima rwngywi
Chalaikha usrimwng konoi.
Pantwi siyari chagwi kokthai
Salaikha chwngkonoi.
Emangni bojoro sajana nangkha
Chini halok.
Khapangni usrimwng chwnglai mangkha,
Sampari mwtwngtwi mwtwngkha chini halok.

RANG CHAKNI SAL BIYANG KWMAKHA NWNG !

Sahash Debbarma

Rangchakni sal biyang kumakha nwng,
Kiphilwi phai liya de nwng .
Nwngba buphuru phai Sinai
Nasingwi tongo chwnge nono .
Thinang komolna bagwida wngkha ,
Chini Dophale khasiya wng nani nangkha .
Thwi bai thwino se sinilailiya,
Thung gwrwng thung mungno se torjak laisio .
Thinang ni chati jora chwnqliya
Jorani tongthok khao phailiya
Rangchak ni hao tongthokmung kwmakha .
O rangchakni sal kiphilwi phaidi nwng ,
Naisingwi tongo chwnge .
Habar chwnajak Dangdu chongphereng ni khorang bai
Panthor mwchangjak masing siyari ni pantwi bai .
Nokha ni Athukiri bo talbai mwchangjak
Naharwi naidi chini achaima ha bwswkse naithok.
O rangchak ni sal biyang kumakha nwng ,
Nono nasingmang nono surimang bwkha ruwaikha chini
Laibumani kokno wanswkgwi mokolni mwktwi tiyari bowo
O rangchakni sal buphuru kiphilwi phai Sinai nwng .

Mangphili

Sati Ranjan Debbarma

Nini manphili tabuk mokol bwskango.
 Hathai thaitham bakhugwi thang mani hati o,
 Tabukbununumuitomankhuachu.
 Hati o thangte thangte himwi maya wngwi,
 Nwng ano maswndwi buphang sawi riphirik mani,
 Tabuk muto tong khu achu.
 Takarjala hati o kanmung kangsa pai ri mani,
 Tabuk bu nini laibuma hujak thangya khu achu.
 A jora kokbiti rog no pogwi maya achu.
 Watwi sek sek ri puja twi himlai mani,
 A kothoma tabuk bu kwthang tong khu ani kha o,
 Achu ni kok tabuk muto tongo.
 Tini nunu tangwi aswk khatang achu.
 Nwngle mwtai bai baksa tabuk.
 Ano hamari ri di achu.
 Nini nuk thai kwcham o thang na khe,
 Gung hakur twi nini yak romwi thang mani,
 Tabuk bu nini manphili ani mokol bwskango.

Langma tong sak ani sinimung narak di.

Sati Ranjan Debbarma

O hayungo achai phai khe sinimung kaisa nango.
 Sal sa nuk nukhung khana ni jora wng nai,
 Khumpui kerang kothoma o musele ni tabuk bu,
 Luku ni khuk bai khukgo sajak tongo.
 Khumpui kerang kothoma o luku ni khukgo sajak mahai,
 Nwng ani mung no langma tong sak sini mung da riwi man no?
 Kherengbar kerang kothoma o hathai thaisini thangwi,
 Kherengbar bubar no khulwi huluk bai buphuk wngma hai,
 Nwng ani sinimung da narak man no?
 Khumpui, kerengbar ni kothoma hai khe,
 Nwng ano sinimung riwi man khe ani sam o phai di.
 Angle khumbubar hakarai o kwlaijak mwta o nangya.
 Nwngle bumbwrai jesa thai o bu berangwi man no.
 Nwng jesa thai o phano berangwi tong di,
 Tubu nwng langma tong sak ani sinimung da narak man no?

SINIMUNG RIJADI KISA

- Rostam Debbarma

Satung manjagwi
Watwi manjagwi
Sakni phanbai hani pekhurubwi
Yarwng hao suhorwi
Bede-bupwra saharwi
Sakmang phuwarte phuwarte
Hayungni phangbai baksa
Yaphang gothogo.

Kherengbarni muktwibai
Lenglau bwrwiphang
Twrwk twrwk sokomorwi khibio
Motom bahaini sakmang.
Ani sakolomo
Khatungnai toksa
Bwthaknai birindiyasa
Khoroksabo sininai kwrwikha.
Siniliya sorma sidano
Ani sakao tongtwtwi
Eng eng kukkai
Bugarani hik wng manyakhai
Angbo bwrwiya
Khuk thakpwlaiyai tongphano.

Bwlai kwrwikha, bedek kwrwikha,
Yaphang sidano kolobwi sibairwrwk
Puituni phanbai.
Kha belsugwi
Tabukle ani
Lakma thakchocho wngkha
Nuwaioioi nuwai
Anobo bwkrang kangsa
Angbo norokbai birwi tongjano
Sinimung rijadi kisa.

Langma rwkhwngo chobani khorang

Lordjen Debbarma

Nokha somsawi phaimani jora
Ninangjak langma;
Bankundri nobar koto
Kobontwi kochoktwi langma,
Twima rwkhwngo.

Buphang phangsani bwthai,
Baksa kaham baksa hamya
Sakale naithok bisnigle kosok;
Nawibo aswkno naithok
Abono swngchar raida.

Nokthai tongwibo,
Nokthai kwrwi hai,
Tongthai tongwibo
Tongthai kwrwi hai,
Abole sabo nuknai.

Khoksa masa ajina thangbo
Khutwise musu jago.
Takhuk hinoibo kokthai sakhe,
Takhuk bai seleng jago.

Tongthai khochor kha,
Tiyari twibom chakha.
Langma kwswngsa
Tongwi thangna oh,
Nukhung kaisa oh
Chiba khwlaina nangkha

Talikha Hamya

Sushmita Debbarma

Naithok hayungo achai phaiwi
 Swngsarni kaham hamya sawi mankha
 Achai jorani simino pha bai matongya
 Torwi logwi khasiwibo ama bai matongya
 Mokolni muktwi kwlaiw tongbo nuknai kwrwikha
 Chirigwi ringwi tongbo khwnanai kwrwikha
 Boro tongwi kha kwchang sinai
 Sabono sawi kha swrang sinai
 Bui mwnwi phuru mwnwina muchungo
 Bui tongthok phuru tongthokna muchungo
 Talikha hamyani bagwi
 Buibai baksa wngwi manya
 Imang nukmano mukthang swnamna bagwi
 Lama lamkolokma himwi tongjao saichung..

THANSA

Udai Manik Tripura

Phaidi phaidi phaibaidi
 Swngle thansa wnglainai
 Yak bai yak romwi thansa khai yapiri sewi
 Swngle bwskangu himlainai
 Hamya jorano hamya hwnyaw
 Lengma jora no lengo hwnyaw
 Kha bai kha baksa khai
 Thansa ni Mario phailaidi
 Dophani chati chungruna hwnkhai
 Sikla sak baksa nangano logi
 Phaidi phaidi phaibaidi
 Swngle buskango himlainai
 Siyano siruna bagwi
 Rwngya no phurungna bagui
 Phaidi swngyapiri selainai
 Thansa ni Mario himlainai...

KHATANGMA

- Madhabi Jamatia

Aichukni imango nwng phaio
 Pokmaliya nini gorono
 Tangtwi chatwi koro motho
 Nukthok nukthok wngo
 Sarwi jorani nokbar sibmabai
 Nini kokno mwito mamahai.
 Ha kwchakbai lepewi rokha
 Nokswkang jora
 Nwng phainai hwnwi ano kok rwma
 Tei bwswk naisingna tongkho
 Ha ranya swkang sokphaidi nwng
 Narwgi tongnani nini yapaino.

Yarung surui achaphaikha,
 Naithok hayung no naina ni hinw.
 Khao khatung khaja wngwi,
 Naithok hayung no naina ni hinwi.
 Aswk naithothok chini o hayung,
 Toksa, tokmili, twima, twisa,
 Buphang waphang, hapung hathai bai mwchangjak,
 Chini o naithok hayung.
 Thangna mwchungya yakarui o naithothok hayung no.
 Thangna nangya khwlai nwngbai no gwdalui tongkhamo.
 Naithothok khumber barui nono motom bahai sarui tongkhamo.
 Khao mwchungma tongphano tongwi manya nwngbai baksa o naithok hayung.
 Sakno kwlang thangatwi kwlangwi thangkha mon nini bagwi.

Hachuk

Rina Debbarma

Hachuk harowak Kuakgwi thang ka,
Twima twigwlang Kufungwi thang ka.
Harowak Kubung te Kubung te twimuk kuma kha,
Boro chwnng twi nwnng nai tabuk.
Bui ni twimuk go twi naina thang ma
Mana khai jago tabuk.
Hachuk Kiner twi himwi thang na bo
Lama harepek tabuk.
Twi Kangma Kha 'thak twi, thak twi'
Boro maan si nai tabuk.
Nokha se nukhung, bolong se bera yak kakna bagwi
Lai buma rojak, hathai sulaijak firok manani bagwi
Chini mukumu hapung thai sini
Kuwak gwi thang ka tabuk
Chini mukumu twi bwk bwk sini
Tongwi tong mani, kumai thang bai kha tabuk.
Awa tokey.

Mamita

Rina Debbarma

Hapar gwnangwi mai mamita
Asuk bini bahai motom ta.
Hapar gwnangwi guruk gwi nai khe
bwswk se naithok mani.
Yamuk karasa mai torwi thang ka
Sachulap maliya bufuru torwi thang ka.
Hathai Kotor ma mai mamita
Tangnani Jora wng tong khata.
Phadi takhuk song, Phaidi bukhuk Song
Yagul khil Phai di ano.
Hathai Kupulung takhuk bukhuk Song
Buswk tong thokma nai di.
Chirik mokorok Jadu ni khorang
hathai swrang gwi tong Kha
Sapung hai khe no sal kati thango
Sarik ung khe no nogo kiphil oh

Raida kwtal buphuru achaino?

Kashmir Debbarma

Amang chimang kirikoro
Ani takhuk bukhuksongni bwkha
Salni swkangno kochoktwi kochoktwi
Ih tini ni halok kwchangdodo sal.
Khao swkwlwkkha emang tongmarok
Chini khagwang kwrwngni kok monogwi
Sibo siyaswk ahai chomomok
Tok kwthwi kangkhung kholobtwi.
Sikwrrwng mwkhung komok
Siuibo siyaswk khuktwi monok
Raida ni hayungo gosiui chomomok
Montiri ojama siyaibo simaswk kok kwtwi
Sinai nuknai kok monogwi thangwi phaitwi
Khorok gongwi montirisani singhasono.
Rwngni samung yak suhorna thangkhe
Ukolok bwswkang kebeng muthub
Tongjao rwngno kholobwi perwi bumuk
Tei waisa bufuru raida kwtal achaino
Khao chongwi.

Sebuk mannai nokphangsani nukhungo
Kha kaui rwngni pohor pinnani chongma
Sakni rwng no khobwi samung wngya
Nokphangsani koktwi samung chengjago.
Phiya samung kepelekhe bo sebkni majwra
Yak rinai bono khuk awai motok mano baswra.
Haini phero sakno bedogo tongthokni thuyamo
Tongkwchang chakwchang manwi muktwrwi
kumun chau,
Tamole samung jwngjal dugo longoi chokjagwi
Tongwi mano muktwrwi kumun chau.
Tini sal thangte thangte
Rwng sinai nugulo achugwi
Henero rwchapmung khuk kwtwi kholwi
Sal phaikhe thango phaio nokphangsani
Kok kwthwng monogwi
Siui tongo samung motok lam bukubuk
Haiphano kisani jwngjal dugo longoi chokjakna
muchungjakya sebk.

Ani haparo

Kashmir Debbarma

Tokthusa khorang khwnakha ti
 Hapar mwchangkha chini-
 Naithokha, haparo tongthokha.
 Majilota khum motom baro saharwi
 Bahai motomani hapar naithokmani tini,
 Phungbo kwsrang bahaibo jib jib
 Takwlai oh khum tebo barsaphikha.
 Phung kechangni boyar nangphaywi
 Aichuk jorani bolong tomwsa pungwi
 Khwnathok haparo gothokha
 Tabuk hapar mwchangwi pung sairik
 Tongthokma paiya khajao
 Mwswisa phai hongphaidi
 Hapar boyar bai khamao
 Pamtwi ani haparo, rangchakni siyari
 Ang naithokjago,
 Ang naywi tongo hapar rekeui
 Lama hadugo.
 Hapar kisilwi thango
 Ang naima bai
 Hathai lamatwi khumulungo thango
 Hapar rangchakni khum motom bahai.
 Naidi-
 Phaiphuru sibwi sachwlang nobar
 Khum bahai bai kobonwi thanganu
 Ani khapang
 Sogwi tongwiyanu rangchakni haparo
 Gwdalwiuyang.
 Ani rangchakni pamtwi tabuk thakliya
 Tongo kwlaui thop thop
 Watwi phailiya haparni kok bai
 Kothoma sajawgi
 Tabuk matongkha bo
 Koktang hai i khajagwi.

Watwi phailiya pamtwi thakliya
 Siyari kwlaikha haparo
 Kwlwi kwlwi bwlai bwkhwri khum
 Tabuk beak no kiyogo.
 Tokthurok punglaikha thaknani siliya
 Phung sairik didor.
 Bolong tomwsa haparo thangkha
 Bini arnani chengkha.
 Mwswi khorang bo gwdalkha haparo
 Tabuk jotono gwdalkha
 Ani haparo.

Ani hachwkni

Kashmir Debbarma

Gairingo ani
 Tangjak berai naimani
 Sichomo khapang, bswkse kwchang
 Khapang swrangkha ani.
 Swkangni mukumu khilio ano
 Having sak kusungwi,
 Koklop, kothoma aswk kwbangma
 Nobar bai baksa kobonwi.
 Nobar sib sib
 Khapang tongthotok
 Mwchangwi tini aro
 Pungo phantok pakok tok.
 Gairingo-
 Haping khwringjak tini nai naimani
 Hapingni tapang rotomphuru
 Khani bisingo tongthokmani.
 Kha tongthokjak, kha swrangjak
 Haping gairingo ani.
 Khwnadi, rojong saichung sak kaisa ang
 Samung tangwi mang
 Taida aswk tangwi man?
 Logisong bai kwnwi samlalai
 Muchungkha angbo hukni samung
 tanganani.
 Siring sorop hapung hatai
 Gerepjak bisingo
 Ang tongo.
 Jora kwbangma tabuk
 Jorano lobsau phungo
 Haping mwsvisa.
 Ani gairingo
 Boyar dubui dubuikhe nara A
 ni kha sobomo.
 Logisong kwrwi saichung rechabwi

Logisong rutugo ang.
 Tongthokma kupulung khao
 Haping mai bwtang koromo
 Munani jora wngkha.
 Anole bwrwisa swngkha
 Nini maitang angno rawanu.
 Logisong bo angno wnganu.
 Khukbo perkha ani
 Oh jaduoi khapang swrangkha tini
 Kubuida sakhaba nwn
 Hinkhe motomse khopsa sui marigwranai
 Oh- jaduoi.
 Teisa bisi kwat kiphilwi phaikhebo
 Lai kabujak bisini rwgwi
 Rigwnai kwat khwringjiji kanwi
 Risa sorbangi change borderwi
 Phaikha bwrwisa nwnbo Mwchangwi
 Hukno gwadalwi
 Khorogo pakuri hungwi
 Tai langa khungsa horwi
 Langao maichu tai twi dajaknai dama tubui
 Aboni logi lenglaohuru duma nwnna
 bagwi
 Tubukha nwnbo khatiui.
 Haping huk hogo nwn
 Ano naharwi - huijagwi
 Ano mwnwitwtwi.
 Jaduni kokthai rwchapkha
 Jadu nwn ano lobwi.
 Nini rwchapma khorang twilwlwnob
 Angbo tonikha khao chobwi.
 Maichwlwi nwn sara mochom
 Mochomwi
 Nini mwkhang naithokma
 Tini mwnwitwtwi.

Damwra mai tango
 Jabwra sam lai
 Ang bai kok sateo
 Samo nwngh phai.
 Khukchwi mwnwima ka kya khwla,
 Langi twi nwngh sabono mwnwitwtwi
 Rwchabwi jaduni khorang ano no lobtwtwi
 Gairingo thango maichu mai khengo
 Chini muinorok gudok
 Tai hatalni muya baib orai sapulwi
 Mui gudok songjak motomhuhu
 Muiborok chal nwngh ano mwnwitwtwi.
 Kormoti ani habani kipilwi
 Thaichumu kumun tubuo
 Langa phungwtwtwi,
 Langa hormani paitwi paiyatwi
 Kokbiti sao mwnwitwtwi
 Hukni maile munbaikha chekhera rokma
 Ranani chengo mwnwitwtwi
 Rwchapna nangkha jaduni khorang
 Bono ang naitwtwi.
 Hukni samung paitwi paitwi
 "paibaiakha ata hukni samung"
 Sao kormoti mwnwitwtwi.

Angle Ma-Pha Kwmajak Bwsa. Subhadra Debbarma.

Angle Ma-Pha Kurwi Ni Bwsa!
 Hayung Kotorma Tongui Bw,
 Sakni Tongthai Tini Komorjak Hai Bwsa.
 Lama-Lam Kolok Wajakgui Ang Thangnani!
 Oh! Jorao Sakni Phan Le Chwkyakhw Ani,
 Kebu Yaak Tolwi Sochanai Anw Kurwikha Tini.
 Ma-Pha By Thansa Khaoi Tongnani!
 Swiakliyana Talikhao Oh Rangchakni Thaio Chini.
 Nukhung Khwnghsa Tonglaima Aagio Chini,
 Khwmakha Bebak Emang hai Tini.
 Sarik Ni Sal Habui Thangma jorao khe!
 Nukgwi Khapangle Ruwai sawi phayu aswk khe,
 Toksa-Tokmili Rwk Ni Nukhung Khwnghsa,
 Naikolwi Thumsawi Birsalai Thanglaima Nukhe

Baithangno poito chadi

Urmi Debbarma

Ta bathakdi nwnng
 Himwi tongdi jora romwi
 Ta selerdi nwnng
 Samung khलाई yak thakyaui
 Donabo nangya
 Lernabo nangya
 Jora ninino
 Tumung nwnng romwi narwngwi mankhe
 Logi rwglak kebo
 Keboya, sininaiboya siniyaboya
 Nwnng jephuru choba kholao ongkhorro
 Sejamungbai mwnwimung kupulwng jotoni khugo
 Babaisa bwkhak wamochomlaijak
 Nono dugo phwnangnaini
 Khapango mwnwimung phunugwi
 Bwkhao swraimung twilaijak
 Tai babaisa bwkhak phanthonjak
 Nono dumsau rohornani
 Kokthai kupulwng ruwai sarchau
 Rangola nono yapharrinani
 Jephuru hathai kuchuk kasau
 Imangni thaio achuganw
 Rangchakni logisongbai
 Tilok twi kwchang nwnngwi
 Gairing sakao khani kok salaiyanw
 Aphurule nini bahai sininai siniya
 Bebakse bolaina seklaiyanw!
 Baithangse poito chasok manyakhe
 Sabo nono poito chanai?
 Baithangse kha kebel hwnkhe
 Sabo nono nugwi kharaknai?
 Baithangni poito chadi
 Imangno mukthang swnam phunukdi
 Lukuni hamkrai nawino thangdi
 Jotobai bolaijakphlai tongdi!

Maa

Manilisha Debbarma

Maa o thaisa kokthai khwnakhai
 Bwswksi kha tongthok
 Bwswksi khwnathok
 Salsa maa no nukya khaisi bwkha kuphungsai phaio
 Diborsa maa ni khorang khwnaya khaisi bwkha
 mwnaksai thango
 Nini mayani lakaino angle subai mangwlak
 Nini hamjakmani bahaino angle pogwi mangwlak
 Kwthang tongsak o hao
 Angle tongna muchungo nini samo
 Maya mansak o swngcharo
 Angle tongna muchungo nini khurio
 Khibiwi ta kwlangdi ano saichung
 O siniya nukya tongthai hao.

Muchungma

Manilisha Debbarma

Salsa kwmai thanganu angle o hani
 Aphuru tongrwkganu kisisa ani mari
 O tal pilala nokha tolao
 Muchungo angbo chwngsai tongna
 Kwthang tongsak ani yapiri saharwi
 Kwlang thangna muchungo angbo
 motom bahai pirsarwi
 Muchungo angbo tongna
 Nokha bai baksa chuksai
 O hayungni hapung hathai naharwi
 Haiphano swngcharni Raida tongmabai
 Yogwi manjagwlak angle
 O swlaimungni yogwi
 Nakarmung sanjao angle joto nono
 Ani nakhwrai karijak tongmungni bagwi
 Pogwi ta thangjadi ano
 Koimung narwgo norokni Thani
 Aswkno ani muchungma
 Aswkno ani surima.

THINANG

Manilisha Debbarma

Hor kuthuko wansuk wansugwi
 Kha kham ma phaio ani bwkhao
 Imangni yakhwrai bwswkbo dwk khu
 Oro sogwina bwswk bo chalkhu
 Saoi mnliya angle thaia bo
 Mwnaksai phaio ani thinangbo
 Satung paiyani nokha kosomhai
 Nokha gurumyani kheto panthorhai
 Ransajak ani lama
 Kobonjak ani imang
 Ninangwi tongo kophon rihai
 Chumui buthupni watwini twihai
 Yorwino tongo mokolni mwktwi
 Hunai kwrwi kebo laisok bai
 Haiphano angbo muiw bwlai hai
 Watwi kwrwini nokhani kothor hai
 Yorwino tongnai twisani twihai
 Salsale sogwiwanu gairing nogo
 Aphuru nukganu o horni Tal no.

Mwnakni Khorang

Suari Debbarma

Dongor bocholong
Mwnakni Khorang.
Pungliya tabuk
Malmata phano.
Siring siringba
Yachakya tabuk
O bolongni yamoroksa.
O mwnakno nugwi
Haichukma phano
Kirijago tabuk
Rutugo bole
Sak sakno huinani.
Dongorni twio
Thangliya kebo.
Thangkhele nanganw
O dongorni sili.
O kok wansukgwi
Thangkha daikungo
Saliya mungsa
O dongorni twibo
Mwnakno chirikma nugwi.
Tamo mwnak hwnwiba
Aswkda wngkha.
Tini tisaya
Khorang kebo.
Nugul kinaro
Uwawang chirikbo
Tini bachaya
O nokni nokphang.
Siring sorop jorani
O mwnakni khorang
Tabuk sokphaikha
Ani nokni nokhwla.

Kungkila

Namesh Debbarma

Kungkila kuho pungo
Bwkhabo tongthok jago.
Swbabo wngkha
Boroni phaikha
Nainani ang muchung jago
Khumbar kiyogwi
Bahai motomtwi
Nini khorangbo aswkno kwtwi.
Imango phaiwi nwngle
Kisa nukjagwi thangkha
Thaisa thainwi kok sawi
Nwng khano swrangriwi kwlangkha
Nini naithok mwnwi mungbai
Malai phinai teisa hinwi.
Mol laiwi jora swlaijako
Nini kwtwi khorang swlaijakya
Malai phai sidi ganao phai
Nainani muchung horo.

O Khorang Hukumu Khujak

Bikash Debbarma

Mamitani ulo ke ke chokhi khorang
Ri takna rwngsugwi bugrani ishiri wngna muchwngma
Eng eng o khorang bwswkse khwnathokmani.

Chekhok chuaiwi thop thop chakhwi
Tokla bupham wak bupham hwnwi mai kokema
Thuna soiya waying khilima khorang bwswkse khwnathokmani.

Rjong murama chechema khorang
Aichuk jorani kothok muktwrwi suwi
Ko kokore ko khorang bwswkse muchangmani.

Buisuni simi senani kwchar
Bolong gurumsai hulokni khorang
Khaja khamjagwi khitung bumani kamsere sere o khorang.

Twini yongwla pungma thakliya
Tiyari twikhereng pungbai khana
Twi sudamsa a kholoisa khorang bwswkse muchangmani.

Toksa naruwai pungmani khorang
Twihuk twihuk phantok chakhwi
Kuhu kuhu o khorang kwtwi bwswkse khwnathokmani.

Tung tung dengi mai sukma
Phai mala phai phai hinwi ringma
Jalai gurumsai pupu khorang bwswkse muchangmani.

Jora philjagwi tongkhor swlaikha
Hukumu rwkjak o khorangrog
Sengruk sengruk sengkha,
Poknani kokya khunju kaichomwi khwnawi naila
O khorangono rutugwi manano kumajak laibuma.
O khorangono khwnanani manano bakhuma perjak kothoma.

Sabo Nwng?

Bikash Debbarma

Sundruma chajak bwkhani dogwlamu

Sabo nwng?

Mwrwgwi tongphai ano

Chati phwnangwi.

Khamsawi rwjajak chini kothomano

Sabo thumphai?

Phan kwtalni pohor phunugwi.

Ani kwbai khorang

Garingo huijagwi tongmani

Sabo nwng?

Lapdam phiyogwi riphai.

Thwi chochoriring yorjak yaprino

Sabo nwng?

Busuo bachawi ano logi sanphai.

Borokni biro kwmana nai tongphuru

Sabo nwng?

Ani yak romphai.

Pokna nai tongmani ang ani mung

Sabo nwng?

Mung khuwi

Ano khuksa ringphai.

Kwmana nai tongmani ani goron

Sabo nwng?

Ano risa sorwi mwchang riphai.

Kochokna nai tongmani ani sampili

Sabo nwng?

Pohor wngwi pirwi tongphai.

Himma lama korona nai tongphuru

Sabo nwng?

Homchang twiwi ano logi riphai.

TALNO RWGWI HWKNI SAMWNG

Dilip Debbarma

Talbung bo thango, Talhing habphai
 o Bisi kwtalni jora,
 Camari kwtal Logi o twioi
 Hwk kwtal chengma jora.
 Talangni tallo hwk sokchaphoru
 Lebang bwnani phaidi,
 Bwisar kwchar bai sena kwcharo
 Hatalo thangna phaidi.
 Taltong maikaiya maitang kolomya
 Taltong maikaina nango,
 Hwkgo thangphuru Lenathai banta
 Gairing tangnani nango.
 Thaichumo thaikha Drompai thaikha
 Maiphang hamcharwi phao,
 Sipchabai boyar sipchai phaiphuru
 Hwkgo maiwasa khara,
 Gairing kasawi Lamdang phiyogdi
 Boyar kwchangda nangphai,
 Chini hwk-ari sakchalai rogbai
 Jaduni batai lainai.
 Taltongni jora satong hakitwi
 Twngphwlamani bara,
 Dongor twikwchang tilogbai khogwi
 Nwngnani phaidi dara.
 Taltok thangkheno talbang habphaio
 Hwkgo maimonma jora,
 Bwmani nogo bwsa makaya
 Samwng pailaiya jora.
 Hwkmai rabaikhai haping hinjago
 Khamkha phantok ni jora,
 Bolong mwsvisa sobailai chana
 Hapingo boima jora.
 Maising chakra mwimasing thaikha
 Hapingo thangna phaidi,
 Sotra bongol barwi tongkhwna
 Kholwi khajoa berdi.
 Maisinga rakha khakolo rakha
 Mwimasing rakha naidi,
 Takwlai kaitwi khali kainani
 Bwchwloi khati baidi.

KOKTHAI KWMAJAK

Kapiram Tripura

Tamono naharwi swinai ang tini?
Hapung-hathairok rampralaijak
Twisa-twikhreng ransalaijak
Bolong kwkhrang moksalaijak
Tamono naharwi swisinai tini
Kokthairok bebak kwmajak ani.

Tamono lobwi swinai ang tini?
Khumulwng naikhe hoiprelaijak
Nokhani sal-tal pohor kwmajak
Boyar kwchango naislema sipjak
Tamono lobwi swisinai ang tini
Kokthairok bebak kwmajak ani.

Tamo muto khlai swinai ang tini?
Hukni gairingrok nobarbai baijak
Maichu mai motom bahai kwmajak
Gati holongthai pirima khajak
Tamono muto khlai swisinai ang tini
Bakuma perjak mukumurok ani.

Sabono khatungwi swinai ang tini
Khachukno naikhe nakhwrai karijak
Bayapno naikhe khaichorma bangjak
Takhuk-bukhukrok baithang nailaijak
Sabono khatangwi swisinai ang tini
Kokthairok bebak kwmajak ani.

KORMOTI

- Kapiram Tripura

Eko nahardi;
Tokhwlai thango sakani simi khama
Bwkhaio chuwi kwbangma kothoma
Laibuma khurio kormoti twima.
Ta khibidi kebo selengma khuktwi
Arono khochohgw tongo bisi brum-brum
Raima-Saimani kwthar muktwi.

Kormoti,
Tinibo dongor khumpui bahai
Nobar kwchangbai sibwi motomkhe
Muto mano kerang kothoma,
Hachuk khurio gairing kwbai nukhe
Kha yoksai phaio swlwkma khao
Wansugwi nini kubuino kwmajakma.

Kormoti,
Nwngle muitode tongkhuna?
Nini bagwi nuk-nukhung yakarwi
Bisi brumni halokno mochow
Ani tongthairok nini bagwi mayapharma?
Poknani kokya abo kormoti
Nini bagwi chwnng tinibo
Sakni haono buideshi hwnjakma.

KUBUI

Kapiram Tripura

Ta hwndi nwnng ano Mirjafar
 Halok boya ang siniya buidesibai
 Mannani bagwi o swrapsani rangchakni achukthai,
 Ta hwndi nwnng Korno ano
 Halok boya ang sinimung mannani bagwi
 O kuru bongso rokbai,
 Ang ongwi mangwlak Ekoloby
 Drunacharya hai khaichorni bagwi
 Tansugwibo mangwlak ani yasithai,
 Ang ongwi mangwlak Bhismo
 Kururaj sobani bebak chaya nugwibo
 Mokol kholobwi siringkhe tongnai.

Phiyaba, nwnng ano hwnwi mano Bibhison
 Ani kha kisa phano yokgwak,
 Tamoni hwnba!
 Ang sanya o longka hai raijyo
 Nangya o rangchakni achukthai
 Kwrwi ani mwngsa manthai santhai.
 Rabon, nwnng khunju kaiwi khwnadi waisa
 Kha sina rwngdi tabukle kisa
 Ang Ramno rwktharya ereng ereng
 Thwi-halok kwrwngjak nwngbai kakgwi,
 Phiya, ang rwktharo kubuini halok
 Nwngba o kokno pode polok?
 Dophamkwrai Hoda hamkwrai bagwi
 Kubuino mwthangwi tonina bagwi
 Tansuna nangkhe tansugwibo mano
 Nwngbai swamjak o yakhwrai kolok.

Pal hinke sal

Dangdu Basu Tiprasa
 Bayap sak chalai
 Achukna kwai
 Dophani samungno
 Tangwi chwnng manlai.
 Bayap sak chalai
 Kok chapna kwai
 Samungno tangwi
 Bkhao phan manlai.
 Nini ani kebo hinlaiya
 Sakni simungno kebo bolaiya.
 Jotoni tongo wansukma kaisa
 Dophani bgwi khlaina mungsa
 Abono swamno Chwnngno pal baksa.

Cherwi nai Thai

David Debbarma

Hayung Kotorma guruk gui nai bo
 Tipura ha hai boro mang nai ba?
 Oo haa o le tongthok de tongthokya
 naitugwi naidi,
 Kubui de kubuiya cherwi nai di.
 Tongthok ni logi kha khama tong nai,
 Bono nung sina nang nai.
 Oo haa le tabuk yasi yagra kupulwng busu,
 Him na rung ya khe kwpal o yasku.
 Kwtwi kwkha tubwi hab fai kha,
 Kaichomwi nwngle soi nani nang kha.
 O swngchar o le belai kotorma,
 Oro tong na le belai wana ma.
 Areng no Kubui, kubui no areng,
 Cherwi nai na bo cherwi nai maya.
 Bachana nai bo bachai mangwlak,
 Belnai aphuru nini yakung le.
 Swngchar ni boyer belai Kutung ma,
 Chini langma le belai kirima.
 Kokya kok chongjak tong phuru,
 Kha no nwng bwthep na nang.
 Achai fai nai kwtal chwrai no
 Phwrwng na nang nai bhorok no.

Mukthang Wngsinai

Kripasindu Debbarma

Kaima phangbwsate,
 sal kwdwk romwi,
 Torya lokya wngwi tongmani.
 Bedek deksatwi,
 Lainwi lai nukjagwi,
 Rotomwi phaikhado tini.
 Wansugwi mankha tabuk,
 Bwthai thaia thainwi machanani.
 Toksa toktwirokno bini dedego baui,
 Khwnasiwanw aphurule punglaimani.
 Mukthang wngsinw wansukmani,
 Aswk kha baiwi tongmani.
 Ringhorwi mansinw jotono,
 Birlaiwi tongnai khani toksarokno.

Nwng ano bwswk le narwk nai

David Debbarma

Emang kisa no ani yapha o twioi,
Kha-khai mano ani sola o daowi,
Bwkha o ani omono kaisa
Mungsa swk khai anw;
Mungsa swk khai anw;

Sal hai ang chwngsai manya,
Hai phano chati hai chwngwi phunuk anw;
Sal hai ang chwngsai Manya bo
Hai phano chati hai chwngsai phunuk anw;
Ani pohor noh kundri o tonnai
Nwng ano bwswk le narwk nai;
Nwng ano bwswk le narwk nai;

Ang aa haa ni buphangya,
Twisa ni twi noh nungwi torwi loknai;
Ang aa haa ni buphangya,
Twisa ni twi noh nungwi torwi loknai;
Ang haa kwan ni buphang se,
Langma noh segwi torwi loknai.

Ani kok-thai le holong o swijak;
Ani kok-thai le holong o swijak;
Sisi swbaioi nwng bwswk le hunai,
Swkwmai manya ani mungno
Nwng ano tei bwswk le narwk nai
Nwng ano tei bwswk le narwk nai.

O hayungo aswk hamya kwrwi,
Amswk noh soi na ni phan tongo;
O hayungo aswk hamya kwrwi,
Amswk noh soi na ni phan tongo;
Phatara sanai ni kwchar o tongwi bo,
Ang kok kubui sana bachao.

Ang twijwlang ni sai bo kuthuk;
Ang twijwlang ni sai bo kuthuk;
Nwng bwswk le holong chikon khitar nai,
Masa masa ke kwlangwi noh bwskang o
thang nai.
Nwng ano bwswk le narwk nai;
Nwng ano bwswk le narwk nai.

Kong kongwi noh bachana swrwng kha,
Tolao tei kongwi ang tongna muchungya;
Kong kongwi noh bachana swrwng kha,
Tolao tei kongwi ang tongna muchungya;
Sak sak noh ang oro bacha na rwng kha,
Kiri liya nini swkwma-jakna ni kok bi.

Ano j phuru bo nwng hangar hwnwi hor o
khikwlae khe.
Aphuru noh ang rangchak chwng ma hai
khe kiphil anw.

Nwng ano bwswk le narwk nai;
Nwng ano bwswk le narwk nai;
Nwng ano bwswk le narwk nai;

Sal Nukjaky Tini

Akash DebBarma

Aichuk Siyari koboljak Tini
Kwchangma Hapjak Sakgo Jwtoni Tini
Sipcha-O Boyar Kwchang Tini
Sal no Nasinglaijak Jwto Tini
Sal Phaimale-Phaikha Tini

Phiya Sal-Le nukjakphai Manliya Siyari bai Koboljak ni Tini Aswk Siyari Kwbang Biyang
ni phaikha tini Wansuk Manya jwto Tini

Sal-Chwngsaoi Siyari no Sokomorwi pasai Phay-Phio Teisa Swng Bo Sal hai khe
Chwngsaoi phaina Nangkha teisa Aagini Kothoma-rok Kwmai tong bai kha

Phai di Takhuk-song, Phai di Bokhuk-song Kha baksa yapri selai sinw Bwskang ni Lama
thansa Himlai sinw Bwskang ni Siyari hai khe se komor Sinai

Nokgo chopjakgwi Thuoi ta tong bai sidi
Bwcha bai sidi-Tei Bwswk Thuoi tong bai Sinai

Tei Bwswk Chalwi Tong Nai (TripuraHa)

Akash DebBarma

Sal Thango Hor Wngo
Hor Thango Sal Phai-O
WansukmaPhai-OAniKha-O
Emang-MukthangHaiAniThinang
Chalwi Phaijak Nwng Bai Ang
Koboljaknini Maya bai Ani Khapang
Aichuk Jwrani Boyar Sipsa Phru
Nini Twil wlwk Bahai Sipsajak Phai-OAni Yang
Nini Twilwlwk Bahaino Manwi Ani Mithikjak Khapang
Tongtwi-Chatw-Twi Nonotwi Wansukmang Ma Tongo Ang
Tei wswk Chalwi Tong Sinai Nwng Bai Ang

Yarwng kosok

Sakulum Jamatia

Saroksa balangmani buphang cholongni
Bwlai rwmwi rwmwi khwringiji,
Nim buphang lokdrom lokdrom
Yarwng Kosok mwransajak phang,
Kisa misa naithok tgongjamani
Kwmai thangkha yarwng kosok wngmabai.

Agini jora garia phamani sal
Bwlai kwlwi rotomwi phaio
Aswkno naithok haparni goronbai mwchangajak
Tabuk kwrwikha agini naithokthok tongmani
Kham khorang khwnama jora
Keboba rwchaplaio mwsalaio chuwak nunglaio

Agini tongthokmahai tabuk nukliya
Komorwi biyangba thangwi sokkha
Mamita mai kwtal chalamani agi
Tabukbo muto mano a jorano
Jora kochogwi tongo twisani twihai
Borokni tongthok chathokbo mol swlajama haino.

Chaswmai rangchak ni toksa

Tamas Debbarma

Aguli ni sachwlango
Khoroknwi chaswmai,
Khapang beraio
Khumar marioi
Lari kha naithok twwi
Piyaka modu hai
Kok kwtwi chuwi

Swtwi modwna khajao chuwi
Rongtwi phulinai rok
Bera besertwi satung kok kwtwi
Sakur thwi kogwi tongo,
Bara katiya Sita khaiterwi
Mwnaikung naithokmani

Twirukung rekeoi
Khapang lengla o,
Sal kwchak naithok
Thango twiyungo kwlwgwi
Sanja goropna swkang

HIMDI TEI WAISA

Sahil Debbarma

Jora kolokma laiwi phailaikhā,
 Tophano sini manlaiyakhw khoroksa tei khoroksano.
 Imang nugwi mwkthangno rutugo
 Langmani paithak ario,
 Tode tongkhw thangwi tongnani.
 Tei waisa himdi
 Nokha sakatwi chumui sampili
 Longtrai buchuk kaui
 Tamo wngno wansugo.
 Tei waisa yak pholokdi
 Chini muchungma, sanma tinibo thansa,
 Ang siya baithangda chenno.
 Ang gosio
 Gosio jwngjalno twina
 Mokolo ringjak muktwi.
 Kwbang kok sayai....
 Swrwngwi tongkha
 Haiphano swlaimung phaiya khao.
 Imangrok rutugo
 Langmani paithak arino
 Tode tongkhw thangnani thai.
 Tei waisa himdi
 Hathai cholongo bachai
 Nokha nasigwi
 Tamo wngno wanswkyawi.

Laithangjak o jora

Jeshmi Kalai

Muitu mano o jora
 Kiphil phai tongo tabuk
 Khatango o sanja
 Milikrwna bo milikrwi manya
 Kakjak kwchwng aina
 Kebo tini mukhurnai kwrwi
 Laithangjak o jora
 Tini ani khapang soton horo
 Twrwksa mihim riphaio sipchaoi nobar
 Pogwide thangkha hwnwi
 Saphaio khunjoo serek serek
 Ano tapokdi dolyoi
 Nini mangsong tongo swkang
 Yakamsa yakamnwi chorwi bachai
 Nwngle saichungya chukhani khumbar
 Chwng tongo habar
 Tongnai nini suwariham wngwi
 Ang nono logi riwanu hwnwi
 Ng le ano tapokdi hwnwi.

Swkangwi

Jeshmi Kalai

Yakung belwi lamao kwlaiwi
 Juraiwi yakamsa seoi manyaphuru
 Salcha mai siniya Machaya phuru
 Basalo nukhung kwpwla mwktrwi kwmajak
 Masing siniya hopung aiphuru
 Kha mwnakjak kupulungphuru
 Biya yabwrwihai nasikjakphuru
 Bosong khasiya kobona naiphuru
 Oroí poroini swnalo kubulwi
 Chapmung kwrwi chabjakyaphuru
 Kaisa pohor wngwi chwngsaoi
 Sal wngwi kiyogwi
 Rwkha emangno mukthang swnamwi
 Sago subraini suwar tubui
 Nukjakha kaitorni sampili wngwi
 Chukyano tisana bagwi
 Khakuwar,khakwsap,khakuphur,khakaham,kha kwrak boni
 Buinile yakni kaiba yasi bonile kongsani Phan
 Bui chabwi manya samung,
 Bonile swrapchani samung
 Hamjakma bago lukuni thani
 Phan tongo lukuni thani
 Ha bwsarog sainani rwngya lamprani lama
 Sumsokni Phan torma bagwi
 Bo phaikha khukai khibina bagwi
 Kha kuphur tubui, kha kwsap tubui
 Boni uklok mokol kernairog kesengya kubung
 Jeswkbo norog chaitokdi bwstwn
 Sukrukna mangwlak subrai khutung
 Yasi gonioi tongdi kahui kwlangnai norogni swkang.

The Discovery of the Sarinda and Changfreng Musical Instruments

Buddharam Debbarma, Linguistic Officer (Ext.)

Long Long years ago, the Tripura State was independent and ruled by the kings. There was total 184 number of kings from the beginning and all the kings belongs to Tripuri Community, now known and titled as Debbarma, Dev Burman etc. Largest tribe in the state of Tripura.

Once upon a time, there was a king namely Hachong king who ruled in Tripura. In the ancient time the kings were very much fond of hunting wild animals in the forest. One day the King Hachong had gone to the forest along with his companions for hunting and suddenly heard a sweet song and music in the deep forest. The king then followed the music and searched around the jungle and finally met a young boy, who was a folk singer, singing very sweetly and playing along the musical instrument Sarinda. The king was very glad and enjoyed the music.

The king asked the boy "Why are you singing and living in this deep forest"?, and the boy replied to the king "I am facing many troubles since I have been socially out casted from a nearby village, along with my widowed mother to live in this deep jungle and surviving on jhum cultivation". Then the king asked the

boy to tell him about the making of the instrument Sarinda and the reason of living in the forest. The boy replied "In our village there is a leader namely chowdhury, he is the supreme leader and control over the villagers. He has a beautiful daughter and we both love each other and wanted to get married." There was a fact that once the chowdhury himself declared that he will allow his daughter to marry only to that person who can hunt a very wild and huge pig and bring it in front of his house. The boy said, "I have already hunted a huge pig and presented to chowdhury according to his assurance but the chowdhury has denied arranging the marriage with me, going against the self made declaration since I belong to a poor family".

Many villagers have tried to arrange the marriage as per his declaration but the chowdhury being inhuman and cruel, directed the villagers to socially out cast the young boy and his widowed mother from the village.

The boy said to the king "since, the village chowdhury didn't allow the marriage and socially rejected from the village, I sing songs and play the musical instrument Sarinda in loving memory of my lover". Then the

young boy also told the king about the making of Srinda by wooden raw materials, some part of bamboo, some part of horse tail and some goatskin leather.

After hearing this sad story the king wanted to help the poor boy and asked the boy to make more and more Sarinda and bring it to his palace.

Then, after observing all the facts of the village chowdhury's cruelty against the young

boy, the king ordered the village chowdhury to attend the king's palace along with his daughter. The king then decided to judge the unfair incidence and arranged the young boy's marriage with his lover. The king also directed the young boy to make more and more musical instrument Sarinda in his palace for the future. This is the story behind the discovery of the musical instrument Sarinda in Tripura state.

Lampiri ni Emang

Jeshmi Debbarma

Lairu lwng kami kaisao Lampiri khoroksano bwrwi sikili. Bini muchungma belai kotorma bwmano sawi bwkha bandiwi tongjao bole mogwi. Khao muchungma wngna muchungbo wngwi manya Lampiri kwpal birman manwi tongjao saichungno khano methebwi. Salsa Lampiri Thaipun buphang tolao achugwi saichung saichung mogwi tong mani jora khoroksa borok bono swng phayu nwng tamoni aswk mog. O borok wngkha khoroksa phatar hasteo thangwi lekha swrwngwi phaijak elem kwrwng bini bumung Salka. Aphuru Lampiri mungsa saliya nasigwi simi wanama chajago tamoni hinkhe cherai phangsini bono kebo kaham hamya swngnai kwrwi. Lampirino lamao khibijak cherai manwisi bono tubuo buma. Aboni bagwino bono buma no karwi kebo hamjaknai kwrwi swngcharni mayano buma simino rio bono. Mungsa saya siring siring nogo thangpayu Lampiri. Aboni salnwini yagulo Salkabai lampiri teisa malai swkangni a buphang tola no malaikha. Haino hai Salka bono a kok swng phiro nwng tamo ni mog hinwi. Aphuru Lampiri bini emangni kokno sawi khwna rio. Da salka angle bigra borok muchungmarok mungsabo khwla manya bwkha muchungma tong phano yak chukya hinwi. Aphuru salka khiphiwi sao nwng tamo muchungba ano sadi Lampiri.

Lampiri khiphiwi sao da Salka ang muchungo khoroksa doctor wngnani lukurokno muthangnani bagwi phiya anithani muchungma tongbo chuba nai kebo kwrwi phan rinai b kebo kwrwi sawile tamo khainai kwpal hamya ba abono ta. Khoroksa ano hamjaknai chubani tongmani ani Ama bobo bemar kotor manjagwi swngcharno yakar kwlangkha yago rang kwrwi tei chubani kwrwi bai sitwtwi phano siya haikhe langma makhikha ani ama. Ani amasi amo hai wng phano ang kebono amo hai wngnani rina muchungya chaya chukya borokno ang chubani belai keno khao muchungo. Aphuru Salka khiphiwi sao ang tongo tawanadi. Aboni talsani yagulo bono phatar hasteo lekha swrwngna twlangwi thango. Lampiri bisi chiba ni yagulo khoroksa doctor wngwi chaya chukya luku rokno chubao tei rang nayawi sak hamya rokno naywi hamrio. Lampiri bini muchungtwi no khoroksa doctor wngwi mankha. Salka bo lampiri doctor khwla jagano doctor kotoi khwlaio. Salkani chubamabai Lampiri borok kotor wngwi manma bai bo Salka ni nogni borok tei Salka no belai keno hamjakgo tei hambai yapharu. Lampiri ni muchungma rok kubui wngphano belaino bwkha baijak bini. Bono manwi tubunai bini Ama bo tabuktwi jora gana man nani mucungjakmani. Phiya

Lampiri tabuk kuchuk kotor wngmani jorao bini Ama n gana kwrwini bagwi bini belai bwkha kosto wngjak. Abo haikhe tongte tongte no Salka bono kicha kicha khe hamjagwi thango bini wansukmung kaham rokno nugwi. Phiyaba Bo kosto wngtongmano nugwi Salka bono sao nini ama swngcharno yakar thang phano bini phola khakchangma manwi tongthu. Swngcharni borokno nwng chubamano twywi nini Ama khakchangma manwi tongthu. Abo haikhe bono chubama bagwi Lampiri bo Salka no bwkha manma hai ma tongjago abo haikhe kok sate sate jora kicha laywi thangmani jora. Khoroksa bwrwi sak hamya barijak saknaijaknani phaikha phiyaba o bwrwini bemarkhe buini bemark bai miliya bini bemark hinkhe blood cancer. Bisi chitham romui kwba kwbangma doctor bai naijak kha phiya ba tabukbo hamwi manyakhu. O bwrwi wngkha bono bohogo twywi banai bini buma. Lampiri mungsa siya abo bini buma hinwi phiya ba o bwrwini logi phainai bini bahanokjwk lampiri ni khe atoi jwk o bwrwile Lampiri no kahamkhe sinio phiya ba a bumale siniliya. Lampiri a bwrwino sak kahamkhe naywi bini sakni thwi riwi a bwrwini langmano mwthangkha. Lampiri kicha khakchangma hai wngjago tamo ni hinkhe buino chubana muchungma ma chubama bagwi. Phiyaba lampirini emang mukthang wngphano wngya haisi ma tongjago tamo ni hinkhe bono tubu nai bini Ama no sak hamri narak manya tei tabuk twi jora kwthang nukyani bagwi bini bwkha belaino baijak. Haiphano Lampiri bwkha methebwi je tabuk samung khaimano khariwi no khai tongmani achomsa jora hamya phaimabai lampiri ni langma chonani nangkha. khoroksa chwla sikwla yakung yak

hamyani bemark manjagwi thuyamo kwlai tongnaino nainani bagwi thangthini Lampiri malkhung kotor ni tolao kwlaywi lamamajaro no bini langma kwmakha eba chokha. Bo muchungmani a borokno naywi hamriwi swngchar naithok thok jaga toni nani. Phiya ba jora chaya bai khwla manliya. A hathai kotor kamio malkhung rogbo manthokya wngma bai Lampiri sakbaithangno thangwi nainani thangphuruno bini langma kwmao. Bo swcharo birman manma hai kebo no manrina muchung jakya aboni bagwi sakbaithang phano bo malkhung bai thangwi buino sak hamya rok nainai thango. Lampiri hai bwkha kaham maya bo aswkno gwnang buino chuba nai borok kw mama bagwi kwbangma lukurokno bwkha thwijak baikha. Lampiri ni langma kwma manu khwnai Salka belaino bwkha baijago tamo Ni hinkhe Salka Lampiri no belai khe hamjago tei chajago. Lampiri sak naywi phirok phaikhe borok ni kainani kok bo salaina kok rijak tongmani. Lampiri ni emang bebak n kw mawi thang bayu tei bobo sakbaithang kw mawi thango. Swngcharo achai paywi Lampiri ni wansukmahai bebak borok no wngnani bagwi tei bini swlai teibo kotor khe wansuna wngthu hinwi joto nono khabai kobogwi tei hamjakma chibai yapharwi kwlang ni muchungbo kwlangwi manliya lampiri. Bo thangna swkang Salka n kok kaisa kwcharwi kwlangma tongo da Salka nwng langma tongsakno nini o maya tei chuba mano ta khibidi. Ano chubatwi buino bo chubadi nwng teibo hamarii manai hinwi. Abono lampiri ni paithak salangma kok tei aboni yagulo Salka bai Lampiri dei malai liya aswk no wngkha Lampiri ni aswk emang kotor nukmani lama kwcharo n bini emang rok bo baithangbai kha.

Samung

Gagan Debbarma (salmari- 12/05/2021)

Sarik ni jora sal chaksau phaikha habai nokha mwchangwi tongkha . Nokha ni rangchak budul hao kwlaiwi bebag swngsau chenajak. Lama botok chikon-kotor, kolok-bara bebag palini malkhung thanai thango, phainai phao, bathaknai bathago omo salbrum ni goron. Naibaiya borokrog ni tongmung kebo khwnai saka tisajak, keboba kwchak kormo rwjak, kebo kolok bara kanjak. Hamung siniya no tongo, hamung siniya no nugo. Lama bangmasing phalnok borok chaklaiya usigwi palaiya osani jora khe sana hamya.

Agulio lama gana kaisa yakwlap ni phalnok aro samung khainai khorok brwi tongo. Phainai thanai chaklaiya nokphang rang lekhanano karwi tei samung kwrwi. A jora khoroksa khulumkha mohajon khorang ranjak khorang bai rwngphaio. Mohajon Bose naharwi naiba a borok kichik michik kanjak chumjak khwnai balangchi hai yakung bukcha naimabai no sau mano bo khoroksa bigwra.

- Tamo?

- O mohajon babu kisa de manjano mai okhuisukha?

- O rang bangwlase kwrwi tongkhele rwkhamuta.

- Pa! Khokchi phanode kwrwi?

- Kwrwi, tongkhe rwyada tongnoba angkhe , phungni simi kebo phano bangwlase rwnai kwrwi tai tamo khainai.

Bebag borokrog paiyau mwkhwa kwsa naitwikhe nailai tongbaikha. Keboba selengma mwkhangkhe naiyo, kebokheba buase kholopjaky tei keboba mangpili tisao. Phiya bini bagwi keboni thani rang kwrwi. Aswk borokrogni bising khoroksa bihik bwsa no tubujak bo khoknwichi yapharwi rwkha. A borok naya hinwi maya tamoni hinkhe abose bini ok. A ok thaia ni bagwi no bebag ma wngkha lachima kirima no yakarwi ma rwkha. Phung dibor sarik mungsani bagwi wanaya ok thaiani bagwi simise wanao. Khulumkha babuwi hinwi thana naiphuru kok thaia khwnakha. Tangwi bono rang rw? Haino se sano borog abo buini tong kwrwi naiya je borok nugo bono no sano khorokbwswk no riui kul manai. A mohajon rwnaisano sao swrapsa tongwi rwnaisa sakha.

- U tamo wngnaisa aswk rwmarogba

- Loisi borog abo

- Haiphano borogbo chanale nanganw bwla

- Selerni bagwise hai wngo tongtwi chatwi, samung tangya yasumparwi boro machanaaisa. A kokno khwnau bigwra wansugo khorok thok kwrwi hinkhe swkal swnamjago, ogo mai kwrwi hinkhe sikok hinjago, chango ri kwrwi khe kobor se hinjago abo angno wngkhwna. Kebo kwlaajakno nukhe khochayaui lai thangnamang chaitoklaiyo. Phiya khochanai kebo kwrwi sotonlai, nahalai tongkhe abohai wngwlak khamun. Bigwrasa swrapsa wansugwi sakha.

- Joto borok nwnghai wansukya Mohajon.
 - Haini bagwi no nwngh abohai.
 - O ano bigwra hinwi sak nangya ta haida?
 - Angbo chwrai ni simi gwnangya haiphano ang nwnghai selerya samung tangwi chao.
 - (Wansugwi sao) angbo selerya ganatwi laikhesse rang santotok wngjago, kebo samung se rwnai kwrwi bahaikhe samung tangnai?

- Hinkhe nini nok kwrwi boro achaikha sa nwngh?
 - Nok kwrwi bai baksa nwngh abo buchigwlak.
 - Waisaswk samung khwla naidi kolomtwi ni manmani mai chau naidi bahai wng thokmani kubuni sai juda. Aswk borok kwbangma nok nukhung kwbangma khoroksa ni aro phanoda samung maya tongno rutugwi de naikha?

- Ang je sima joratwi bui ano bebag sinikha angbo tongthogwi sanya buino. Kebo mondiro (nokthar) tongo, kebo lama ganao tongo ang sanano nango hinkhe achugwi sanyaui bera sanmano ang chajago.

- Are mohasoi joto borok samung tangya machaya nwngh thwikhe keboni mokol kochomgwak nwngh mungsa khaima kwrwi.

- Ulni kok ang wansukya ang tabukno thango chao nwngh, ani ukologo bo kwrwi kebo bwsakango bo kwrwi kebo.

- Au haiphano nono borog salbwswk rwnaiba, jotono nukhungni bagwi ajio. Salsaya salya anghai tebo malainai sajaknai hinjaknai khorokbwswk no neng kok phirogwi manai.

- A... Mohajon nini kok kwkhaphano kok kubui nangmani kok haiphano ang tabuk omono karwi tei mungsa samung khaina rwnghliya. Nini sai swkangobo omohaikhe lalaijak hinjago phiya ani samung omono ang omobai no tongnai omono ani tongthok.

Mohaikhe saui ongkhorwi thangkha tei kaisa borokni aro, phalnogo guriui janija je samung rwnghmani abobaino mwnwiwi mai machadrop wngo. Kwbang ma ha koto abohai naibaiya machaya manwngya burung burung kwlaajak. Twikhe yaphango waro tei kok hinkhe buchugo waro. Tabuk jotono janija samungbai pailaiya. Swrapsabai rang kisa ni bagwi aswk kok kwbangma ongkhoranw hinwi kebo phano wansukya. Tabuk aborokrog kok pirnai thaia thaia karinai a kok ani oro teisa sokphainai. Chini langma wngkha kiting, chengmani thaio kiphilwi sokphaio. Haiphano sanai ni oro swrapsani bagwi se. Agini hai bodol bodol achugwi salainani sapung hopung kok saui pailaiya kok biyangni biyang sogwi kebo saui maya. Phiya tabuk buini kok sanani jora kwrwi samung tangyakhe machaya . Sapung hopung tangwibo keboni nukhungo chati chwnghya. Sakni nukhungni bagwi se wanama buini buphuru sanai.

Samung tangtwtwi ja salaimani aswkgono bathakjak. Nogo hik sa bai swrapsani kok kwchang phing aikhe sal kamabai baksa samungo ongkhorwi sal hapmabai baksa nogo kiphilwi abobaino kitingwi tongna nango.

Bigwrasa bo haino Mohajon bo haino janija samungbai mai machadrop. Khoroksa tei khoroksani swlai teisa mano, machao. Langmani amjokmungo lawi thangnani kwlaisaya achai phuru ni simi thwiphuru jora thangwi tongnani bagwi bwswkse samung khaina nang khwlaithai Bwswkse bang khwlaibaiya.

Juangkhang

Bhuban Mohan Jamatia

Huk bai gwdalwi langma kwrwngwi phailaima bagwi hukno rekewino chini bosongni kothomabo kwswnngwi tongo.

Rasai rasai bisi ni swkango, Khungsa kamini bwrwi sikli bukhuknsni borog bisi brum-brum yagi khilwi bodol bodolkhe huk haba tanglaio. Abohaikhenosalsa borog salpung huk tanglaiwi sarigo nogo kiphilaimani. Borog kiphilma lamni bwrwiphang kotorma saklomo swrapsa lenglalaikha tei abonitolaotiyaribokhorsa tongo. Borog o tiyariono tikugwi thanglaina hwnwi bwrwiphang bedego janijarignairisa berwitikuktonglaikha. Ayang, agini simi bwrwiphang sakao chok chok achugwi tongsoknai **Mwkhrajara** kotorma borog tikukmano naikhilai tongkha. Mwkhrajara **Juangkhang** hwnwibo sinijago. O Mwkhrajara bukhuknsni songni pairoi rignairisa naharwi buphang buchugo tilangwi dulwi achuk tongkha. Twma homale, agini jorao borogni bisingo rignairisa khengwi tikukna loi tongo. O Mwkhrajara bukhuknsni ni bising jotoni kusunomokol thaiwi narwknani wansogwi tongkha. Bono bukhuknsisong nuksalaiya tongthok jaklaiwi tiyario hari thwnglai tongkha mojomo jora romwi.

Kwbwino borog tikukbaiwi tiyarini kasai naima kangsaboborogni rignairisa bedego kwrwikha, yagulo borog buphang saka nuklaikha bedek buchugo Mwkhrajara kotorma borogni rignairisa dulwi chok chok achugwi tongmani. Bukhuknsisong Mwkhrajara no eba Juangkhangno hoi hoi le le hwnlai naikha haiphano bo achukmani kisabo loriya. Juangkhang sakha ano bengwi nirogni rignairisa manglak. Nirogni rignairisa mana hwnkhe ano **“achu-achu Juangkhang ano rignairisa kangsaja”** hwnwi sanna nangano, aphuru ang nirog bai manjuwi sawano- **“Yakhli engsa kaphaigra”**, yagulo nirog buphang engsa yakansa makasanai. Abohaikhe kasawi ani yakni rignairisa naphailaidi hwnwi sakha. Ayang borog jotono sago ri-chum kwrwi lachijaklai khuchrui tongna nanglaikha. Yagulo Mwkhrajara samatwi borog khwlai sinai hwnwi goselaikha. Bukhuknsni ni bising jotoni okra pwila rignairisa sana chengrakha- **“O achu-achu Juangkhang ano rignairisa kangsaja”** hwnwi. Juangkhang sakhlaiakha- **“Yakhli engsa kaphaigra”** hwnwi. O Sikli yachakkha- **“Kajakha achu kajakha”** hwnwi. Juangkhang teibo sakha- **“Phantok**

alisa khakna thangphuru nirog ano swi chubokmani" hwnwi. Sikli yachakphiokha-
"chubokjaliya si achu, chobokjaliya"
 hwnwi. Obohaikhe yakansa yakansa kasama
 ulo **Juangkhang** hou bwitali nasidi hwnwi
 boni rignai risa yapharwi rohorkha.
 Bukhukdok obohaikhenno khoroksa tei
 khoroksa sanlaiwi janija rignai risa
 manlaikha. Paithogo jotoni sikli kusu sannani
 chengkha-**"achu-achu Juangkhang ano
 rignai risa kangsaja"** hwnwi. Juangkhang
 sakhlaiokha- **"Yakhli engsa kaphaigra"**
 hwnwi, Siklibw yachakkha- **"Kajakha achu
 kajakha"** hwnwi. Bo kasate kasate kasai
 sogwikhenw Juangkhang bono doropsa
 romwi narwkkha. Twma homale,
 Juangkhang pwilani simino bono mokol
 thaisugwi tongmani. Yagulo bukhukdok jotoni
 kusu siklino Juangkhangni bihik wngwi
 tongrwksidi chwngh thangkha hwnwi dodro
 nogo kiphilaikha. Ayangkheba sikli kusu
 kirijagwi obai o bai ano naisingradi naisingradi
 hwnwi chirik-mokrok wngwi matongrwkha.
 Juangkhangbo siklino methewi hai hwnwi
 sao- ta-kiridi tini simi nwng ani bihik wngkha,
 ang nono chahmung kaham chahrwnai,
 kanmung chumung kanrwi tonrinai takabsidi
 hwnwi. **Sikli** sao- "ang khoroksa mwnwisu
 nwng bai kaijakmanya" hwnwi. **Juangkhang**
 sakha- angle Mwkhra janou haiphano anibo
 hamjakmale tongo, ang nono kha khuwi
 hamjakkha, ang tini ni simi mwnwisu ni
 tongmung swrwngsinai, nwng bai tongna
 bagwi nok tangsinai, nini bagwi chahmung
 nungmung agiuano nwng mungsabo ta-
 wanadi hwnwi. Yagulo **Juangkhang** siklino
 bandewi boni tongthai bolongo tilangwi
 thangkha. Bo bihikno kharwi thangjakna
 kirimani jephraphanosiklin logi ni kakya

wngwi tongkha. Bo dodro nok khungsa ham-
 hamya tangwi rikha tei bihikno belai ador
 joton khwla tonrikha, bolongni bwthai wathai
 tubui charikha. Abohaikhe tonglaite tonglaite
 Siklibo ulokhe wansukna nangkha hino boni
 kwpal se ahai hwnwi. Bisa bisinwini yagulo
 bihik sak deriya wngkha, bo bwsaino sakha
 hino-nwng khwnagradi kisa khukrog aisiwi
 tongkha, thaisua bwthai khagwi tubugradi
 hwnwi. Kwbwino, bihik sama logi logi
 Jaungkhangbothaisua khakna bagwi
 lamrikha. Haile bo dingra supungwi thaisua
 bwthai horwi phaikha, phiya Mwkhra ba
 chakrak yadeba, horwi phaitwi bahan sokhlai
 chao bukurno dao khwla dingrao kolnwi
 koltham se bwchlwi tongrwksio. Bo dingra
 horwi nok gana sokphaikhe bihikno ringwi
 sahorkha-**"o thinangni buma yangkhung
 bosok de"** hwnwi. Bihikbo khwnama logi
 logi yangkhung bosok rwkha. **Juangkhang**
 phaiwi yakhung bojago sol khwla lukhlai
 rwphaikha. Bihik chahna hwnwi naimani
 bebak bukur mamang thaisa thuisu se
 bwchlwi gwnang mankha hino. Aphuru bihik
 jolejagwi sakha- Mwkhra ba bahaikhe
 mwnwisu khanani, naile chahkrak wngmani
 bahan chahwi bukur se tubuiphaio hwnwi.
 Sal kisani ulo bihik sak kengkha chwla
 khwlauiwi. Kwbwino Juangkhang bwsa
 manwi belai khatungjakkha. Bo mung pharna
 pal manjakya wngwi tongkha twma mung
 narwkhe chano hwnwi. O jora borogni
 nokbrao yongla tote-tote hwnwi pungma
 khwnawi bo bwsano **Totesa** hwnwi mung
 pharkha. Kwbwino somo machaho somo
 machahya khwlauiwi Totesa bw himwi
 mankha. Bihik khathwi jaktwtwi obohaikhe
 soichugwi kwpalno bukhilaiwi nokha bisiba
 bisidok kalaikha hino. Ayang Totesa ni buma

tei khoroksa bwsa chwla wngphikha abono mung narwklaikha Totesa ni phayung Batesa hwnwi. Bwsarogni mayao gwdalwi obohaikheno Juangkhangni bihik matongkha. Phiya borog nukhung torwrwk nukhungo teibo biyal nangrwrwk wnglaikha, akon bwsaile Mwkhrjaba bwswkle pala tongnani. Yagulo Totesa ni buma wansukrwrwk wanajakrwrwk wngwi bwsaino yakarwi thangnani kha chongwi tongkha, phiya kagwi thangnabo tonglaima dwkhaba bwsaino mayabo nangkha. Salsa bihik kha soi khwlaiwi khogwi nogo kiphilna bagwi tiyar wngwi tongkha tei kakma dwkma bai boni jaiti bosongnobo belai khatangjakkha. Bo salsa bwsaino khogwi thangna bagwi bolongo thaisua bwthai khakna bagwi rohorphikha. Akon, hamjagwi se narwkmaba Juangkhang bihikni kokno thaisa waisa norya hino, obohaikheno bihik bai tholjagwi thaisua khakna bagwi bo dingra horwi bolongo lamrikha. O jora Totesa buma kaisa pala chabwi tongkha bwsaino nogo sophaikhe palmanya khaina bagwi baisa phaising chakhwi tolwi rwkha, tei baisa maitwk boksai rwkha, tei baisa uyaro yangkhung kwraitwtwi khwlai rwkha tei nokni Amingno Juangkhang phaiphuru yakung kubul sokdi hwnwibo sakha. Obohaikhe khwlai akoidodrobihik Totesa no tolwi tei Batesa no bawi bwsaino khogwi maphani nogo kiphilangkha. Swrapsani ulo bwsai thaisua dingra horwi nok gana sophaikha hwnkhe bihikno 'o Totesa ni buma yangkhung bosok dei' hwnwi ringwi phaiokha hino. Nogo haphaima logi logi uyarni yangkhung bodol dumsa kwraiphaikha boni sago, abobai dingra horjak urwi thangkha, ayang maitwkbo ke...sa khaiwi kutugwi tongkha, noksu kuna phaising chakhwi toljak

pungwi koro..ro..khe chakhwi twi kwsarwi nok lomphlawi tongkha tei Amingbo borok rwmawi miyong miyong wngwi boni yakung kubulwi tongkha. **Juangkhangpal** manjakliya, achomsa jolejagwi karai khosai **Amingno** thopsa toktharwi paikha. Ayang, bihik bwsa nogo kwrwikha wngjagwi pal manjakliya, bo wansukha Aming bekrengno Dangdu swnamwi tamwi bihik bwsano rutukna ongkharsinai hwnwi. Abohaikheno bo Aming bekrengno Dangdu swnamwi borogno rutukna dodro nokni ongkharkha. Juangkhang dangdu tamtwtwi kami kami beraikha obohaikhe- **“Donidong donidong, donidong dong, ayangde Toteni bumaba thang, uyangde Totesa Batesa thangdong drong dong”** hwnwi. Bo mokolo muktwi kwplung khwlaiwi khoroksa malaikhe Totesa bai Batesa no ayangde laima nukrwi hwnwi kami kami swngwi thangkha. Kamini lukurog Juangkhangni Dangdu khwnai jotonno mwlang chabaikha biyangni phaikha o Mwkhrjara hwnwi, lukurog kebo sao nukya, kebo saomasano tolwi tei masano bawi ayangtwi laiwi thangma nukrugo hwnwi. Obohaikheno thangmang thangmang tei khungsa kamio sogwikha bo khoroksa borokno swngphikha - ani bihik tei Totesa bai Batesa no iyangtwi laima de nukrwi hwnwi. Aphuru o borok sakha- orono boni kami, o lamano tokhlaiwi paithago thangdi malaiuano hwnwi. Kwbwino, Juangkhangbo je malaiyasa Dangdu tamwi rutugwi thangkha. Ayang salbo haplalang wngwi tongkha, bo sawi manya bihiksongni nok gana thangwi Dangdu tamwi tongwikha- **“Donidong donidong, donidong dong, ayangde Toteni bumaba thang, uyangde Totesa Batesa thang”** dong drong dong hwnwi. Jabtoni jorao ba,

kami ni nok-hukrog bebak charni nokmang tongmani. Boni Dangduni khorang khwnawi Totesa bai Batesa nok charni naikhilalaima-borogni bupha Juangkhangno nuklaikha, borog nugwi o apa o apa orosi chwnng tongo bisingo phaidi hwnwi salaikha. Tei dodro bumano thangwi borog salaikha-ama ama, apa chini nokhlao phai tongkha naiphaigradi hwnwi. Aphuru buma lachijagwi hai hwnwi sakha-"dwra boroni nwpha aboba mwkhrajara sible, dakti dugar kholop rwlaidi" hwnwi. Akon mwkhraphano borogni le buphajaya diba, borog buphano maya nangwi tonglaikha tei dakti nok bising haprinani bumano jalok tonglaikha-ama ama apa no nok bising haprisidi hwnwi. Ayang Juangkhangbo boni Dangdu tamma thakliya bwsarogno nukkha hwnkheno ahai tamwi tongkha. Paithago buma borogni jalokma sowi manliya bwsai Juangkhangno nogo tisona nangkha. Juangkhang mwkhrajaba lachijagwi nok kunao achugwi tongjakha hino tei bwsarogkhe apa apa chwnng nwnng bai thunai hwnwi buphano dolelai tongkha. Abono nugwi bumakhe lachijakmani mungsa kok saliya. Tei bo khao wansogwi tongkha bahaikhe o mwkhrajarano butharna wngkha hwnwi lam rutugwi tongkha.

Kwbwino, Hor wngkhaba borog jotonw mai twi chahlaina chenglaikha. Bihik boni bwsai Juangkhangno mai kisisa khurwi bwini swlai kwkak noksu kunao tunwi rwikha hou chahdi hwnwi. Ayang bwsarokkhe bupha bai chahnai hwnwi seklai tonglaikha. Abono nugwi buma bwsarogno kebengkha-janija chahlaidi, oroni kebo kutul manglak hwnwi. Totesa ni buma bwsaino maya le

wngo phiya lukurogno lachima bagwi se bono yakarna naimani. Ayang Juangkhang lachijagwi thaisabo kok saliya ahainokuna besero mogwi tongjakha. Totesa ni buma bwsaino butharna bagwi podrepod wansokmung wao sukruo wngwi tongkha. Bo bwsaino butharna bagwi nugul char thokmao warai kolonga chagwi rwikha tei thongaro bwsai chak drop khaiwi ensai tanchiwi rwikha, horo thuphru thaiching Totesa ni bupha hwnwi thaichingrwi nugul thokma khikhlai rohorwi kolonga parwi butharna hwnwi. Horni chahbai nungbaiwi borog jotonopalbaksa dari khwlaui rokolaikha, bwsaino hwnkhe ensai kwpla phaising rwikha, bo khe kwcharo tei bwsarog khe boni uklok rohorwi thulaikha. Juangkhang lengma lengsa machaya manungya khwlaui phaijamani daktino muiwriwri lipsa thangjakka. Ayang, Bihik khe bwsaino butharna bagwi ampawi tongkha tinino jora kaham hwnwi. Swrapsa ulo bo bwsai Juangkhangno hai hwnwi sahorkha- **"tei kisa thaichingra, thaiching Tote ni bupha"**. Abono khwnawi bwsai kwbwi kwbwino bihik kesebwi tongkhwna hwnwi dou-dou hwnwi thaiching rwikha. Swrapsani ulo hainwhai bihik sahorphiokha- **"tei kisa thaichingra, thaiching Tote ni bupha"** hwnwi. Akon Juangkhang le boni gana ensai kwpla tongo hwnwi saimanjayba tei kisa thaiching rwphikha, logi logi bo nugul char thokmao phwrwisa kwrai thangwi waisabai bihik chakmani kolongao pawu oronwbubuksa solkhe thwi thangjakha. Bihik saramjata tabukle Mwkhraja thwikha hwnwi dodro kolongani sokhlaiwi bolongo soprei khibwi rwikha.

Sajlani kubuk wansukmung

Pitor Debbarma

Jora kaisa o Basanta Kabra mungwi kami khungsao Kuphurai mungwi chwrai khoroksa tongmani. Bo diborni mai chai tongma jora o, achomsa mwlang chauwi wansukmung kuthugo habwi thangmabai bini gana bini maa phai tongmani khel kwrwikha, haini bagwi Bini ama phaiwi bwsalano mwlang chajak nugui hai hinwi sakha, hwi tamo wngtongkha nwnng babu? Bini bwsala achomsa thorsa sundru jakmahaikhe yang pasai phaikheno swrabsa mokol mihimwi tongkha, ulo bini

borokrok kaisa tei kaisa lai ya mang nugu, borokni khairokmarok kwrwida? nwnng omo hai kokrok Bwsla sao ang Rwngnokni buino kok salai tongma a borokrok ni kok kubui bwsala bumano ama? Buma sakha khwna



amano swngkha, Tangwi kwthalaya wng? Chuba bwkha o hamajakma Buma sakha bwsala no boro khwna sa babu? phai tongphuru lama o khwna o, khwnadi babu no, bumani kok khwnau swngphikha. Bahai khe di babu borokrok

wngkha kwthalawi tongthung hinwi se o swngcharo rohorjago, phiya ba o hoda se borokrok no hamya eba kaham phwrwngo. Bahai khe ama? Bwslabai swngjagwi buma belaikhe khatungjagwi bwsalano, bwsalani kipilmung rikha. khwnadi babu, swkangni jora kaisao buini bosongni borokrok hayakheba tabuk chini hano naikolwi tongnairok purbo pakistan hayakheba tabukni bangladeshni wanjwi bosongni borokrok chini tripura hao bodol bodolkhe haphailaikha jorani phero kwlawi. Borok wngkha belai tongna kwrwng borokni khano swlakna kwrwng. Jora kisani bisingono bubagra tai chini Tiprasa bosongni borokrok wngkha belai bwkha kwlai hamjakma kwbang, nakarma kwbang maya gwnang. Omohaikhe phatarni borok phaite phaite chini slai borok bangrwk bangrwk wngmabai chini slai rang gwnang tai kwrwng wngbawi chwnngno tabuk borokni je muchungtwi khlai tonibaikha.

Bebak jagano borokni borokmang achukthai kuchugo achukthai nau samung khlai tonglaikha, aboni bagwi borok chwnngno kuchugo kana rwy, chini bebak segwi borokni swnamna bagwi chini laibumani marirokno phuisaui kwta swnamwi kwta mungrok pharlai

tongkha. Chini bisingo chwnгно kok sitra kena kok saui khoroksabai tai khoroksano naslerinani jolirwnani walairinanai chengkha.

Tangwi kwtha rina muchung jak ya ama wansa rok khe? Buma sakha tangwi hinkhe wansa rok ni bwkha wngkha sitra buino tola khiklai na mang wansuk go, pal baksa khe tonglai nanirok wansa ni bwkha no chini borok rok kaisa tei kwthaya wngnani, chubaya chini borok rok kaisa tei thangbai kha. Aboni rok baithangni borokno yaino par wngo, bagwi. khwnadi babu nwnг kwthalaiya ta wng di, chuba lai di. Bwsa sakha I hamya khe tongna kwthai tongo ang ama. kwthalaiyakhe, hamjaklaiyakhe o swngcharo borokni mang tongplai glak komorwise thanganw salsa hai yada ama? Hwnwi swngtwtwi taisa wansukmung kuthugo habwi buma bai bwsa mwlang chalaijak.



rogo kwrwi. Aroni simi kaisa naislelai nani, wngnani swrwngwi, tini kaisa hakchal wng bagwino tabuk Tiprasa hamya nugwibo chuba wansarokno swrwngma norokni dolrok bai chubana nang khe ama ang kebo bai muchungya, Joto bai bo Borok bai borok

Sanja Damsani Lamao

Sachlang Debbarma

Watwi tem tem sanja jorao ang sebuk khaima thaini duwamung sanwi phaimani. Malkhungni nongkhorwi Yakhrailatio borok nasing tongmani, kamio thangna bagwi. Yakhwrai Hati bai ani kami chalmani damsani lamarok wnganw, aboni bagwino ang hakchal saichung thangna kiriui borok rokda malaino hinwi hatio bathagwi tongmani. Watwini joraba hatini borok datino kuruk baikha phalnok khungsa khungsu sojakya tongkhu. Borokda khoroksaswk malaino hinwi yang ayang naharwi tongma jorao no pherang chatibo thangwi rikha.

Aboni bagwi ang tei bisi nasing liya teikisa tongma yagulo saichungno thangsina hinwi ani yakni chikonte chwngnai manwi thonwi, kisa himbwi phalnok khungnwi khungtham laiwi kami thangma lamao sokphaikha. A jorao no khoroksa borok nasingradi hinwi yapri doui himbwi phaio, o borok yakungo yakwlap (Juta) kosom kajak, kanma chuma juda, Tupi thupjak bagwi ang horni phari bini mwkhang sini manya phano kha bising bising chongkha o borok kisa juda. Aboni bagwi ang bono sabo? Hinwi swngliya siring khai tongkha. Phiya o phainai borokle ano sinina.

Watwi phaimani kisa sekerekha lama

himwi twibaklai kami bwkhak thanglai twtwi ano swngu "biyangni phaimanisa" hinwi. Ani Sebuk khaimani thaini phaimase hinwi ang yachakha, bo teisa swngphiro tamo sebuk khaiba, B.S.F khaio hinwi satwtwi taibo sao kamio sokphaiya balokha haini bagwi kisa duwamung sanwi kamio beraina phaimani. O borok tabuk bini sinimung riui swngkha "Kiching ano sida sinikho" hinwi. Bini o kokno khwnai ang kisa mwlang! Chaui saphirkha ehi ang ba chongwise manya wngwi tongkha ble. Kisa mwnwiwi chwng agi rwngnogo swrwngwi tongphuru kiching khalaimani tamo siniliyada? Ang Sanjit se blasa kiching hinwi sakha. Oh oma kiching nwng de, nakardi nakardi kiching ang chongwi mansukliya nono, akon chwng kaklai mabo bisi sni(7) wngkha ba nwng bo agini hai goron rok kwrwi kha swlaijakha hinkhai ba angbo rombwi manliyata. Kiching nono sebuk mankha hinwi khwnamani tamo sebuk saimanya bagwi angbo maswngkha kiching hinwi sanjit saphiro. Akon chwng kaklai manile balokya diba teise kokduk rokba bo kwrwng laijakya hinwi angbo saphikha. Kok salaite salaite ani kami ganao sokphai laikha. Chini kami laikhai no Malakwthwi kami arono kiching sanjit songni nok. Kami

gana sokphaiwi ang kiching Sanjit no sakha "kiching ang Hati barsa tonglangnai jorarok mankhai ani nogo berai tongphaidita khwnarogo", Kiching aniba joraroksi kwrwi ble nwngsi jora mankhai thangya sani ani nogo thangwi naiwidi angba oro waisa uro waisasi wngma tongu hinwi sanjit sao. "Ang kiching sanjit ni o kok samano khwnai bwkha o tamo tamo jani hai nangjago" tobo ang mungsa saliya do phaiyanw kiching malaiyanw do hinwi ang kami hacham kasai thangna naiphuru kiching Sanjit saphio kiching teisa bathak gwradi kok tongu nini mwkhangno tei kisa nailangna muchungo thangya sani sikang. Kiching ang tini nwngbai malaiwi bwkha tongthok sukha aswk bisini nwng bai malaiya kiching ano pogwi ta thangdido. Pokya kiching pokya boro koborde pok tongnane wngkha hinwi ang kiching Sanjit no kwbagwi mwnwio, Phaidi khai kiching horbo mojomomo wngkha tini ani nogo thui thangsidi mai kolnwi thok thukya chauhi thulaiyanw hinwi angbai sajawgi kiching sao ehi kiching thuliya nwng bai malaiwi bwkha kwchang kha ang thangra sinw hinwi kiching Malakwthwi lama bwkhak himbwi thangkha aboni yagulo ang bo ani kami hacham kaui

nogo thangkha. Ang kichingni o kokthaisa buji manliya "nwngsi jora mankhai ani nogo thangwi naidi ang ba oro waisa uro waisa si wngma tongu" hinwi samani. Tomo kiching ba lama juda rokda himlang! hinwi podre pod wansuk tongma joraono ama bai tamono wansuk tongsa aphu hinwi swngjagwi miya lamao kiching bai malaima kokno ang amano khupurui sai khwna rikha. Ang aphuru se bebak kok khwnao amani khugo. Ang khwnaui belai mwlang chakha! tei luku hodao hamya sitra lamao himlaiwi borok kaham kaham thwilai tongmano hodani okwra chakwra sijak nukjak hinjaknairok abono twiwi mungsa samani kwrwi. Ang amano masakha "chini hoda dopha phiyok jaknani hinkhai rwngni pohorsi nangu, o rwngni pohorno manya hinkhai chwng mohai khaino paibainai, kubui raidatwi rwngni chatino yago twiwi hoda dophani bagwi choba khaikhai si dopha yoksama manai. Tumung rwngni bisingtwi raida rwgwi dophani bagwi choba khaiya hinkhai o chobani langma masi ma baranai". A horo ang je waisa kiching bai malaibu mani aboni bade tei ang kiching bai malailiya ang phaiya sani teisa swkda malaino hinmani tei nukliya bono.

ARI

Sahish Debbarma

Phung aisiri siri Mongola hangar bai buwa huwi mwkhang suwi tongo. A jora bini buchu duma nungna bagwi bihik Radhano horda mwswngha hoki tubudi hinwi sahoro. Mongolani bwchwibo mai songwi paidorop. Thapani hoki jolok jolokno wani yakhep bai kolnwi koltham tubuwi duma rijak mutio hoki riwi riphao. Buchu Maniram duma nungna chengo. Yang Mongola buma bupha kwrwijaba bwchwino masing jorani kwchangma bising bising thapa ganao mai chana phaidi sajla hinwi ringo. Mongola moso mosodeng bai maidul chawi paiwi buchu bwchwino yakbai borogni yakungno khulumui lam rio rwngnok bwkhak. Mongola rwng rem char o poriw tongo. Bini rwngnogo thanakhe twisa botok botok hinwi thangna nango. Aboni yagulo hapung kisisa kasawi tokhwilai keno rwngnok.

Mongolani kami Harung. Barmura hachukni kisisa phelala thai Harung. Hachuk kasana swkang lengjak baio chini luku bosongni borokrog. Abagwino bisi kolok swkang a thaio Maniramni buchuni buchusong kami khao tei a thaino rwgwino kamini mung narwk jakkha Harung.

Maniram huk khwlaio hachuk hathaio. Borog hugo mai khul kaima bai baksa baksa

mwikwthwng thaikwthwng rogbo kailaio. Mogodam, moso, momphol, siping, maisui, muimasing, banta, kosoi, jater pod jatni kwbangma mwikwthwngrog kaiwi chalai jao. Tabuk hukni mai tisa jakbaiba muimasing, moso, phantok tei kwbangma mwikwthwng rogno simi naikolwi tonglai jao.

Maniramni buphayung Dukhiyabo hukno khwlaio chajao. Borogni buma bupha tongphuru borog kwthalaino tonglai mani. Phiyaba Dukhiya swkang kaijakmani yagulo borog alka nongkhorkha. Buma bupha tei butano yakarwi bihik bai khoroknwikhe nukhung kwta khana chengkha. Maniram huk khwlaima thaio Dukhiyabo huk khwlaio. Hinkhe borog baithang jani jani hamari saimanna bagwi ari bolaina nangkha. Bisi kolok swkang huk khwlaio laiphuru hukni jabura bobura bai al eba laisi bojak mani. Tabuk borog laino rwgwino ari bolaina nangkha.

Sanja jora Maniramni nokni thapao mai kutuk tongo. Radha bwsai Maniramno swngo tamo mwnai Dukhiya chini arida bar hinba? Maniram sajao, tei tamosa huk ari barwi borog kisisa jaga nana hinwi sao. Ma pha bai bak kwlangjak phano Dukhiya aswkbai wngjakya wngwi tei kicha jaga nana

sanw. Buchu bwchwini kok sama khwnai Mongola pori tongma jora porano mwlang chawi wansukmao kwlaio. Bo wansugo, tamoni buma buphasi jani ja manthai riwi kwlangkhe tangwi teisa kwbang kicha hinwi sekna nang? Thwi thansani bwsa tongmani tini buchusong a thaino gosiwi manliya. Chuchu Maniramni buphayung Dukhiya thansa tongwi manya wngwi kaijakmani yagulo nokthai kwtal nawi kwtal nukhung khamani. Nukhung khamani yagulo ani nini wnglaikhe bupha bupha borogno jani ja manthai bagwi rikha. Tabukkhe tangwi huk ari seklai? Tamoni kwbang kicha wnglai? Nokthai bagwi rimani tabukkhe tamoni ari bowi ani nini thai wngna nang? Ari sabo swnam? Tangwi thwi thansani bwsarog hai wnglai?

Mongola wansugwi manjakya wngo. Chini luku hoda bahaikhe hamsanai, chasanai? Thwi thansani borokba tamoni nini ani wngwi kaklaina nang? Ari bowi tamoni gwrwng nai? Mongola bahaikhe a raidani gwrwng chini tong kwchang hodao achaikha

wansuk jao. Bo a arini raidarogno twiwi wansukte wansukte mwktwrwi laiwi thango.

Achomsa hor diborni jorao khorang chirik morok khwnai Mongola thasa sichao. Bo khwnakha buchu Maniram buphayung Dukhiyano kok phirok mani. Ama babusong kwthang tongphuru chwnk khoroknwino jani ja manthai bagwi kwlangkha. Tei tamoni teibo thai sanna nang, boroni ang nono bagwi rwnai? Bwsajwk khoroksa tongjamani, bobo yakarwi (thwiwi) bwsla khoroksa yapharwi kwlangkha. Tabuk angsajwkni bwsla ani sajla bai baksa. Bonokhe torwi logwi nukhung khwlaikhe twma rwnai. Bini manthai ang bonono kwlangnai.

Maniram sajao, thwi thansani bwsa, bwta buphayung hinwi ma babusong chini thinang naharwi kaham samung khwlaikhe langkha. Tamoni aro walaina nang, sekna nang? Manthai manwino nwng ari bokha bwla, oro tei nwng tei tamo nai? Omohai kokrog khorang kotorkhe sama khwnawi tongte tongte Mongola mwktwrwi laiwi thango.

Kiphilwi ridi

Kashmir Debbarma

Bisi bwrwi swkang ni kok muto manjagwi tongwi manya khao twma jani rwmmai rwmmai lai kabujak mukumu sal rok no nukthok nukthok wngjago bisi chisini umorni cherai. Achaidorobo no naithok nugwi hamjagwi bini angkhwa lobwi mung rikha kiting. Bo tini torwi logwi kami ganani rwngnok khungsao poriui tei oh rwngnogo no kuchuk rwngrem o first division number manwi pass khwai tabuk kamini ongkhorwi auli hai rwmngrem chinwia rwngnogo science twi poriui tongo. Auli porina nangma bai tai kami bai thang laisu khwaihokya tai science porinai wngmabai Master oh khorokbwrwi khorokba romwi porinani belai (kosto) makhwlaio. Aboni bagwi no auli gana gini kwbang nok bara tongnairok ni nogo rang riui poriui ma tongo. Sarig sanja jora nok barao saichung, logi kebo kwrwi siring siring kok salaisong kwrwi hai no thuo chao tongo khai tongmani. Osa mwtaini nogo phaimabo kamio sikla siklirokbo kwrwibaikha jotono kaijakbaui nok nukhung khwai kaham kwrwng khai tongwi tonglaibaikha. Agini hai sak chalaisongbo haino nok nukhung khwai jani jani wngwi thangbaikha. Kamio phaimani salnwi salthamni ulo no auli phaiphikha. Tini hojagri tongthokni salo saichung siring siring

khao lai kabujak salrok no muto manjago kiting.

Muto manjago Bo agi porimani rwngnokni kok. Aphuru Kiting rwngremchar oh poriui Tongo.sakchalai songbai kokmwnwi kothok salaimang rwngnok lairio. Salsa bini sakchalaisong khoroksa rwngremsinio poriui tongnai bwrwi bai hamjago hinwi haino kara thwnglaio. Ah jora kitingni khao hamjakmung ni mungsa wansukjaky haino sakchalaio bai simi kara thwngjak khe kisa mwnwiui tongo. Kiting cherai ni simino aswk mwnwinai borokya tai kamini okwra chakrarokni swkango kokrok aswk sathayaaphano sakchalaio baike belaino kok mwnwi kothok salaikhe kisamisa mwnwima nugo. Ah salo kiting ni sakchalaisong belaike kara thwnglaimabai kiting lachijagwi mwkhang hoichene moichene wngwi mwkhang hui tongtero. Ayang bwrwi bo hamjakmung ni khao wayaphano borokni kara thwngmung bai bwwi borok bwkha kwlaiba hamjagwi paikha. Bwrwi ni umor bisi chibwrwi tei bo bo ah rwngnogo no rwngremsinio porio. Naisigwi naikhe ku kubui bwrwi Bo haile naithokmani kebo chwlarok waisa nasik khe waisabai mwkhang uphilwi tui manya.

Mwkhang kiting, sakmang no aswk ramthaya tai phuboll phungthaya ujon no. Tini bobo kiting no kha phurei no thangjakha. Bini mungkhe khumpui. Bo Bo tini hamjakmao kwlwgwi thangkha kiting ni sakchalisong kara thwnglaima ni kwcharo habwi. Kiting no bahaikhe hamjakmani kok sanani mang chaitogwi tongna nangkha.

Salsa oh khumpui bini sakchalai songbai kok salai tongmani jorao kitingni kok peplajaagwi kok pirjagwi thango tai khumui lachijagwi sakchalairok bai Munuisuru suru wngwi tongo. Phiya kiting bai halok thansa swnamnani kwcharo bachau chubachu San nani lachijak kha, tamkhe khumpui bo puila hamjakmani kwtal bwla. Haiphano bini chalaisongbo bini bwkhani kok sai manwi sakha_mare nwnge swbano lachi chwngeba kwrwida no no chubanai, mare ta lachidi saui riwanu kitingno nini bwkha ni kokrok . Khumpui lachijagwi sao_tamo kok sai tongkha mare ang tabukrogo hamjakya, ang ba umor Bo kisa, cheraisikhu porinani jora bahaikhe hmajakmannai ehi ta sadi mare sana nangya. Haiphano bwkhao le hamjagwi tongo khumpui phiya sarakya lachijagwi.

Afuruni simi khumpui kiting no salsa nukyaui tongwi manliya. Kiting salsa rwngrok thangyakhe khumpui ni mwkhang tal thwison ni tal hai mwkhang somwi mogwi tongo. Abohaikhe mang talsa laikha. Tini le khumpui bini bwkha ni kok sasinai hinwi lachima no lachiya bwkha kotor khwlaui naphikha. Phiya hai no hai bwkha ni kok huijagwi thango khakwlap bisingo oh lachimani bai. Rwnok ni jora wngwi half time wngkheni meed the mil charima jorao kitingbo thango tai khumpui Bo thango mai chanani hinwi. Charima jagao bwrwi ni bwtang tai chwlani bwtang khe

bachalai mai mui naharlaio. Kiting mai nanani bagwi bwchaui naisingwi tongo bwskang ni borok mai nabaikhe nanani bagwii.

Oh rwngnogo mai mui songnaibo kitingni buma. Kiting kisa lachijagw buma mai songo hinwi. tamni hinba kiting belai kwrwi nukhung ni sawla. Nok ni bupha hinjaknaibo seler, samungswk tangthaya, bwsa rok ni porimungo Bo aswk naikolthaya, aboni bagwi kiting waisa wuisu bwkha dukhu nagjagwi buphani chathaya mwchangya seler tomungrokno nugwi jolijagwi tongo. buma mamang bwsa ni porima, chama, nwnma bebak jagao naikolwi twlango. Bwrwi borokphano chwla borok bai baksha kiting ni buma. Phung aikhe no dakti sakti bwchaui mwkhang khorang sui nao tai bwsa bwtwirokbo sochaui porinani dagio. Phung kwchang jorao porikhe pora mano abo kitingni buma kahamkhe saui manwino bwsarokno dakti bachai porinani dagio. Kitingni bumabo haile borok kwsrangno, dakti bachai besarokno porinani dagibaima ulo gati bwkhak lam rio gola kaisa khebwi. Gatio bwrwi bodolrok pal malailaikhe thansa khuthumwi nok nukhungni kok, kami hamkwraini kok, bwsai bwsani kok, phainai talo chongmario swba kwplai wngno swba kwplai wngya abohai juda juda kokrok kuthummai mwnwilai salaio. Kitingni buma kok saui tongphano aswk jora kwdwkma tongbuya kitingni buma kok saui tongphano bwkhao khep khep wngjago. Sio bo nok nukhungni samung kwbangmano tongkho. Gatini kiphilwi nokhwlw pharwi, nok takhuk phiyogwi, musuk guwainok khengwi paio. Aswk sal chugwi samung paiphamani ulo bo Thuyamo rokojak kitingni bupha. Thangnai horo hatio thangwi bwtwi nwnngwi phaima

hopung swrwng kok samang aichuk kwrao muktwrwi thango. Aa muktwrwino supungna bagwi totwra khor khor khe thui tongo. Aswk aswk samung paibai tabukphano bwchana siya hinkheba sabole jolijakya tongnaiba. nokshi bothwna bai khichwlang chwrapsa khe phungsa phungnwi bui muktwrwi swrario bwsaino kiting ni buma. Yang muktwrwi ni jwngjal wngjagwi bose teisa jolijagwi kulo bihikno. Kiting cherai ni simino buphani tomung nugwi phaio. Bahaikhe nukhung naithok wngwi tong bebak bumani naikolmung bai. Teisakhe baisi thangkhamu oh nukhung buma kwrwikhe. Nokni samung humung mai mui song pai rwngnogo thango mai-mui songnani bagwi kitingni buma.

Khimpui lachijagwi tongo kitingni buma no tamkhe bini sakchalairok bai kara thwngjakna kirijagwi. Tamkhe kiting bai khumpui ni halok rabjagwi thangkhe kiting ni buma khumpui ni bwkwrajwkse wngwi paisiwanu. Bwkwrajwkni yakni mai mui machau bwkha tongthokjakma hai khumpui bwkha bising bising kok sao-tei bwswk tongsi teisa khe ani yakni si mai mui machawanu oh ani kwrajwk. Haikhe wansukmang wanukmang khumpui ni bari sokphaikha mai naharnani. Gana thangwi lachijagwi mairang phehelwi tongo mai nanani bagwi.

Yang kiting ni bachaprok bo kiting no serek serek sao-iko nahardi kiting nihikrok nwmani yakni mai mui nanani nai tongo. Nukyade nwng tei bwswk nwmani kosto no sitwtwi siyahaikhe tongsinai. Khumpui no hamjwk swnamwi nogo tubui manyade. Nwmano mai mui songriyau khumpui no songrikhe nwmanbo aswk kosto nanggwla. Kiting bwkha khepsa nangjago kokle soino

nugwino tongo bumani kosto no kitingbo. haiphano tabukle bwrwi rok tubui manyata. Kami ni borokrokba tamo hinjaknani aswk cherai jorao bwrwi twlangwi angba ma-phani mwkhang sokriwanu blasa. Wngya abo. Haiphano tinile kiting bwkhao kisale wansukna nangkha khumpuino twi. Bini sakchalairok ba bebakno naithok tongthoni kok sau nakthok nukthok khwai imang nukriui khibikha blasa. Haikhe ah salo chamung jora lairiui rio kiting ni wansukmung bai. Haikhenno twrwk twrwk rwngnok bo phaio.

Horo muktwrwi thangjakya kiting khumpuini kok mang wansukna nangkha. Tai bini sakchalaini kok mang khunju gana khwnama hai mang tongna nangkha. Bwkha bising bising kiting khumpui ni phaising hamjakmani boyar khao sipsakha. Aswk chasolok joraba aswk sithaya bwkha bogwla twmano hin siya hamjaknani khao ampakha kiting. Salburum burum rwngnogo thangkhe khumpui ni phaising mokol kaichomwi ruwaiya khe nasikna nangkha. Yang bini sakchalairok bo khumpui ni kok mang samang samang tongma bai teibo kitingni khao hamjakmani yarwng achaiphaikha. Ayang khumpui bo hamjagwi no tongo kitingno lachima kirima ni bai sarakya.

Salsa prayar wngtong jorao kiting khumpuini phaising lok lok khe naharwi tongmani achomsa khumpui nasik riui kiting mwkhang lachijagwi uphilwi Rio. Khumpui mwnwiwi bwkha bising bising wansukgo kiting bo bono hamjagwi tongo hinwi.

Aswk hamjakmano khao chobwi manliya kiting, bini sak chalaisongni khuktwi hamjagw hinwi sau rikha khumpuino ah salni ulni salo. Haikhenno khumpui bo hamjak

tongma bai hamjagw hinwi gosiui rikha. Ah salni simi kiting bai khumpui kwnwi kwnwi hmajakmung ni haparo jaikhe kwlwkna nangkha. Tai keneke malailaiya phano sal karya koktun swilaio, sak chalaini yaktwi khumpui no tuno tai khimpui no bini sak chalaisongno yaktwi kiting no koktun tuno. Haikhenno kiting bo sal phaikhe koktun swinani belai tongthokjagw tai belaino khumpui no lobwi koktun swio.

Kiting rwngrem dok ni simino koklop koktang swina ni chengo. Tamkhe khoroksa swikwrwng wngnani kaisa bini Muchungma. Bini angkhwa kudu bo bini rwngmung koklop koktang swinani rwngmanri sago tongmani kahamkhenno sau manphano nokni ma-pha aborokno aswk chajakthaya. Porina ni jora porifru abohai swima tamo man nai poruii mungsa swk wngwi manyakhe tamkhe chanai. Buma hino-nukyade nwma-nwphanisong bwdwk kosto khwai norok no rang puisa kwrwini bisingtwi phano norokno pori riuii toni. Abono kha sibaidi bui bai hamya ta hinjakbaidi, buini bwsa bwtwirok hai hamya ta sajakdi, nukyade ih phona ni bwswlasong bwswk phakuwa, chuwak arak biri, sagteat phejaknai manwi bai kubulwi hodani mokolo hamya hinjagwi tongbai mani. Norokle atwi ta wngjabaidi kulu kwrwi nukungni bwsa ba kaham khe poruii bahaikhe buibai kaham himjagwi borok wngwi phunuk mannani abosi chaiyokdi. Aswk no sao tabuk cherai jorao kha siyakhe ulo kaijak borjagwi norokni bwsa bwtwirok no tamo charinai nihikrokno bahaikhe buini hai naithok khe sajogwi mannai. Bui hai kaham tongmung tongna muchunganu, kaham chamung chana muchunganu, kaham kanmung chummung kannna chumma muchunganu tabuk

khasiyakhe ulo bahaikhe tongthok mannai. Kok no tango "swkang kosto khaikhese ulo sukhi wngo".tabuk abohai koklop koktang swya karwi kha riui si porina khaidi. Phiya kiting buma ni kokrokno khwnanau tabuk bo koklop koktang swino tongkho.

Salsa khe kiting ni koimung bai kwnwi malilai samlalai kok kwtwi salainani koikha tai khumpuino gosikha. malainani thai bo chongwi nakha rwngrem charni uldrobo khungsa swtwitok oh malainani sakha.oh swtwinok aswk sitwra mwnamya tamkhe salburum burum no swrwngnai rok rwngnogo phaikhe prayers ni ulo sappy khailaio. Half time o khe khumpuibo khao tongthokmung bai khatung khaja khwai malainani phaikha, kha bising bising lachimung buljak, tamokhe puilani hamjakma puila malailainani halok manjunani siya bahaikhe kok salainai wansugwi khumpui swtwinok bising habo. Kiting khe swkangno habwi lachima bai bwkha udila chajak khe thong thong bwchajak. Khumpui lachijagwi gwlangsa habwi riphaima nugwi kiting boroni mwtai bwsa saraswati swk naithok habwi riphaima hai ma tongjago. Aswk sal nasikma ulo tini samo nugwi teibo se khumpui ni goron naithogwi tongsio. Khum Bwkhwrwi puila kiyogwi bubar barsai phung kwchang jorao kwswrang nugwi kha kwchang ma hai kiting kha kwchangjago. Puila no lachima bai khorang kwlwitwtwi kiting kok sana pepwlo - Bwrwi kaham, nwngba tamoswk naithok kha.

Kiting khe khumpui no hamjagwi lobwi bwrwi kaham hinwi ringo tai khumpui khe kiting no swrang ringo. Khumpui lachijagwi mwkhang nasikrakya Munuisuru suru wngwi tongo.

Kiting swngphiro_"tini phungo tamo mui bai ma chaudi phaikhasa bwrwi kaham",?

"Vegetables baisi nwngkhai tamo bai chaudi phaikhasa "_Khumpui kok phirogo. Kiting_ ang aa bai, nwkwrajwk songo, thoksuk kha nwng machakhe lengwi thanganu. Kiting ni mwnwi kothok kok khwnai khumpui khwkchwi mwnwima kakliya. Haikhe half time paibau kwnwino malailaimung paibai swtwinok ni nongkhorwi pailaika. Swrapsa togkhe rwngnok doge sona jorani tamkhom tamwi rikha logi logino swrwnnai swrwngnawjwk tai phwrwngnai phwrwngnai jwk ok rwngnok ni nongkhirwi jan naji nogo kiphilna panjilaika. Kiting bo nogo thangnani nai kha, kiting kami ni lama khumpui song hostel tongmani ganatwi mathango. khumpui ni room lama bai gana, lamatwi borokrok thanglaisu khwlaima bebek nugo. Tini khumpui bini room ni tailam twi kitingno mwnwimung bai "kahamkhe nauinogo thangdi da swrang" hinwi tata rihoro. Kiting nugwi khao hamjakma, tongthokjkama kul pailiya nogo sogwiyasak khumpui ni tata rima, tini malailau kok salaima mwnwilaima mang mokol bwskang o nukthok nukthok mang wngwi tongsio. Haikhenok kiting nogo happhaio, tabukni simi kiting bai khumpui bwkha thui muktrwi thangya nukthok nukthok.

Teini salobo hai no kiting malainani koikha ah salo kiting khumpuino motomkhopsa ma riui bwkha ayang masingo sogwima hai ma tongjakha tai kwnwi thwiyasak logisong wngwi hik-sai wngwi nukhung khaikhani wansugwi swmai kwrak tanglaika. Half time o khe malailaiya phano chamung dugano thanglaio kiting khumpui no curcure chief pai rio. haikhenok bisa bisinwi laika.

Corona virus puila bharat hakotro habphaima jora. Bharat ni lukurok jotono dwr dwr kirilajak. Puila bharat o oh virus habpaiphano tripura haseo habphaiyakho. Phiya rwngnok ni amjokmung paima talsa ni ulo no tripura hao corora virus habphaikha hinwi haphang sakwlai rikha. Tai rwngnok, rwngnok kotor, rwngnokkyung tai haba nokrok joto doge sojaknani wngkha hinwi haphang sakwlai rikha. Chini rwngnok sojaknai hinwi khwnakhenok khao dukhu nangna chengkha kiting, khumpui bai tei malaigwlak kha hinwi. Khumpui ni nok belai hachal wngma bagwi Rwnghrem sa ni simino kiting ni nok ganani rwngnogo poriphaio tai orono khungsa CM ni tuidulmabai hostel tangwi rio. Abono bwrwi rokni hostel, khumpui arono tongwi porio. Khumpui thangna wngkha hinwi kiting bwkha tamo hai wngjak kha khumpui bo khasing khading hai wngjak kha. Haifano khumpui kiting no kokduk number kwlangwi "ang phaiphianu naisingwi tongdi "hinwi saui kwlangwi malkhung saka kao. Kiting kha khamjagwi motom sui kok rio" Bwrwi kaham nogo thangwi kaham khe tongwidi, saburum call twi kok salaiwanu chwing. Ang nasingwigwi tonganu nwng phaina jorao. Kaptwtwi khumpui bo yachago" ani kiting ang phaiphianu tei waisa naisingwi tongdi ani hamjakmsno nini khapango ang phaiphianu. Haikhebo khumpuini malkhung malna chengo, kiting teibo kha khamjagwi khumpuino tata riui bwkha tongwi manjakya kaptwtwi tei waisa phaiphidi hinwi kok kwcharo. Khumpui bo uphilwi naharwi kha khamjagwi kok rio ang phaiphianu naisingwi tongdi ani kiting. Haikhenok lama pheryasak je nuksasak kiting khumpuino naihorwi horo

tei khumpuibo ukolok naharwi muktwi hui upilwi naharwi kwlango.

Salsa salnwi phone bai kok salaimani ulo no kiting bai khumpui ni hamjaklaimung ni halogo chumui kosom monokphaio. Khumpui no kiting aswk kha rui kubui hamjakmung bai thinangni logisong swnamna hinwi hamjak tongphano khumpui le wansukmani lam juda se. Khumpui tei kubuni bwrwi rokni sai naithok hinhano bwkhaile le judase. Khumpui kitingno yakarnani kok mang saui tongma bagwi kiting dukhu nangjagwi wanamao kwlaio. Tamokhe kiting kisabo wansukjakya khumpui bono hai khwlaianu hinwi. Tini beak thung khupurui saui mansuk kha khumpui ni tomungno kiting. Tei tamole khwlaina tongba langmao chumui kosom kolobphaimano kebo swkagwi manya wngwi kiting kha baijagwi thangjakbaio.

Tini hojagiri ni salo oh kokrok muto manjago kiting. tei waisa made manphino ih khapangni rangchak budulno wanasugwi saichung rwchapmung tangsa chengwi rio, rwchapmung ni bumung "teisa made made malaino malaiya, oh nwng bai nude nuklaino nuklaiya" haikhen mokolni muktwi kwlaina chengno kitingni. Wansugo langmao kubui bwkha bai hamjaknai borok manna aswk kwlaia. Je no bwkha bai hamjago bono tini saichung lampwrao muktwi bai mukumu swnamwi kwlango. Tini oh twngsa amatwi kwnwi yapri kaisa khwla himnani imangrok beakno khan khankhe bai thangjakbaio kiting.

Bisa bisinwi lai kha kitingni khani tektorok. Saichung saichung huijagwi mogwi tongmani, horo hopung khumpuini kokmang wansugwi kobong kupulung sio kitingni muktwi bai. Tini kisa misa auli rwngnokgo poriui bachap charirok bai tongthok mwnwimang

khumpuini kokno aswk muto manjakliya. Sana thangkhe pognani no chengkha khao. Bwskang lamao kaham wngnani wansukmung phaikha kitingni.

Bumani kok muto manjago kiting, bui hai borok sitwra ta wngbaijadi tai thinangni bagwi wansugwi yapri senani amatwi himdi hinwi samani kokrok. Kiting wansugo abohai hamjakmung ni haparo kwlgwi tini bai bisa bisinwi baithangni samungno kebengwi tongmarokno. Ih cherai sasolok jorao kaham hamya wansukna rwngya je naithok nugo bono no kha phuro, abobaile thinang kaham wngya teibo se sasolok jorarogo jora kahamni lamo kebengo. Haini bagwi torwi logwi kahamkhe poriui thiango chikin mikon sebuk manwi bwkha kaham bwrwi nauai kaijakmani no chao. Sasolok jorao jotono wansukna rwngya umor bisi chichar phungma ulose thinangni bagwi wansukna rwngo. Khumpui hai borok chathaya rokno

kha phurwi langmao mwnakse wngphio. Kiting wansugo abotwi borokbai hachal wngmankhe no chao hinwi beak khani phiyogwi Rio. Haiphano tini hojagiri salo achomsa khumpuini kok muto manjagwi kokthoma kaisa swi narwkganu hinwi wansugwi kothoma swina chengo kiting. Aswk jora koklop, koktang swimani ulo tini puila baithangni kothoma swio kiting. Kiting siya bini kubui langmani kothoma bwswk joratwi borok chajakno chajakya haiphano mukumu kwlangwi thanganu hineino oh kothoma swio. kubui hamjaknaini khao kothoma khatiui tonmani no bijapni bisingtwi borokrokni khao swlak rinani muchungjago kiting. Tai paithago bini kothomani bisingwi khumpui no waisa no sao "kiphilwi ridi tei waisa ani kubui hamjakma" hinwi.

Ruphaini Buduk Chowi Thango

Bikash Debbarma

Raima awar jeswk waro aboni swlai teibo logo. Naharwi nuhurya phungni simi kheto awar beraina ongkhorkhe sarik sal thungsa habwi thangmani sirwkya. Aroni nobar-twibar, hani hamari manwi bwlai khwringiji bwtang kormolala maitang rangchak thaimani bagwi gana gini kamini lukurog omo maitanglwngya rangchaklwngse hwnwi salaio. Mailumani ruwai manwi bisa mai borkhe bisiknwi nogo achugwi chabo chabaiya. Mai munma jora hamung siniya toksa tokmilirog phawi kheto awarni mai chapphao. Pakhirai phung aichuk bachawi sapung salkolok bathakyawi tok rugo. Raima awar ganani kali hathai kamio bini nok. Kheto ail botok botok khapurumwi tok rukmani bagwi kamini lukurog bono pakhirai mung pharwi rio. Tongththok-chathothok, hohom dodom, dangdu-chongpreng, sumui sarinda khorangbai muchangjak mai-khul kupulung chabaiya-nungbaiya kami amchaio twma swlaimungbo nangwi mwnak sal phai sokphaio. Dungur ban thermabai bebak kami awar twini tola kulugwi thangbaio. Hani bwsarogni muktwi-kungtwi bai dalokjak o dungurni twi.

Bisi thamchiba laithangphano tabukbo o kothomarog Pakhiraini khao achom achom

bangla phaima haikhe ninang rio. Bo tini swk khoroksa manjak, swkni mwnwimung bini khapango kwsatongmarogni bithi wngwi bwchao. Twi lommani ulono bihik hamya kwlaiwi hani mayano yakaro. Bwsala Ratanjoyno phikungo bamsawi tongthai naitukte naitukte kami khalainani chenglaio. Kamini mung wngo Sordeng kami. Twrkw twrkw gana gini Buisora kami, Mosok kami, chakla kami akorog khajagwi thango.

Ratanjoy hukbar khwlaio, muikuthwng-thaikwthwng kaiwi hatio buini yago paikari rohor. Amobaino thok, som, moso, berma chadrop manwi tongo. Talchi omorni bwsa khoroksa, bihik tei bupha burano twiwi nukhungno kwchang kwchangno twidulwi tonio. Sordeng kamini simi Roisa hati chalmani mile dok wngo. Kamini lukurog hatibaro thangwi manwi khwnwi paiwi hilik begno twiwi kami kiphilna nangkhe belaino jwngjalo kwlaibaio. Abagwi kubangkuk hatio thangnairog BSF ni malkhung koto kawi kiphilaio. 4 number amchaio BSF camp khungsa tongo abo Sordeng kami bai aswk chalthaya. Kamini lukurog hatio thang laisu khwlaithani BSF ni malkhungo kawi phailaimani koktwma bolong borokrogni khunjuo sogwio. Salsaya

salnwiya omohai koktwma khwnamani ulo kamini borokrogno bolong borokrog BSF malkhungo ta kadi hwnwi sakwlai rio.

Sadhin Tripura nainai bodolo baksani naharmung wngkha BSF malkhung choporobwi silai patham seknani. Wainwi waitham mana khwlaimani yakulobo kamini borokrog BSF malkhungni yakni kaknani hwnya. Aboni majwra saboni nukhungo thangwi kwlaino kebo siya. Salsa Ratanjoy bihik Modhuti tei bwsa kuluino twlangwi Roisa hatio thango. Bwsani richum, muikuthwng-thaikuthwng akorog paibaimani ulo nogo thangsobdi hwnwi bihik bwsano BSF malkhungo kasariwi rohoru. Bo hwnkhe reshonni mairum karinani bagwi naising tongo. Ratanjoyi nokhani chumui kosom kolobwi mwnaksai phaio. Lamao silai pathamni thau thau koklaimani khorang, o koktwma kamini lukurogni khunjoo sogwimani ulo urnanglaiwi nainani phailaio. Phai nukphaiba cherai khoroksa kabtwtwi bumani abuktwi chai tongo, langma chojak buma amo keboya Modhuti se. Yaksi yagwra thwi chakrara, malkhungni khorok chinwi chitham jotono langma aribaikha.

Hikno kwmajagwi kobor bai baksa wngo Ratanjoy. Chana nungnani, thunani korowi khabisingo muktwini twisa yoro, bothotho bothotho wngwi thango. Talchi bwsano nukmabai maya nangwi teibo khapang suluksao. Buma kwrwi o bwsani thinang tamo wngnai ? Jaterepod wansukmungrog sago haphaio. Kwpalni swlaide yasku chugwi manba j wngmani wngwi thangkha tabuk bwskango tamo khawlaithai amose wansukdi hwnwi bupha Pakhirai bwsalani khano methepnani naio. Bo teibo sawi thango- numa kwrwi angkheba

nono pusiwi tubuyade ? Angswkno tabuk nwnngo kahamkhe pusinani nangnai hwnwi bwkhao phan boksino. Buma talchuku bwsano ouk twikhe bupha nwichiba romwi twidulu, sabo hwn bupha bwsano pusiwi manya ? Buma rangnayawi nukhungni samung tangkhe bupha j rang ajimani jotono nukhungni bagwi swbaio, oro khoroknwin chaitokmungno baksa. Buma tomung bwsani hamjakmani muirogno sogwi rio hwnkhe buphabo bwsani nangmani manwi khwnwirog paiwi rio, khoroknwin hamjakmungno baksa. Tabuk angswkni bagwi nwnngo buma tei bupha wngnani nangnai hwnwi khorang kwlwitwtwi bwsala Ratanjoyi kokbiti rio. Buphani khukni kok bokhiri khwnawi Ratanjoy khao holongthai sinkwlaajak hai hiligwi tongmano norwi khano helengsario. Bwsano rangchakni waying, ruphaini budugo muthunani swngsarni tongthokmung tei hamjakmung rwnani bagwi kha thonwi bwskangni samung bwtangno tangnani yapri seo.

BSF malkhungo langma chonai nukhungni borokno khoroksa khoroksakhe sebuk rwnani bagwi hapangni bwkhaktwi saklai rwjago. Ratanjoyi nukhungobo sebukni offer sokphaio, haiphano bini kha kwchangya. Sebuk tomungno hakchalo kwlaikhe bwsa chikonsano sabo naikini khainai o wansukmungrog haphaio. Sal kisani ulo saimano sebukni thai kwlaikha Gondatwisao. O koktwma manwi tongthoknade eba khakhamnade saimanjaya mwlang chao, achom achom watwi wayawino kwpallo pherang kokmaswkbo wngjago. Pakhirai bwslano sao- babulu nwnng thangdi sebuk khaidi, angswkni bagwi ta wanadi ang tongo. Kwbangma kok katakati wngmani ulo

Ratanjoy sebuk khainani gosio. Sordeng kamini simi Gondatwisa nwichichar km wngo, lam hamya malkhung manthokya dungurtwi rung kawi Gondao thangnani nango.

Raima awar, saima awar bebakno twibisingo kulukjak. Saima hwnkhe kusuba thamchi kisa kutung hwnwi lukurog agini simino puitu khailaio. Baksa rungrog arono kisa misa dubimani nukjago, watwi nobarni jarwi twi lamthai dolwi twini deo kasamabai baksa rung dubio. Twi bisingo tongnai haplokni buphang thuntarogo dabjaktwi wngkhe waisa uisu rung philjagwi borokbo langma chow. Rungtwi thangnairog jora jorao nobarni phanbai twi deo kasakhai gana ginini bolongrogo dabjaktwi wngwi bolongono thampui yongkhak warjagwi hopung aimani koktwarog tongo.

Gondatwisao chikonsa noklakai nawi aro tongwino Ratanjoy sebugo thango. Talo wainwi waitham rungtwi kamio laisuo. Bini kaisa wansukmung tongo bwsa teisa

tormani ulo Gondao bobai baksa twlangwi rwngnok kahamo porirwnani. Haikhenon naite naite taltham kawi thango. Taltham kamani puila sebukni rang manmani ulo bwsani bagwi richum, yakwlap, moja, thwngmani manwi, chamung tei bupha burani bagwi nangkukmani manwi khwnwirog paiwi kami thangnani wansugo. Sal kisa hamyani bagwi kha mithikma haibo wngjago. Haiphano tei kubangkuk wansukyawi Gondani simi rung kawi kami bwkhak lam rio. Twi kwchar majaro sokphaiphuru nobar kotor sibwi watwi wamabai twi omthai tei twini deo kasawi rung jangirijaktwi wngo. Swrapsani bisingono twini buphang murao dapjaktwi wngwi rung philjagwi thango.

Ratanjoyi bebak imang nukmarog bobai baksano twio kulugwi thangbaio. Rangchakni waying ruphaini budugo bwsano muthuna hwnmani imang motomrog tini motomliya twibai monokjakha ruphaini buduk chowi.

Chamari achomsa

Ashit Debbarma

Sachlang molni sal sekerwi tangbla molni jora hapdorop. Toksa naruai bwsakno sukrere suchigwi khorang khiliui buphang phangsani tai phangsao bauwi pungmani jora. Bolongni buphang bwlairok nokbarbai baksa ninang chichok wngwi jora bai mwchangjak. Kami amchaini yaksi yagra sal burum burumno kham, sumui khorang khnamani sal barya. Kami amchaio abohai tongthogwi tonglaimani jorao Twisa rangchak kamini Kormotipha nokni samung humung tangsani tangwi pailaijakya. Achuk swrapsa tongnani yaphao jora kwrwijak. Bwsajwk songdari Kormotino phalgun tal bisingonw kailaibari panda khwlainani kok chojak. Nukhungni borokrokbo janijani yak parisak joratwi kailaibari panda mwchang rinani bwkha thonjak. Talsa swkangno chwlasong tei bwrwisongni nukhung khungnwi thai kwrwngsao achugwi kok sachui kwlangkha. Sal kaham naiwi kailaibari salbo chongjak. Hamtor bai Kormoti swkangno khoroksa tei khoroksano swkangno sinilaima kwrwiphano kok peklaima kwrwi. Haiphano raibai kok kwrwngni jarwi nukhung khungnwi bisingo kok khoropsa. Bathiya raibai kok kwrwnng bisio

chorokdok, choroksnini kok sachwi kailaibari panda songchai mano. Aboni phero kami amchaio raibai kok kwrwngni mung borom kaham. Buini khugo raibai kok kwrwngni mung manwi Bathiya sak sakno torjagwi kung saka surchajak. Nokni ongkhor burum mokol mukthup thubwi ha naikhwaiya. Hati, habao borok khoroksaswk malaikhe baithang raibai kok kwrwngni kokno bolai samang khuk mwnwi kakya. Hamtor bai Kormotini kailaibari sal thiti khwlaimani sal kisa ulo Kormotipha Bathiya raibaino salsa nogo phai malaina kok kwcharkha. Bathiya raibai sal kwcharjakmani salonw Kormotipha bai malai phaikha. Kormotipha kok thaia sakhe Bathiya raibai kok sama thaidok. Kormoti kok kwbang swngphinikna sep manliya.

Malaidoropni simi Hamtorni tongmung kahamni kok kwtwi mihimwi samang jora laio raibai kok kwrwnng. Kormotipha bathiya raibaini kok bwstwngo kubulwi khuk borkha. Kailaibari panda songchana swkang kaham hamya swngnani khugo phan kwrwikha. Dipor mai khopsa chahbaima ulo khugo kuai khopsa pomwi Bathiya kok kwrwnng uanana mungsa kwrwi khuksa Sau

Kormoti songni nokni kutulkha. Nukhung kahamo bwsajwk songdari susurujano hamjwk rohorna lama manwi manmabai Kormotipha bwsajwkni kwpal kwchwn chongwi khuk mwnwi kanya. Raibai kok kwrwn chwasong bai bwrwi songni nukhungo thang, laisu khwlaima sal choya. Phiya kok bahan gwnang salaimani thaisaphano kwrwi. Bwrwi tei chwlani nukhung khungnwio kailaibarini manwi nangma, sokma paimani samung paisukna lamo. Phiya kailaibari sal samparwrwk chwasongni nukhung phaisingtwi kok kepek sama bungrrwrwk. Chwasongni nukhung phaisingtwi sanmung, naimungni kok bejua kasamano raibai kok kwrwn bwrwini nukhungo thaisaphano bwkhunjuo phukliya. Kailaibarini salonw joto kok bejua achaimano khuk khengsinai chongwi raibai sakni bwkhano bandijak. Hamtor Kormotino kha phurjaksukma ulobo nukhungni manwi yak bahra mungsa, mungnwi mannao mokol chwnjak. Ayang bupha Hoitereng kami amchaio swkangno khilwngni rangchak budul khosanai mung laijak ba buini manwi mokol thaima kwbang. Sal burumno raibaino nungwi kok kepek sao yango Bathiya raibai bwrwini nukhungo kok tunna kwcharjakmano bwkhao simi chobwi tonijak. Chwlani bupha sanmung narwgi kok samano raibaini khugo au au simi peplao. Ihi, khuk perma salsaphano kwrwi. Naite naite kailaibarini sal sokphaikha. Bwrwini buma Somti bwsajwk songdarini kwbak kochok khe kapna chengo-" Sajwkma buini nukhungo nogo tongtwi nogo chahtwi ta tongdi, ta chahdi". Kormotipha khuk perwi kapma kwrwiphano bwsajwk

songdarijano nukhungni swkak rohorna kha sajawgi mokol muktwi reke reke. Kormotibo cherai phangsani buma, phabai kagwi kwbang tongya. Tabuk nok yakarwi buini nukhungno tongna nangnai. Kha sajakma paiya Kormoti. Bayap charibai kakna khao selema lomwi khuk swlwkm thakya. Phungni satung tungluluk pirma thagwi diporni sal satung pirdorobo chwasongni digi kham khorang saharwi Kormotisongni nokhola kaphaio. Bathiya raibaini mwkhang kailaibarini salo chwnaliya. Tok kwthwisk wngwi siring sorop. Khugo huhui hahai swkangni salrokni kwrwikha. Bwrwi tei chwlani nukhung bubagra Bathiyano rutuk sini rutugwi lengjak. Bathiya raibai biyang kwmakha, kebo sinai kwrwi. Bathiya raibai khao uana poja hilikjagwi buini nok ukologo saichung achugwi mokjak. Bwrwi tei chwlani buma, pha bai rutukjakkhe malaiphaio. Swrapa ulo biyangojani kwmai thangphiro. A salo Bathiya raibai uansugo chwlani buma, pha sanmani kokno swkangno bwrwini buma, buphano bwkhunju phukma tongmatwi tini motwi khe huijak tongna nangwlakkhamu. "Twma akolo angba swkango khuk khengwi sajakliya". Raibai kok kwrwn saichungno sakni bahan khichigwi sana, kulna chengo. Swkangno bwrwini buma, phano chwla sanmano khuk perwi sajakmati tabuk yago arak khuri twiwise tongthokma paigwlakkhamu. Bwkhani auaso punyani kha hamya Bathiya raiba. Kailaibario kaina jora naisingte naisingte og chamlaijak. Ochai, baruabo kaina samungni manwi khwnwi jugalwi tiyar. Jora kisa ulo hamjwk kwat bai chamari kwat bedi bisingo aya

,ayajwkni chubachu bai kaphaio.Ochai khukelem saui chwla bai bwrwi yasitem swlaima samung paio. Asamung paima ulo ochai chwlani buphano bedi ganao tonwi bwrwini buphano nungwi swngphinigo nohrok swkango chwlano yak bahra manwi yapharna kok cholaijak de tong ? Bwrwini bupha yak narwi, khorok pupagwi sao- manwi tei mungsaphano nangmani bahra yapharna kok rwlaima kwrwi. Chwlani bupha a kok khnakhen bwsalai khapsa uarwi mwlang chao. Bwrwini bupha kok sabaima ulo yapiri yakamsa sena naidorobo chwlani bupha khorang chirwi kok sana chengo- "chwla sanma,naimani kokno raibase sinai, bohno luku bwskang tubudi". Khorang khuksa mosonnwi sao-Bathiya raibai kok kwrwng tabuk biyang kwma ? Bedi kitingjak borok usik palaiyani bisingo khoroksaphano Bathiya raibaini mwkhang nuknai kwrwi. Yaksi yagra mokol chikhak naitukma ulobo raibano rutuk manliya. Kamini borokrok phupui phapai kok salaina chengkha. Ochai chwlani buphani khugo kok kutung perma khnaui kok thaissa saphina kha bangjak. Sago kirima,lachima lomjago Ochai. Chwlani bupha khuk khengo -"Chuui chajaknai thai kanisa yapharna hinwi swkangno bwrwini phaisingtwi gosijak.Raibai ba talsa swkangno chwnge sanma kokno bwrwini buma,phano saui gosikha hinwi sabwla. Tini tamo kok juda juda". Chwlani buphani khugo swkango khnaya kokno khnaui bwrwini bupha mwkhang somsugwi borjak. Bathiya raibaino hala, baji mung pharwi kutukna chengo. Bwrwini bupha luku bwskango khuk perwi kok sana

chengo-"chwla ha kanisa sanma kokno chwnge swkango khnaya,raiba saphaima kwrwi". Bwrwini buphani khukni kok kebengwi chwlani bupha mwkhang chaksau ua kerek kerek. Khoroksa baiphano kokbiti chapnao hus kwrwi. Ochai khamabo kok sana bor kwrwikha. Chwlani nukhungni phaisingtwi chahthai kanisa sanmano twiwi kok kwbangma salaiwi ur patima bai kailaibaroni tangmung, twimungbo mwthakjak. Raiba kok kwrwngno yang ayang rutukma ulo kailaibaroni bedi bai kwbang chalya nok bangla khungsao rutugwi mankha. Kailaibaroni phaijak sikla mwkwra mwkwra pal bachaui Bathiyano kok kubuino swngkha. Bathiya chwlani nukhungni phaisingtwi ha kanisa sanma kokno khuk perkha. Chwla sanma kokno bwrwini nukhung bubagrano khunju phukya kholop tonma kokno luku bwskango gosikha. Raibaini khugo kok kubuino khnama ulo bwrwini bupha khuk perna chengo-"Ani chahthai tongmase bebagwi kanisa kaya ang bahaikhe chuui chajaknai thai kanisa baknai" ? A kok khnakhen chwlani bupha bwslano bedi bisingni sokolai nok bwkhak lam rwna yapiri sena kudikha. Kamini borokrok chwlani buphano methapna naikha.Hoitereng keboni kokno bwkhunjuo berliya.Aroni kutulna swkang joratwi Bathiyano khuk phaimasi kutuklangkha. Chwla bedi bisingni ahaikhe ongkhor thangmabai Kormotini mwkhang rwjakha. Sago lachima lomwi mwkhang khichik pahjakliya, Kormoti.Kormotini mokolo uatwi uama thakliya. Kamini borokrok Kormotini mwkhang naisigwi

khairokjakma bangkha. Bathiyano kitini kamini borokrok kokbai hokuchu sinna chengkha. Jotoni khugo-"Bathiya nini bagwino tini Kormotini kwpal sogo. Nwng samung chaya khwlaima gwnang Kormotino nwngno khosana nangsinai". Luku bwsango Bathiya raibai kok thaissa kiphilwi sana khugo phan kwrwikha. Kok kebengwi sakhe phikung yamphra chanai. Bathiya abono kaham keno romwi mankha. Khorang lem khe kok kwrwng

kokno saui yokna lama naiphano Bathiya yokliya. Bini kha muchung kwrwiphano Kormotino sakni sampili songna magosikha. Kormotibo "ha hilikya luku hiligo" kha chongwi lukuni kok khibi manliya . Salsani salono Bathiya raibai bai Kormotini kailaibari panda hohom - dodomni bisingtwi kham bai khum bai khwai paikha. A salni simi Bathiya raibai kok kwrwngni mung kami amchaio 'Chamari achomsa' mung kwat laikha.

Hisab Rwnnya Matiram

"Phaibaidi! Phaibaidi! Kaham kaham muya hakwtwi. Mayung buwa. 'Feres ferer', gudok chadi, muiborok chadi, awandru chadi. Phaibaidi! Phaibaidi! Ajerni kuri, ajerni kuri". Matiram bini langa bisingni muya karioi segun bwlaio phehelwi rio palna bagwi.

Gandani simi Aguli thangmani lamao Mointila kasaoi jotoni kuchuk jagao sogwikhai khungsa bwthakjaknai nok malaio. Somni no borok choya aro, thangnai thango phainai phaio, baksa malkhung bwthagwi Dumbur twino naharo. Hapung kuchuk ungma bai chumui kobonjak bisingtwi Dumbur twino naithok nuhuro. Baksaba haino lenana bagwi bwthago. Bwthakjaknai nokni khaksa bwkhak muya phalnai khoroknwi khoroktham tongo. Matiram ungkha borokni bisingo khoroksa.

Tamoswk lerkha nwnng tini, ayung Mati?

Ta sasidi ayung chwla, Matiram yachago. Bebak kutai bomtok nangjak. Muya langa daoi tiyar ungwi phaina naimale kangsa kutaise kwrwikha. Phat phat twio sutoroui satungo kisa phwanwi rampro rampra khai chumui ma phaisio. Ayung chwlale langka phalwi sikwna na?

Ayung chwla hino, Boro phalmanani. Sernwi-sertham phalka ta, bajar hamya bile. Agini hai phalmaliya.

Tei boroni bajar hamsinaiba. Rang

gwnang rogba bebakse wahan chao, morok mano morogu hinya.

Matiram ni kok nangjagwi Ayung chwla, Ao hinwi khorok suku-suku khaio. Tei hinkha, Muya phalnaibo bangkha bwla paichanai kheba kom.

Akon tei tamo samungle tong hinw ajinani. Ayung chwla nwnngle sernwi-sertham phano phalwi mankha, angle tabukse phaio, ang phalgwrana do.

"Ajerni kuri, ajerni kuri. Phaibaidi, phaibaidi", Matiram chirigo.

Phaldi, phaldi, Ayung chwla hino. Ang biri kongsa nwngrwana. Bo sola bisingni biri peket thaissa karioi kongsa naharkha. Yak koton khai mes buoi phwnangkha.

Ah jora borok khoroksa sut-kut bai khwlai phaoi Matiram no swngphaikha muya bwswk phal hinwi.

Matiram sakha, "Ajerni kuri, sersani cholis". Bwswk twlangna ba sersa, sernwi, sertham?

Ehi, sersase hodi, tiris unganw bwla...

Matiram hinphiro, sernwi swk twlangdi ata, sersa chadrop ungwla bwla.

Ungo nwnng hona ba sersa no. Tiris khai ungo da sai abosi?

Umm! Umm! Sersani tiris, Matiram koromotho ungo. Bwkha bising hinkha, Angba bono ajerni kuri, sersani cholis se sao

bwla. Ayung chwla yang khwnagwradi ba!
Ayung chwla bukhugo biri gwnang ummm
ungwi sadi tamo hinkha.

Matiram khorang chikonkhe swngkha,
sersani tiris los de na lab? Sagadi dakti.

Sersani dos teka kom.

Tamo? Dos teka lab?

Dos teka kom, hino bujikka.

Are, Ayung chwla bukhuk bisingni biri
karioi sana ba kok bujiya.

Mo Mati bai pailaiyano! Bukhukni biri
karioi sao, dos teka kom.

Oh, hinwi bo sakha, Ata sersani tiris
ungwlak. Cholis no ridi.

Ah borok Matiram no Ayung chwla ni
thani kok swngma nugwi saimankha,
Matiram tabukbo hisab manya. Bo hinkha,
Pah! Tamoswk moroksa nini muya Mati
bajar muya laikha bwla.

Matiram mwnwi swrw swrwkhe sao,
Ata bajarni muya bai ani muya chai naidi
bumo thokuk. Bajarni muyaba tongkha basi
aniba naidi'feres fer'es'.

Do akon hosidi cholis khaino hinwi bo
ponchas teka yapharkha.

"Hai ma lokhi! Tini ni jatra", Matiram
rang yachagwi haikha. Ata ang nono tei
bwswk kiphilna nang?

Tei tiris teka kiphildi, muya painai kara
thwno.

Matiram kicha wanajagwi bini Ayung
chwla ni bwkhak nasikha. Bo swngo, Tei tiris
da phirokna kwla hinwi.

Bukhuk bisingni hoku duphungsa karioi
Ayung chwla hinkha, 'Tei dos'.

Muya painai hinkha, Tei dosno hodi
dakti lerkha, ang nono karase thwno.

Matiram rang yaphar twtwi sao, Ang
tabuk hisab mankha bile, Ata. Ang dos tekano

hinwi tongo. Nwng tiris hinwi saokheba ang
'confis' nangwi thangkha ta.

Umm, teibo kahamkhe swrwngdi, muya
painai hinkha tei aroni kutulwi phaikha.

Teisa phaidi, ata, hambai ani oro muya
paimani bagwi. Bo chirik phio, Phaibaidi!
Phaibaidi! Ajerni kuri, ajerni kuri.

Ayung chwla tei kongsa biri phwnang
sukuwa mes sa khe buoi. Bo aswkhe mes
buna kwrwng jeswk nokbar kotor phano hor
thwiya.

Matiram swngo, tamo Ayung chwla
nwng biri mangde nwngwi tong tabukse
kongsa paimani?

Nwngyai tongmaliya khalisa birino loi
ungwi thangkha. Maise chayai tongmano, biri
nole nwngyai tong maya. Hindi nwngbo
khpsa nwngdi, Matiram no biri bedego.

Ayung chwla ang biri nwngya, bui
nukkhai lachima sincha ungnai, Matiram hino.

Kwnwi kok salai salai hinkhe teibo
thogo. Hindi khopsa kusupdi, ayung Mati.

Bo bui nukya sini phatsa naharwi je
phan tongsak kusupkha. Waisa baino khaksa
paitwtwi khai rikha. Hoku chakyani bagwi
bini bukhuk 'Hanuman ni bukhuk' hai
tongkha. Kok charimaya 'hwndu, hwndi,
hindi' hinwi Ayung chwla yapharphikka.

Ayung chwla sao, ayung Mati nwng
tamono lachijak? Chwng muya phalwi
chanaino sabo dam ri! Chwng biri phano
nwngwi tongdi, chuwak phano nwngwi
tongdi, kebo mungsa sanai kwrwi. Chwng
sut-put phano kanwi tongdi, chwngno muya
phalwi chanaino hinnai. Angto tei sut se
kanliya. O gamsa kohoi kanwino laisina.

Biyang biyang ni kok saoi tong Ayung
chwla. Angbo dam rio hinya. Boyos

ungyakhu ni bagwise lachio.

Ayung chwla hinphiro, sabo sa boyos ungya hinwi, nukhung khungsano se charikhani toni mankha. Bo kok satwtwi 'sada bwlai' chwndwi kolom khai molio.

Kokto soino tongo, Matiram sada moli mano nasik twtwi yachago. Akon abo bat risidi.

Tabuk hisab kahamkhe mankhenonono koksurwi panda se khai ri sinai, tamo hin? Ayung chwla biskara karioi hino.

Ayung chwla biyang nangya kok sajaokha, Matiram lachijagwi mwmkhang bomrere khai kok phirogo. Bo teibo sao, tongadi ang "calkileto" phaigwna, boroni hisab maya naigwra.

Ayung chwla khukchwio sada bertwtwi swngphiro, atsa ayung Mati nwng bwswk porikha?

"Kwlas thiri" jorase pori mansi bile angba. Amobo tisai hojagwise aswk phano sogwio.

Mokrere khai Ayung chwla hino, ao tei tamo khainai, pora lekha rog chini kwपालो kwrwi ayung Mati.

Hama kolok horwi Matiram bo hino, ao Ayung chwla kubui kokno. Swrapsa sir-ing soropni ulo bini khugo kok pero, Angba babuno se jolio dwlai. Tabuk poribo chakri manya hinwise pori riya, muyase phaldi hinwi dagio. Hisab mandrop phano pori rikha hinkhe tamose ungkhamun hinta.

Ayung chwla yachago, Ang nini kokno 'e' hinwi maliya ayung Mati. Nini babuno bo ta jolidi, chukyani bagwise pori ri manjaya. Nini babano ang kaham khai sinio. Wa phalwi bahaikhe aswk kwbangma cherai khwnaino pori ri mannai.

Ao, Ayung chwla nini kokno kubui,

Matiram yachago

Ah jora Agulini kiphilnai bus khungsa phaioi bwthak phaikha. Abono nugwi Matiram chirigo, "Phaibaidi! Phaibaidi! Kaham kaham muya hakwtwi. Mayung buwa. 'Feres ferer', gudok chadi, muiborok chadi, awandru chadi. Phaibaidi! Phaibaidi! Ajerni kuri, ajerni kuri".

Kaijak jak bwrwi khoroksa gogos thupjak phaioi muya bwswk hinwi swngphaikha. Matiram bono nugwi 'medem medem' ringkha. Bo sakha, ajerni kuri, sersani cholis.

Do, akon, kaham kaham sai dwi kg hodi.

Matiram yago pali pathor naharwi hino, medem nwngno hamajakma sai ridi.

Ang muya tangliya bomtok nanganw, ah bwrwi hino.

Ao medem, hinwi Matiram bini solao muya dao rikha. Yagulo ah bwrwi rang ekso yapharkha.

Bangti ridi medem, bangti kwrwi.

Kwrwi bile ani thanibo tongma bo Aguli auto kathani paithangkha, ah bwrwi yachago.

Matiram tamo khaisinai, tei bwswk phirokna nang siliya. Bo bwkha bising wansugo: sernwi naharkhai, sersa ni cholis sersa ni cholis khaioi asi teka ungo. Tabuk bo ano eksa rikha, hinkhe ekso ni bising tei bwswk kiphilna nang. Umm umm! Yasio lekhai naigwna- asi nobui ekso. Tinta khotol mane tiris teka. Tei tiris teka.

Ah bwrwi lerjagwi hino, tamo khai tong rang phphirokdi

Ab bwrwi ni khorang khwnai Matiram hisab koro jagwi thangkha. Medem hisab koro thangkha.

Ayung chwla twi khoroksano muya

phalwi phaikha bo tabukbo rang phirok ri
manya nugwi tongmanjak liya bwswk twlang
ano sadi, ang sawano.

Ah bwrwi hinkha, norog hisab khainase
aswk time nango hinkhai bahai dugan ri
mannai! Hodi dakti.

Matiram bujogwi sao, sernwi twlango
cholis teka khaioi.

Ayung chwla hino, cholis bai cholis asi,
ekso ni bising asi narwkhe tei bis phirokdi.

Yang busbo horn rioi tongkha.

Matiram phatphat bis teka sola
bisingni karina naikha. Phiya phatsa bo rang
kari manliya, boro kwchai tongkha sola

bisingo.

Bono nugwi ah bwrwi thamsi kajakha.
Twlwng liya rang rung hinwi muya simi
khochai thangkha tei hinkha' Hisab mayakhe
muya ta phaldi'. Borokno hoirani khaidrop,
Tiprasa rogn'o 'opoman' khaidrop.

Kwpal hamyanj jorakhe hai ungo,
Matiram hino. Medem, medem hindi nini
rang. Bo bus dogolam jora thangwi tunwi
rikha.

Matiram bwkha bising bising wansugo,
"Medem hisab swrwngna jora chini thani
kwrwi, norog Aguli tongwi buji mangwlak.
Chwng bohok se swkang ma methebo".

জিৎসেলউ হঙাক

ক্রইরী মগ চৌধুরী

তংজইংনামা ইংতছঙ, আমিং তয়ক্ সাংহুংয়ক্ লাব
 যাংলুপং চাগেতে। যাক্ সাং হুংয়ক্ লে তয়ক্ ফ্রোপং
 তয়ক্ মনিহুইং। জিৎকো হুংয়ক্ তয়ক্ তয়ককংগঙ
 খ্যেকেতে। আমিংচা তংখোওয়েতে-য়ালুক্
 তেহসাস্যেরলে আমিংলা যাদোলাব নইংলক্ লুকেতে।
 যামা চাবালে মিহুহুারে, সোন্সি, ফরোংসি, নহাইং। ছেহং
 রদলে যালোংপ্রয়ালোং প্রিবং নোয়ীব সিগেপ।
 যাচরুগোল্লাংবং আমিং কংগঙ ওয়েইং ষউতে-চুইমা
 আপ্য রউতে। আক্রংরালে তখো রউতে, জালংলে
 ছোগেয়ামা চাবা, আসি ফালাইংরুগো কিয়, হঙারু
 চাফোব্যুওয়ক্ ম্যক্ রুগে যামা চাব-প্রিব ফ্যাকেফুব্যা।
 যিক্যিজু-আমিংচা সারংগো খবং প্রেরে, এলউ
 সাখ্যরুগোনিং কবাং নাংরু জিৎকু যামা লাব চংগে ও
 তখোবাংমপ্যারায়ং আহুপা ক্রিবং থাকে। যাগা চাবা
 ইংদো তাক্যেরাঙোরু চাগেরাফো। মহোক্যে আচা চাবং
 হুংফোলে? আমি চাইংনেইং যানেইং হাংখ্যাং রুগো
 ক্রিরে, ইংমা আলুকো লুউতে, আমহাং-হাং খ্যাক্ তে।
 সারু জিৎকো যামা লাবং চংগেতে। যাখ্যাংচাগা ইংগাবং
 আমিংচা-তবোং আওইনিংস্রাংহুগ্যে জিৎসেলউ ইংদো
 আমহাং যোজংলেতি। আমহাং থোউপ আমিংচা সাস্যে
 লাক্ মা পিইবহুওয়েতে। আমহাথো যোব রক্ খা যাচাং
 থাক্ মা তাকপ জিৎকুহুংয়ক্ আমহাথোকু ফ্রিইব ওয়িবং
 চাগেতে। নিংখ্যেইং ক্যাহুগ্যে জিৎকু হুংয়ক্ ইংদো
 প্রেইংব লাগেতি। যজঙপ্যাংব নিংদইওয়ামা লাব
 চাগেতি। মকোওয়ে মকোওয়া তয়ক্ তয়ক্ খ্যেকেতি।
 আমিংচা ইংমা আলুক্ লুকপ ব্রিইগ্যে তাখামসা যাদুলাবং

ক্রিবে। যজঙ প্যাংব যাসুরুমা রাকরু লারেব্যা। তারাক্
 মসাখা নিদইংল্যেং আখ্যিইং তইংবে খাঙিৎসেলউ
 আমহাংয়োজং ইংদো লাহারে। ইংমা লাবক্রেতং আমহাং
 মখ্যাসিই। যিনিংখা আমিংচা চাবাথংব ফোওয়েপং
 আখ্যিইং আম্যালাহারে, নিংলেস্রাংরে। আমিংচা আমহাং
 খ্যাফো ক্রারেখা, সাস্যেলেআমহাং যাদুয়োব লাফো
 ক্রারেব্যা। আমহাং ক্যারেখাআমিংগা সাস্যোগো প্রেরে
 এলউ সাস্যে নিংলে স্রাংব্যাসস্যোগো আমহাং মওয়েফো
 ব্যা-আয়াংজানাং আমহা তছো চা-উং, যাক্ চাব্রেখা নাক
 আকুস্যেওয়িই আস্থাতো যোব যাদো লালিই। সাস্যোগা
 প্রেরেঅদউ-মচা, আকুস্যেলে যামা আমহা মওয়েপং
 হিইলিমে, আয়াংজা আমহাং থোউপ পিই, যামা
 লাবযাচাংথাকমাআকুস্যেলা হুংয়কং আতু থইংব
 আমহাংথোকু ওয়িব চামে। আমিংলে আচা প্যাংফোলে
 সাস্যে হুংয়ক্আখ্যিই মিটাগো স্রাংব ওয়েইং ষউতে।
 সাস্যে লাকমা, আমহাং থোউপ পিলতে। আমহাথোকু
 রারেখা সাস্যেচারিবাং মররুখাব্রিইব ব্রিইব যাদো
 লাহারে। লেইংমাখরোউ তপংমহুক্ লাইংরে, অরং থাব
 পাংব পাংব ব্রিইবলারে। যাসুগা তোওক্ তে অকুস্যে
 আমহাং মওয়েপচংবং ম্যাখোওয়া কিলিইমে আয়াং
 যাদো রকয়ং লারাফোঅকুসিচা জিৎমরকহু চংব চংব
 ম্যাখোওয়াকিরেব্যা। আমহাং মওয়েপ ওয়েংছাব
 জিৎগোরা মাইং তাতেব্যা।

সারং ক্রাব জিৎসেলউ যামা রউহুারে, ব্রিইবপাংব
 আমহাংথোকু যোব আকুসে লাক্ মা পিইরে। আকুসে
 জিৎগা আমহাং থোকু যোব চাফো থইংরেব্যা।

জিৎগোলে মপিই কোমাকু নোংখ্যাং আমহাং চারে। জিৎচা প্ররে অকুসে জাগোলে আমহাং পিইমেহ্। জালে মোওয়েতে মাখাইংহুইংব্যা। অকুসে ম্যাচিইমা যাকআমহাংথোকু তাফিইসোরা সাংরেব্যা। অকুসেচা প্ররে নাংগা চাব লেপ্যা, যি ক্যিজুগা নাং আমহাং চাব ক্রাবলেতি, আকুসে মোওয়েপ-চংব হিইরে গো তোওয়েপ মারা। এই অমহাংথোউ জা নোংখ্যাংজা, তাফিইসেব্যা। নাকোমপিইহুইং। জিৎসোলে ওয়েংছারে আমহাং মওয়েতেমখাইংহুইংব্যা। জোব জোব অকুসেও আমহা তংরেপ্ররে অকু আমিংগা জোহুংয়ক্ জা আমহা পিলত। জালে মিচাসিইং অকুলা অতুউ থইংব চাফোলু লেতে অকুসেচা আমহা যোবকোমাকো বনু বনু চারে। জিৎসেলে জোব আমহাং তংবংনিংরে-প্ররে-অকুসে জাগো আমহাং তাফিই পিই, আমহাং তাফিই পিইমে, জা যতুউ দুখোওয়া খেংব ব্রিইব পাংবআমহাংথো যোব লেতি, অকুসেচা মাইংগ্রীতাক্ প প্ররে-নাং নেংমা হিইগে জাআমহাং ওয়ায়ংচারামফুমহোউ যজং ছোব জিৎসেগো চাংখাকা ক্যকপং লেহাব খ্যালতে। যাকণক্ থইংব নোংখ্যাং আমহাং ওয়ায়ং চারে। ফা-ফা ওয়ায়ং আমহাগো কোংয়ং চাফো তোওয়েপং-চারে চারে। চাবাক্ চাবাক্ ফাং ফাং ওয়াব ওয়েং মল্লোহুইংব্যা। আমহাংথোকা আমহাংচা অওয়করা কুংরেসিই। আর অওয়ক আমহাং কেইংব স্রেপং হিইরেসিই। যিখারা তোওয়েরারে --- আমিং জিৎগোহুংয়ক্ ওয়িই আমহাংথোক্ পং পলত। জাগা চাব্যা অওয়েইং প্রিইব্যা, জিৎসেগামচারাসি, মোওয়েপ হিলিইমে। যিখা চাং থাক্ কা নিংবজিৎসেগো খংরে। অ জিৎসে, অ জিৎসে আমহাংচাফো আঠাক্ তু তাকলে। জিৎসেলে মথোউ। প্রাইংবঅবং খংরে অজিৎসে নাং মক্রালং, চাংখাক তোতাক্ লে আমহাং চাফো লালে। অকুসেচা তোওয়কতে বুলেমেথঙলেমে ক্রুউপং মথোউ, চাংখাতুলে মলে ফ্রমে। যজঙে তোওতপং আহ্লাপা প্যাংব খংরে - অ জিৎসে, নাকো মবোপ্যামছিব্যা-মক্রক্যে-চাংখাক্ তো তাক্ লে, আমহা

চাখ্ লে। জিৎসেগা মথোউ ততুই তদং। অকুসেচাযিখা তাফিই স্নাফোওয়ে রউরেতোওয়কতে জিৎসে আম্মামোহওয়েপং জ্যংবং উইব্যা ফ্রমে, অউতু সাক্ পং হোংব যোখ্যিরাফু। যজঙে তোওয়েপং জিৎগু যোফু চাংগা অউতে সাক্ তে। জিৎগাচাংখাকা লুবং ক্যাবং সপাং আরাংমা অগঙ বুক্ পং-প্রংপংসিইব্যা। জাখাকাবং সিইবং ক্যাবংহিইরে অকুসেচা আমেহইংমিসিইং জিৎগো যাচাং থাক্ কা কাউপং লেহাবং খ্যাবং নোংখ্যাংআমহাং চারে। আমহাংলে ওয়ারে, চাবলে মতোং যলহুমা জিৎগো তোওয়েরারে। জিৎগু নেইংমা লাংবং খংবে মথোউআলাক্ লা খাইংথাগো তুবং হোরে, প্ররে অ-জিৎসেথা-লা-লা-আমহাং চাফো লা। জিৎসেচা ম্যাচিইবামফোওয়ং, জাখাকাবং আসাক্ থোওয়েপং লাহাব্যা, সিইবংক্যাগ্যইব্যা। অকুসে যাক্ চাগো মিসই। অকুসেচা তোওয়েতে আমহাং মোওয়েপং জ্যংবং, চাং আখাকলুইক্যাবং মংরে ফ্রমে। যজঙরামা আমেহইং মসিই। জিৎগো রোওয়েপং অংদো, সাক্ হারে, অংরিলা জিৎসে। আগঙগো ছিইরে, ম্যাহা সতে, ম্যাহাগো আলাক্ হুফাকলা কইংব প্ররে জিৎসে থা-থা-ম্যাক্ চিই ফোওয়ং। জিৎসে ম্যাচিই মাফোয়ং খাইংথালে মল্লোপ্যা। যিখাঅকুসেচা আক্রুউ রউরে-জা জিৎসেসিইব্যালং, আং ফোরাতার, জাগোউ আচা প্যাংফোলে। জিৎসেও ফাকপং হংব জোরে-খংরে-অং জিৎসে-অং জিৎসে, মা নাকো খ্যতে, নাকো অরং তখ্যাবাং মবোউপ্যা, মছিইব্যা, ম্যাচিইং ফোওয়েপং ক্রে, থা-জিৎসে থাং অং চা তংমা-অংমা আসেইং খ্যাংরে, অকুসে-হংব জোচা-গো ক্রাবং তংমা হঙাক্ সদোওয়ারুক্রুউপং তিদিং চছুইফ্ররে।

খ্যাংঙ্যহং প্যাংব খং যিলে জিৎসেচা মথা ছোগে-যিখারা সিরে জিৎসে আমেহং আমেহং সিইব্যা, আরহাংবং সিইব্যা। তখ্যাবাং মথ্যাব্যা, অকুসে ছোবং মখংব্যা। জিৎসে জোবং আমহাং, তংচাগো নামাং ক্রাখাঙরে, যিখারা সিদ্দীরারে-আতোওয়ক্ ক্যারে। জা-কংগঙ লু আছোং, জা-আচা তখ্যে প্যারে লে, ছোবং কোণ্ডকো দসাং মাইং তাক্ তে। যাসুঙা লু থাক্

খ্যেওলে-য়াক্ সুগো ঙা কো-আলাকলা সেহ্ বংরে। ঙা
ঙহাংলুমকংচা আরং লগামা মিহিইব্যা। যজঙ ছোবং মইং
তাকতে, ক্রুউপংলে তাক্ তে। গ্টিংলা তয়কো তয়ক
খ্যেকেতে, প্রাংগেতে, খ্যাংরাদোলা-আতুউ লাগেতে,
খ্যাংচাবাংরা-হুংয়ক্ ওয়িবং চাগেতে, আতুউ উইকেতে,
কুয়ঙচাগো তখো তখো অতোওয়ক্ বারে। আমহাংমা
ছোগ্যে যসুলে গ্টিংস্যেগো কংগঙ খ্যেতে। জাডো
গ্টিংস্যেগো আমহাং চাফো মপিইলিলে-য়াকচাগো
তোওয়পং কংগঙ চুইছোরে, সুগা প্ররে-ইং
আমহাংথোকো ঙামা গ্টিংস্যেরা চাথইতে। জালংলে
ছোগ্যেং-নবোই তারিরমা জাপ্রিই তংজইং লাগা-ইংগা লাবং
আমহাং যোখিইরে। ইংমাআমহাং মচাখা, আকুসেগো খ্যপং
আকুসেলা আতুউ থইংব ওয়িবং চাগেফো কিজুউ, যোবং
য়াদু লেতি। এই আমহাংগো যাসুরা হ্রীগা চাফো তাইংরে।
য়াক্ গ্টিংসেগো মপিইব্রি কোরা নুংখ্যাং চারে। যিলা মকিই
ক্যউপং হ্লেবং খ্যাবং সহ্ বারেং। আকুস্যে ঙাগো আমহাং
তফিই পি-আমহাং তফিই পি ছোবং মহক্ ঙোবং
তংলিইরে। যাকচাগাগো আকুসোচা নামা ক্রাবং নিংবারে।
ইংমকংজং-য়োউজং আনুউ ঙারইং জাহো লুকরেনে।
আখ্যই ক্রাংনা তফিইবাং মরকলি। যজঙ প্রবং আকুসে
হবং ঙোরে। যাসুগা আমহাংরা তফিই তংলিইরে,
য়াসুআফেউ আমহাং চাংখাক্ মা ক্যাব হিইরেব্যা, তয়কলে
চাসা মহিই।

ইংদো লাখা আমিংগো আচা প্রফোলে, গ্টিংস্যেগো
মভাংগ্যে আমিংগা মিংফোব্যা-হ্রাফোব্যা, যিখা আচা
প্রফোলেহ্, যাক্ চাগাগো তওয়পং আকুসে ক্রুউপং
তাকতেব্যা। আমহাংতছোউ কিজু ঙা গ্টিংগু সেহুংরে, ইং
চাগো সিইংগ্যে ঙামা আমিংচা আচা তোওয়ফোরং, পজং
প্যাংব আমিং নেইংদো লাফোলেহ্। গ্টিংলা আতুই হুংয়ক্
মভাংগো আমিংগা মিংফোব্যা। যিখা ঙা আচা প্রফোলেহ্।
ইংচারুগো তোওয়পং যাসু আরুউ ফরেব্যা।

আকুসে ক্রুউপং ওয়িইছাবং ইংদো প্রেইংব মলাব্যা
ছোবং ঙোবং নিরেব্যা। কো আরাং গ্টিংস্যেগো
সেহ্-রুচাগো তোওয়পং ওয়িছাবং চুইনাব নউকার আরং
তংদো লাহারেব্যা। তং আনাকখীমা পেপং লিবং ঙোরে-অ
গ্টিংস্যেলউ-গ্টিংস্যেলউ ছোবং অবং খরে। গ্টিংলা
প্রাংগেচাগো তওয়উবারে, হুংয়ক্ অতুই ইংমা থইংব
চাগোচাগো তোওয়উবারে, হুংয়ক্ অতুই ইংমা থইংব
চাগোচাগো তোওয়করারে, গ্টিংলা-আকুফাকপং উইকেতে,
আকুস্যে গ্টিংগো খ্যেতে, গ্টিংলে আকুসেগো খ্যেতে,
তয়কলাতয়ক্ মপ্রোউকে। যজঙ প্যাংব নিংগেচা, গোনিং
আকুসে নোংখ্যাং নিফো মতেপ্যা। মমং চাজেইং তংনাক্
আখিমা খ্যাংরাদো ক্রিগ্যে-গ্টিংগো স্রাংখাংরে। যিখা
-গ্টিংস্যেলউ গ্টিংস্যেলউ ছোবং খবং লতে। চালে মচা,
সক্ লে মসক্, উইলি-মওয়িক, তংমা পেপং গ্টিংগো হ্রাবং
নিংরেব্যা, যাসু গ্টিংগু অবং খচা তংলোং আসেইং খ্যাংরে।
য়জং মচা-মসক্ উয়িছাবং পেপং তারাকখাক্ তারাক আং
য়ব ক্যারেব্যা। গ্টিংগো রুদাবং খবং যাসু রোপাহাব্যা।
গ্টিংগো রুদাবং গ্টিংস্যেলউ-গ্টিংস্যেলউ ছোব খবং খবং
তং নাকখীমা তারাক্ মিসাখা আসাক্
থোওয়উরে-সিইরেব্যা। সিইইহুং সিবং অবং তবোওয়ামা
য়াসু হঙাক্ ফরে। হঙাক্ ফকোলে-হ্রীগা বোওয়ামা ঙোরে
রুদাবং খবং নিংরেব্যা।

অ গ্টিংস্যেলউ-গ্টিংস্যেলউ ছোবং স্রিইরে। যজঙ চোব
য়াক্ হঙাক্ তংমা পেপং ঙোরে-স্রিইরে। হঙাক্ ফকোলে
য়াসু চুইমা অপ্য মিইই, আওইছালা নিংবারে। অগোলে
তংনাক্ আখীদো লাগ্যে, গ্টিংস্যেলউ, গ্টিংস্যেলউ ছোবং
য়জঙমে হঙাক্ স্রিচাগা ক্রারামে। যাক্ হঙাক্চা গ্টিংগো
রুদাবং তাগেইংফামা যজং ঙোবং স্রিবং নিংরেব্যা। যাক্
স্রিচাগো ক্রাগ্যে খ্যাংসুপ্রং চুইমা ওয়েনো ওয়েনি তুইরি।
য়াক্ হঙাক্ স্রারে। যাসু ওয়েদনাগু স্রাবং অকুংসু খ্যত্রাং
ওয়াসমা রউকেতে।।

ক্যাগাইং হঃ কঙ

ক্রইরী মগ চৌধুরী

আম্যা আম্যা হঙাক্ রুমা ক্যাগাইংলে তাজেই হঙাক্ যাক ক্যাগাইং রু রোওয়া নেইংবা তঃবোমা নিংগেইতো যা-মা আসিই ফালাইং স্মিগ্যে-য়াক্ আসি রুগো হ্রাব চারোতঃ মা সাদোওয়া সিইগে ক্যাগাইংরু আখালিই ব্রে-আসাহ্ অপু চাব প্যব নিংগেতো রোওয়াথীগা ছোই-ক্রাক্-নোওয়া যজঙ আম্যো আচেইচে সদোওয়া সিইগ্যে লুরু রোওয়া আপ্রাং তঃ নামা য়োব বইতো য়িখা ক্যাগাইং অরুই-কা-কা-কা-কা-শ্রিব প্যব আসা চাব হ্রাব নিংগেতি।

ক্যাগাইং ছো-চা রোওয়া আনামা অপু আচে হিইচারুগো-কঃ পঃ য়োব-চাব রোওয়া গোঃ সাইংচাংজ প্যব থারো সুরুলে ওয়েং ওয়ারে। লু ইংমা আগাইদো মহোক্যে আম্যুসা লেফু ছোগ্য হ্রীইগা কাবাং ক্যাগাইং যাক্ ইংনেইংমা শ্রিব সদাং প্ররে। রোওয়ামা প্যাচছিই ফ্রাফ্রা-মগ্যে-দুখোওয়া রাচা-মকংজঃ সদাং গুলে ক্যাগাইংরো য়াংব সদাং প্ররে। লুরোলে ক্যাগাইং শ্রিচা আসেইং ক্রাব আকং-মকং সদাংগো সিইহুইংরে।

ক্যাগাইংরো ছোচা যজঙয়ে (আচেই চেহ) অপ্রম্যা-ম্যা আখ্রা-আখ্রা আঃ সেইলা শ্রিব তাওতো আশ্রাংমা ক্যাগাইরো স্যেঃ ম্যেঃ আখ্রা ওহাকরো থাকলে তাফিই আগ্রী।

শ্রোথীইমালে ক্যাগাইংরো আম্যা নিংগাইতে। জীইনারোমা হাংসা আপো আচেই-লু-বঃ চারোগো হ্রাব চাবনিংরে। শ্রোথীইমা ক্যাগাইরো ওয়েইং প্রেয়ঙ

আচা ত্খাবাং মচার। কংগঙ দুখোওয়ামানিংরারে। শ্রো-ক্যাগাইচা তোওয়তে তঃমা -রোওয়াথীমা-আম্যা-আম্যা-আচা-আসক হিইলিইমো ওয়েং প্রেয়ঙ চারামে। যজং তোওয়পঃ শ্রোগা ক্যাগাইংচা রোওয়া পউচু আদে হিইরেলে হ্রাব লতে।

রোওয়াথীগা ক্যাগাইংলে তোওয়তে -থাংবে-ইঃ রোওয়ামাথাক শ্রোঃ মা আচাক আসক আম্যা আরা আপা হিউমে। যজঙ তোওয়পঃ রোওয়া ক্যাগাইং শ্রোদো হ্রাব লইতো লাইংমা যাক রোওয়া গা ক্যাগাইং আপাংগ্রী তবাংমা নাংরে। থোউ শ্রো ক্যাগাইংলে লাইমা যাক আপাং থাকমা তছঙ নাংরে। শ্রো ক্যাগাইংলা-রোওয়া ক্যাগাইং হঃ কঙজোং তারেমা আতো ক্যাগেরে। শ্রো ক্যাগাইংচা রোওয়া ক্যাগাইংগো মিংরে জাগা লাইতেলে, জাদো লাফোলে? রোওয়া ক্যাগাইং-গা প্ররে তঃনজা রোওয়াগা লেতি-শ্রোদো লাফো। শ্রো ক্যাগাইং প্ররে জালং শ্রোদো লাংখ্যারেলে? রোওয়াথীগা ক্যাগাইং প্ররে-রোওয়ানামা তঃ শ্রিব আপাংব্যা-য়া-হাংখাংরোমালে আসিঃ ফালাইং আনইং রারে, রোওয়ামালে আম্যা আচা আসক মারাব্যা। গোরু ক্রারে-শ্রোচা কংগঙ আহ্লা আপা, ইংরোলে হ্রারে লাইংলে হ্রারে আকুংচা হ্রারে কংরে-খ্যাইংসারে। যজংরামা শ্রোগো হ্রাব লইতে। শ্রোক্যাগাইং প্ররে গা শ্রোথীমা খ্যাইংসারে

মতুই-রীক্যেজু রোওয়াগো হ্রাব লতে। রোওয়া
ক্যাগাইংচা যাক চাগাহগো মাক্যুংখ্যাং। স্রো
ক্যাগাইং প্ররে রোওয়া কংরে রোওয়া ক্যাগাইং
প্ররে স্রো কংরে। ত্গং চাগাগো আরঃ তগং মনা।
য়াক আখিৎখা হাংসা রংসা তয়ক হাংসা খ্যাব
আপাং অউকা থইংব নাংরে। যীখা স্রো ক্যাগাইংচা
রোওয়া ক্যাগাইংগো প্ররে থো হাংসা রংসাগা
হাংসা তদঃ য়োব প্রাহুইংফোল-প্রাঃ। রোওয়া
ক্যাগাইং প্যাইংব সাপঃ হাংসা তদঃ খোউরে-য়ীখা
য়াক হাংসা রংসা লুংচা ক্যাগাইংগো ক্রেব থাংবইং
তালাক হকলতে খা ক্যাগাইং আতং তাফাক
ক্যোপাহারে। আর তাব্রেইং হাংসা খোফো লাহারে
আরঃ প্রাইংব থাংবইং হকরে যীখা রোওয়া
ক্যাগাইংমা নাসুইমা আনা রাব মছু হুইংব্যা। যা

আনকা স্রো ক্যাগাইংচা প্ররে ঙা খোউমে ক্রে-স্রো
ক্যাগাইংচা পথমা হাংসা রংসা গংবঙ গো খোউপ
য়োব আপাং থাকমা খ্যেপ থারে। যাক লুচা গংবঙ
য়োফো আলুমা আপাংদো তাকতে। যীখা স্রো
ক্যাগাইংচা আরংইগা হাংসা খোপ য়োব লেতি।
রোওয়া ক্যাগাইংচা ক্রেব মংহারে। ইঃ আক্রাইং
পজং রউরেলে,ঙ। স্রো ক্যাগাইং প্ররে স্রোমা
নিংফো ছোগেই আম্যা লিইমারাহো-স্রাইংরাফো
-মহউ ছোগে হ্রাংব মনিংহুইং। লুংরো,
সদোওয়ারো স্রোমা নিংচা আকুংসু লিইমারো ইং
হুারে না আরা হুগ্যেলে লুংবো কংগঙ চিজীই
চারে-আরোওয়েং মখ্যাক, আরোওয়েং মবঃ। লুঃ
আচা আসক মবকে গোরু হঙাম্যো মচার। স্রোমা
হ্রাব চাফোচা হাংখাঙ-চাবাখাংরো মিহীই।

